

(মেঘনাদবধ-কাব্য)

# সীতা ও সরস্বতী

বিশদ ব্যাখ্যা ও বিস্তৃত ভূমিকা সমেত

রায় বাহাদুর

শ্রীদীননাথ সান্যাল বি-এ, এম-বি

**Fourth Edition**

১৯৩৫

এক টাকা চারি আনা

—প্রকাশক—  
শ্রীঅমিতাভ সান্যাল  
৩৩, গুরুপ্রসাদ চৌধুরী লেন  
—কলিকাতা—



—প্রিণ্টার—  
শ্রীনরেন্দ্র নাথ দাস  
—বী প্রেস—  
৩৩ গুরুপ্রসাদ চৌধুরী লেন  
—কলিকাতা—

কর্ষিত কাবা-ভূমির অলৌকিকঃকন্যা-রত্ন

পবিত্রতার আদর্শ-স্বরূপিণী,

রামৈকপ্রাণা

সীতাদেবীর নামে জয় উচ্চারণ করিয়া,


আমি

মধুসূদনের সীতা ও সরমা চিত্রের

এই ব্যাখ্যা ও সমালোচন

বঙ্গের কুল-নারীগণের উদ্দেশে

উৎসর্গ করিলাম ।



“করণসা মূর্তিরিব বা শরীরিণী  
বিরহবাঠৈব.....জানকী।”

—উত্তর রাম চরিতম—

মেঘনাদবধ কাব্যে

## সীতা ও সন্নম

সীতা বসুন্ধরার কণ্ঠ্যভূমি হউন অথবা  
কবিগুরু বাল্মীকির মানস-সমুদ্ভূতাই হউন,—অপূর্ব  
সৃষ্টি ! রামায়ণের পুরুষ-চরিত্রগুলি উচ্চাঙ্গের হইলেও,  
কাব্য-জগতে তদ্রূপ চরিত্র, কল্পনার অতীত নাও হইতে  
পারে ; কিন্তু স্ত্রী-চরিত্রে কল্পনা সীতাকে কোন মতেই  
অতিক্রম করিতে পারে না । \* রামায়ণ-কাব্যে তিনি  
মানবী-রূপে বর্ণিতা হইলেও, লোক-হৃদয়ে তিনি দেবী-  
রূপেই প্রতিষ্ঠিতা ও শ্রুজিতা । কবি-কল্পনায় আদর্শ-  
নারী-জনোচিত গুণগুলি যতদূর উচ্চে উঠিতে পারে,  
সীতা-চরিত্রে সে সমস্তই তত উচ্চে,—বুঝি-বা ততোধিক

\* ইউরোপীয় সমালোচকেরাও এখন ইহা মুক্তকণ্ঠে স্বীকার করিতে আরম্ভ  
করিয়াছেন ;—“even the Bard of Avon never depicted more  
wonderful and fascinating women than the heroines of the  
*Mahabharata and Ramayana.*”

( *Indian Myth & Legend by Donald, A. Mackenzie.* )

উচ্ছে উঠিয়াছে। মনে হয়, যেন কবিগুরু ঐ সকল গুণগুলির সমষ্টি করিয়া নারীর আকারে মানবের চক্ষে ধরিয়াছেন!

এমন-বে বাল্মীকির সীতা, মেঘনাদবধ-কাব্য কবিকে সেই সীতার অবধারণা করিতে হইয়াছে : ইচ্ছা করিয়া নহে—কবিগুরু-স্বাভাবিক তপ্তির জন্ত নহে,—কাব্যের অনুরোধে নাধা হইয়াই, তাঁহাকে সীতা-চরিত্রেব অবতারণা করিতে হইয়াছে। যে সীতার প্রেম-প্রবাহ কৈকেয়ীর নিদ্রাকণ নাধা না মানিয়া, পঞ্চবটী-বনে পরম পবিত্র শ্রী ধারণ করিয়াছিল ; পরে, ধূর্ত মায়াবী রাবণের মারা কোশলে যে সীতার প্রেম-প্রবাহে এখন পর্বতসম নাধা সমুপস্থিত ; যে সীতার উদ্ধারের জন্ত বনবাসী ভ্রাতৃহর্য কিঙ্কির বানরের সহিত সখ্য করিয়া, বানরের সহায়তায় অলঙ্ঘ্য সাগর বন্ধন করিয়া লঙ্কায় আসিয়াছেন এবং লঙ্কার প্রবল-প্রতাপাধিত রাবণ-রাজার সহিত যুদ্ধে প্রবৃত্ত হইয়াছেন ;—তখনও যে সীতা অশোক বনে রাম-ধিরহে নিরন্তর রোরুঢ়ানা ও রাবণের উপদ্রবে উৎপীড়িতা ;—সে সীতাকে উপেক্ষা করিলে, ইহা কাব্য বলিয়াই গণ্য হইত না। শুধু যুদ্ধ-বর্ণনায় কাব্য হয় না ; তাহা হইলে আজকালকার সংবাদপত্রগুলি এক-একখানি অপূর্ব মহাকাব্য বলিয়াই পরিগণিত হইতে পারিত ! \*

\* এই গ্রন্থের প্রথম মুদ্রণ কালে ইয়ুরোপীয় মহাসমর চলিতেছিল।

সুতরাং কাব্যের অনুরোধেই কবিকে অশোক-বনে সীতার চিত্র অঙ্কিত করিতে হইয়াছে। এই অশোক-বনেই সীতা-চরিত্রের পূর্ণ বিকাশ। এই অশোক-বনে লোক-নয়নের অনুরোধে রাবণের সহিত একাকিনী সীতার যে দীর্ঘকাল যাপী মানসিক সমর চলিয়াছিল, তাহার কাছে অসংখ্য বানর-সেনার সহায়তায় রাম-লক্ষ্মণের লক্ষা-যুদ্ধ তুচ্ছ বলিয়াই মনে হয়। এই অশোক-বনের যুদ্ধে জয়লাভ করিয়াই সীতা আজ যশস্বিনী,—রাম-লক্ষ্মণের অপেক্ষায় সমধিক যশস্বিনী। এই অশোক-বনেই রাবণের কামানলে সীতার প্রকৃত অগ্নি-পরীক্ষা! এই অনল যাহান অঙ্গ স্পর্শ করিতে পারে নাই, তাহার পক্ষে পরে চিত্তানল শীতলতা ধারণ করিয়াছিল, তাহাতে আর আশ্চর্যের বিষয় কি আছে? এই অশোকবনের করুণ দৃশ্যের প্রভাবই লক্ষাযুদ্ধের ফলাফলের জন্য পাঠকের হৃদয়কে আকুল করিয়া তুলে। সুতরাং কাব্যংশে এই অশোকবনের চিত্রই লক্ষাকাণ্ডের কেন্দ্র-ভূমি। তাই বলিতেছিলাম যে, অশোকবনে সীতার চিত্র প্রদর্শন করা মেঘনাদবধ-কাব্যে ইচ্ছাকৃত নহে;— নিতান্তই অপরিহার্য। কিন্তু বাল্যকি, যে সীতাকে সমগ্র রামায়ণ ব্যাপিয়া রেখায়-রেখায়, বর্ণে-বর্ণে ফুটাইয়া তুলিয়াছেন, মাত্র তিন দিনের ঘটনা অবলম্বনে যে কাব্য, তাহার মধ্যে সেই সীতা-চরিত্র চিত্রণ করিতে যে-কোন

উৎকৃষ্ট কবিকেই চিন্তাকুল হইতে হয়। মধুসূদনও চিন্তাকুল হইয়াছেন এবং কাব্য-কলায় সেই চিন্তা ব্যক্ত করিয়া, পাঠককে মহচ্ছবিত্র শ্রবণের জন্য উৎসুক করিয়াছেন। মেঘনাদ-বধের চতুর্থসর্গারম্ভে যে সুন্দর বাল্মীকি-বন্দনা আছে, তাহা কাব্যের একটা প্রথা রক্ষার জন্য সাধারণ বন্দনা নহে ;—তাহা সীতা-চরিত্র চিত্রণের গুরুত্ব কাব্যকলায় অভিব্যক্ত। ইহা লক্ষ্য করিবার বিষয় যে, প্রথম সর্গারম্ভে সরস্বতী-বন্দনা করিয়া কবি গ্রন্থারম্ভ করিয়াছেন ;—পরে আর কোন সর্গারম্ভেই বন্দনা নাই ;—গ্রন্থমধ্যে কেবলমাত্র “অশোক-বন” নামক এই চতুর্থ সর্গের আরম্ভে কবি শঙ্কিত-হৃদয়ে বাল্মীকি-বন্দনা করিয়াছেন। ইহা বক্ষ্যমাণ বিষয়ের গুরুত্ব-ব্যঞ্জক বন্দনা, তাহাতে আর সন্দেহ নাই। কবি যখন বাল্মীকিকে নমস্কার করিয়া বলিলেন—

“তব অকুগামী দাস, রাজেন্দ্র-সম্মে  
দীন যথা দায় দূর তীর্থ দরশনে।—”

তখন তিনি “দীন,” “দূর” ও “তীর্থ” এই তিনটি শব্দে বর্ণনীয় বিষয়ের পবিত্রতা ও আয়াসসাধ্যতা এবং তৎপক্ষে নিজের দৈন্যের প্রতি সুন্দররূপেই ইঙ্গিত করিলেন। বর্ণনাম্বেষে, কবি বলিয়াছেন—“কৃপা প্রভু কর অকিঞ্চনে।” কৃপা প্রার্থনা কেন? কেন-না, কবি অশোকবনে



সীতার কথা বলিতে প্রবৃত্ত ! দুঃসাধ্য ব্যাপারে হস্তক্ষেপ করিবার পূর্বে যেমন লোকে দুর্গানাশ করে ; দেব-মন্দিরে প্রবেশের পূর্বে যেমন লোকে দ্বার-দেশে নমস্কার করে ; তেমনই অশোকবনের চিত্র উদ্ঘাটিত করিবার উদ্দেশ্যে কবির এই বন্দনা, এই কৃপা-প্রার্থনা । এই বন্দনাটিতেই পাঠকের মনে একটা অসাধারণ দৃশ্যের জন্ম ঔৎসুক্য জাগাইয়া তুলে । ইহা ঔৎকৃষ্ট কাব্য-কলার একটি প্রকৃষ্ট উদাহরণ ।

পাঠককে অশোকবন দেখাইবার পূর্বে কবি আর একটু কাব্য-কলা-কৌশল অবলম্বন করিয়াছেন । প্রথম সর্গের শেষে দিবাবসানে মেঘনাদের সামরিক অভিষেক হইয়া গিয়াছে । এই অভিষেকে ত্রিয়মাণ লঙ্কাসীর মনে বিজয়াশা জাগাইয়া তুলিয়াছে । সুতরাং লঙ্কায় আজ সন্ধ্যায় মহা আনন্দোৎসব অশোক-বনের চিত্র উদ্ঘাটনের পূর্বে কবি এই আনন্দোৎসবের বর্ণনা করিয়াছেন ;—দেখাইয়াছেন—

“ভাসিছে কনক-লঙ্কা আনন্দের নীরে,—

সুবর্ণদীপমালিনী—রাজেন্দ্রাণী যথা

রত্নহারী ;”—

গৃহে-গৃহে আলোক-মালা, গৃহে-গৃহে আনন্দ-ধ্বনি,  
এবং সর্বত্র বিজয়াশার উল্লাস-সঙ্গীত । ইহার পরেই  
কবি অশোক-বনের চিত্র উদ্ঘাটিত করিলেন ;—যেখানে

আলোক নাই, আশা নাই, আনন্দ-ধ্বনি নাই,—সেই  
অঁধার ও নীরব অশোক-বনের শোকাবহ দৃশ্য উদ্ঘাটিত  
করিলেন। বৈপরীত্যের সমাবেশ (contrast) যেমন  
চিত্র-কলার, তেমনি কাব্য-কলারও একটি উৎকৃষ্ট অঙ্গ।  
লঙ্কার এই আনন্দোৎসবের দৃশ্যে পরেই কবি যেই  
বলিলেন—

“একাকিনী শোকাকুল’, অশোক-কাননে  
কাদেন রাবব-বাণী, আঁধার কুঁজরে,  
নীরবে”—

তখন পাঠকের মনে সেই অশোক-কাননের অঁধার ও  
নীরবতা যেন দ্বিগুণ গাঢ় হইয়া উঠিল! তারপরে  
কবি অশোক-কাননের যে শোকাবহ চিত্র দিয়াছেন,  
তাহা কি বালাকি, কি কুন্তিবাস, কাটারও কাছে পাওয়া  
ষায় না। শোকে সমগ্র কাননটি যেন সীতাময় হইয়া  
উঠিয়াছে! তরুরাজি পুষ্পাভরণ ফেলিয়া দিয়াছে; পবন  
রহিয়া-রহিয়া দীর্ঘশ্বাস ত্যাগ করিতেছে;—পক্ষিকুল  
অরবে শাখায় বসিয়া আছে;—প্রবাহিণী উচ্চ বীচি-  
রবে সীতার শোক-বার্তা বহন করিতেছে;—সমগ্র  
কাননটি যেন সীতার দুঃখে দুঃখী! মাত্র একুশটি ছত্রে  
এই অশোক-বনের চিত্রে সীতা-হৃদয়ের কুণ্ডলছবি  
পাঠককে যেন আকুল করিয়া তুলে।

কাব্যকলার অনুরোধে কবিরা পাত্র-পাত্রীদের প্রতি

কখনও নিৰ্মম ও নিৰ্দয় হন, আবার কখনও-বা সহৃদয় ও সদয়ও হইয়া থাকেন। কিন্তু কোন্ অবস্থায় নিৰ্দয় হওয়া আবশ্যিক, আর কোন্ অবস্থাতেই-বা সদয় হওয়া আবশ্যিক, উহাই উৎকৃষ্ট কবিদিগের কাব্য-কলাঃ বিষয়। বহুকাল ধরিয়া সীতা এত অশোক-বনে রাবণ কর্তৃক উৎপীড়িতা ও নিগৃহীতা হইয়াছেন। এখন লক্ষ্মায়ুদ্ধ অহমান প্রায়। বীরযোনি লক্ষ্মায় আজ মেঘনাদ ও শ্বয়ং রাবণ ছাড়, আর বীর নাই। রাবণ নিজেই বুলিয়াছেন যে, লক্ষ্মার রসাতলে বাইতে আর বিলম্ব নাই। তাই তিনি সাতাকে আর লোভের চক্ষে দেখিতে পারিতেছেন না। রাবণ সীতাকে এখন কি চক্ষে দেখিতেছেন, তাহা বীরবাহুর শোকে বিলাপ করিতে-করিতে রাবণ শ্বয়ংই বলিয়াছেন ;—

“কি কুক্ষণে \* ● \*  
পাবকশিখা-রূপিণী জানকীরে আমি  
আনিব এ হৈম গেহে !”

রাবণের চক্ষে সীতা এখন “পাবকশিখারূপিণী !” এখানে রূপের “রূপিণী” নহে,—রূপকের “রূপিণী” ; —পাবক-শিখা-স্বরূপিণী—প্রজ্বলিত অগ্নি-শিখা ! দাহার গৃহ-দাহ উপস্থিত, সে অগ্নিকে যে চক্ষে দেখে, রাবণ সীতাকে সেই চক্ষে দেখিতেছেন। “আনিব” বলায় বিলাপের গাঢ়তা হইয়াছে। লোকের গৃহে আগুন লাগে ;

দৈবাৎ বলিয়া মনে একটা প্রবোধ থাকে। কিন্তু রাবণের সে প্রবোধটুকুও নাই ;—দৈবাৎ নহে ;— তিনি নিজেই এই আগুন আনিয়াছেন ! এখন রাবণের মনের অবস্থা এইরূপ। এখন আর রাবণ-কর্তৃক সীতার উৎপীড়ন কাব্য-কল্পার হিসাবে সাজে না। তবু চেড়ীবৃন্দ কর্তৃক ক্ষুদ্র-ক্ষুদ্র উৎপীড়ন না হইতেছে, এমন নহে ;—সরমার কাছে সীতার কথাতেই তাহার উল্লেখ আছে। কিন্তু উৎকট উৎপীড়নের সময় আর নাই ; কারণ লঙ্কার এখন শোচনীয় অবস্থা। এদিকে সীতার মনের অবস্থা তাহা অপেক্ষাও শোচনীয়। রাবণের যে বীর-পুত্র ইন্দ্রজিৎ, সেই মেঘনাদ আজ যুদ্ধে ব্রতী ! লক্ষ্মণ একাকী তাহার সহিত যুদ্ধ করিবেন ! ইহাতে দুর্ভাগিনী সীতার মনে আশা অপেক্ষা আশঙ্কার ভাবই প্রবল হইয়া উঠিয়াছে। পরস্পরা-ঘটিত ও দার্ষস্থায়ী দুর্ভাগ্যের স্বভাবই এইরূপ। উপস্থিত এই বিপদ ;—তারপরেও, স্বয়ং রাবণ বাকী। সুতরাং সীতার মনের আঁধার এখন ক্রমশই ঘনীভূত। এ অবস্থায় সীতাকে বাঁচাইয়া রাখিতে হইলে, ঐ শোক-তপ্ত ও নিরাশ হৃদয়ে সাহসনা-বারি সেচন করিয়া আশার সঞ্চার করিয়া দেওয়া আবশ্যিক। সহৃদয় কবি তাহাই করিয়াছেন।—

“হরস্ত চেড়ী, মতীরে ছাড়িয়া,  
ফেরে দূরে মত্ত সবে উৎসব-কৌতুকে,—

হীনপ্রাণা হরিণীয়ে রাখিয়া বাধিনী  
নির্ভয় হৃদয়ে যথা ফেরে ছরবনে ।”

সাস্ত্রনার প্রতিকূল, উৎপীড়নকারী চেড়ীবৃন্দকে লঙ্কার  
উৎসব দেখাইতে পাঠাইয়া দিয়া, কবি সেই গাঢ়-অঁধার  
অশোক-বনে ক্ষণেকের জন্য একটা শাস্ত্র নির্জনতা ও  
নীরবতা সৃষ্টি করিলেন ;—

“একাকিনী বসি দেবো, প্রভা আভাময়ী  
তমোময় ধামে যেন !”

ভীষণ অঁধার, যেন প্রেত-পুরের গায় ! ভীষণ নির্জনতা  
ও নীরবতা,—জন-প্রাণী নাই,—সীতা একাকিনী ! এমন  
সময়ে,—সাস্ত্রনার এই সুন্দর অবসরে—

“সরমা সুন্দরী আসি বসিলা কাঁদিয়া  
সতার চরণতলে, সরমা সুন্দরী—  
রক্ষকুল-রাজলক্ষ্মী রক্ষাবধূবেশে !”

সমবেদনা ও সাস্ত্রনা যেন মূর্ত্তিমতা হইয়া, চক্ষে অশ্রুভার  
এবং হস্তে সিন্দূর-কৌটা লইয়া, “পা দুখানি” পূজা  
করিতে আসিয়াছেন । অশ্রুর সহিত অশ্রু,—ইহাই ত  
প্রকৃত সমবেদনা ; আর, সতী নারীর এমন বিপদে  
সিন্দূরই ত সুন্দর সাস্ত্রনা । তাই, সরমা সমবেদনা ও  
সাস্ত্রনার এই দুইটি উপাদান লইয়া আসিয়াছেন । সীতার  
পক্ষে লঙ্কাপুরে এই দুইটি দ্রব্যই দুপ্রাপ্য ও অমূল্য ;—

সমবেদনার অশ্রমোচন করে, সীতার পক্ষে লক্ষায় আর কে আছে? এবং সীমন্তে সিঁদূর দিয়া এমন বিপদের দিনে নৈবাশায় হৃদয়ে আশার সঞ্চারণ করিয়া দেয়, এমনই না আর কে আছে? “অনুভূতি” লইয়া সরমা সময়ে সীতার সীমন্তে সিঁদূরের কোঁটা দিয়া “পদধূলি” লইলেন! রেখায়-রেখায় সীতার দেবী-ভাব ফুটিয়া উঠিতেছে! তারপর যখন পদধূলি লইয়া সরমা বলিলেন—

“ক্ষম করি, হৃদয় ও দেব-আকাঙ্ক্ষা

করু ;” —

তখন বোধ হইল, যেন অধম মাননী দেবীর অঙ্গস্পর্শ করিয়াছে বলিয়া ক্ষমা প্রার্থনা করিতেছে!

“এতক করিয়া পুনঃ বসিলা যুবগণ

পদতলে ;”

সরমা সীতার পদতলে বসিলেন,—পাশে নহে, “পদতলে”! সীতার দেবী-ভাব ফুটাইবার জন্ত কবির কি যত্ন! কিন্তু ইহাতেও কবির মনস্তৃপ্তি হইল না;— তাই কবি উপমা দিয়া বলিয়া উঠিলেন;—

“আহা নরি, সুবর্ণ-দেউটা

তুলসীর মূলে যেন জ্বলিল, উজলি

দশ দিশ!”

এতক্ষণ রেখায়-রেখায়, বর্ণে-বর্ণে যে দেবী-চিত্র ফুটিয়া উঠিয়াছে, এই উপমা-দ্বারা যেন সেই চিত্রে finishing

touch দেওয়া হইল! হিন্দুর হৃদয়ে দেবী-ভাব ফুটাইতে এ তুলনার আর তুলনা নাই। তুলসী হিন্দু গৃহস্থের অঙ্কুরপ্রাক্কনের অধিষ্ঠাত্রী দেবী বলিলেও হয়; আর তুলসী-মূলে দীপ-দান, হিন্দুগৃহের প্রাত্যহিক সাক্ষ্য উৎসব;—কারণ, তুলসী “দেবী”, তুলসী “বিষ্ণু প্রিয়া”।

সুদর্শ-প্রদীপেব সহিত উপমায় সরমার ঐশ্বর্য ও উজ্জ্বল রূপ সুন্দর সুবাস্তু হইয়াছে। সেই সুদর্শ-প্রদীপ আজ তুলসীর মূলে জ্বলিয়া সার্থক হইল। ধর্মীর গৃহে সুবর্ণ-প্রদীপ থাকে; কিন্তু সে প্রদীপ কাজে লাগে কেবল দেব-দেবীর পীঠ-তলে; আর তাহাতেই তাহার সার্থকতা। আজ সরমাও সেইরূপ সীতার পদতলে বসিয়া সার্থক হইলেন। রূপ ও ঐশ্বর্যকে পবিত্রতার পদতলে বসাইয়া পবিত্রতার মাহাত্ম্য যেন চিত্রিত করা হইল। এই একটি উপমায কবি সীতাকে কত উচ্চ আসনে বসাইলেন। অশোকবনে সীতা পাঠকের চক্ষে যেন মূর্তিমতী পবিত্রতা বলিয়া প্রতিভাত হইতে লাগিলেন।

তারপর, যখন সরমার অনুরোধে সীতা তাহার হরণ-বৃত্তান্ত বলিতে আরম্ভ করিলেন, তখন কবি বলিতেছেন;—

“বধা গোমুগীর মুখ হইতে সুস্বনে  
ঝরে পুত বারিধারা, কহিলা জানকী;”

হিন্দুর মনে গঙ্গার পবিত্রতার প্রভাব কিরূপ, তাহা না বলিলেও চলে। সেই গঙ্গার উৎপত্তি-স্থান “গোমুখী” এবং সেইরূপই উহা এক পবিত্র তীর্থ-স্থান। এমন পবিত্র তীর্থ গোমুখী-গুহার সহিত সীতা-মুখের এবং ধীরে ধীরে মৃদুমন্দ স্বরে তন্নিঃসৃত গঙ্গার পবিত্র বারি-ধারার সহিত সাতা-কথিত স্বীয় পূর্বকথা-পরম্পরার উপমায়, সীতা ও তাঁহার জীবন-কাহিনীর পবিত্রতা চরমরূপে প্রকাশ করা হইয়াছে।

এখন দেখুন, হিন্দুর দুইটি মহা পবিত্র পদার্থের সহিত উপমা দিয়া, কবি কেমন সহজে ও সুন্দররূপে সাতার ও তৎকথিত কাহিনীর পবিত্রতার ভাব হিন্দু পাঠকের মনে মুদ্রিত করিয়া দিলেন ;—তুলসী ও গঙ্গার বারি-ধারা। ঐ দুইটি পদার্থই হিন্দুর মনে পবিত্রতা-ভাবের Symbols স্বরূপ। সরমা প্রথমে সেই তুলসী মূলে সুবর্ণ-প্রদান-রূপে সার্থক হইয়াছেন ;—এখন আবার গঙ্গার পবিত্র বারি-ধারা পান করিয়া মন-প্রাণ পরিতৃপ্ত করিতে লাগিলেন। দুইটি মাত্র উপমায় সাতার পবিত্রতার ছবি কেমন উজ্জল হইয়া উঠিল। কাব্য-কলার ইহা অপেক্ষা উৎকৃষ্ট উদাহরণ খুঁজিয়া পাওয়া দুষ্কর।

তারপর, কবি সীতার পঞ্চবটী-বাসের যে চিত্র চিত্রিত করিয়াছেন, তাহা কাব্যাংশে বড়ই সুমধুর ও সুন্দর। আদর্শ দাম্পত্য-প্রেমের রীতিই এই যে, সর্বাবস্থাতেই



তাহাতে প্রসন্নতা বিরাজ করে। তাই সীতা বলিতেছেন :—

“দণ্ডক ভাণ্ডার যার, ভাবি দেখ মনে

কিসের অভাব তার ?”

রাজার নন্দিনী, রঘুকুলবধু হইয়াও, তিনি এই দাম্পত্য-প্রেমের প্রভাবেই পূর্বের রাজসুখ ভুলিয়া গিয়াছিলেন। শুধু যে ভুলিয়া গিয়াছিলেন, তাহা নহে ;—ক্রমে এই বনবাসের সুখের ভুলনায় পূর্বের রাজসুখ তাহার কাছে তুচ্ছ বলিয়াই বোধ হইয়াছিল। পঞ্চবটীতে কুটীরের চারিদিকে নিত্য প্রস্ফুটিত ফুলকুল ; প্রভাতে কোকিলের পঞ্চম-স্বরে জাগরণ ; কুটীর-দ্বারে শিখীসহ সুখিনী শিখিনীর নর্তন ; করভ, করভী, যুগশিশু, বিহঙ্গাদি অহিংসক জীংসকল সদাব্রত-ফলাহারা আতিথি।—নির্মূল ও স্বচ্ছ সরসীকে আরসী করিয়া, যখন সীতা কুবলয় দিয়া কেশ-সজ্জা ও নানাবিধ পুষ্পালঙ্কারে অঙ্গ-সজ্জা করিতেন, তখন রাম তাহাকে “বন-দেবী” বলিয়া কোতুক-সন্তোষণ করিতেন ! রামের পক্ষে ইহা কোতুক-সন্তোষণ হইতে পারে ; কিন্তু পাঠকের চক্ষে তখন সীতা বাস্তবিকই “বন-দেবী” ;—রাজরাণী কোথায় ইহার কাছে লাগে ! বনবাসের এই সুখের কথা শুনিতে-শুনিতে, সরমার মত, পাঠকেরও বলিতে ইচ্ছা করে ;—

“শুনিলে তোমার কথা, রাঘব-রমণি,  
স্বণা কয়ে রাজসুখে।”

এই বনবাস-চিত্রে, সীতার দাম্পত্য-প্রেমিকতার সঙ্গে তাঁহার জীব-প্রেমিকতা, আত্ম-প্রকৃতি-প্রেমিকতাও পূর্ণ প্রকটিত। সীতা-চরিত্রে এই মনোহর অংশ রামায়ণের বিশাল অরণ্যকাণ্ডে বিক্ষিপ্ত। মধুসূদন যেন তাহারই সার-সংগ্রহ করিয়া এবং তাহার সহিত ভবভূতির সীতার ও কামিনীসের শকুন্তলার ছায়া মিলাইয়া, বনবাসিনী-সীতা-চিত্রের অপূর্ণ শ্রী সম্পাদন করিয়াছেন। দুইটি মাত্র পৃষ্ঠায় শান্ত ও মধুর-রসের এমন একটি সমুজ্জল চিত্র অঙ্কিত করা যে-কোন উৎকৃষ্ট কবিই গৌরবের বিষয়, তাহাতে সন্দেহ নাই। তাহার উপর আবার, অশোক-বন-বাসিনী সীতার মুখে তাঁহারই পূর্ণ-সুখ স্মৃতির কাহিনী! সুতরাং সেই সুখ-স্মৃতিকে যেন দুঃখের রসে গাঢ় করিয়া এক অপূর্ণ করুণ-রসের সৃষ্টি করা হইয়াছে। দুঃখের অশ্রুজল দিয়া সুখের কথা লিখিলে যেমন হয়, করুণরসের নিবিড় ছায়ায় শান্ত ও মধুর রসের ছবি আঁকিলে যেমন দেখায়,—অশোক-বনে সীতার মুখে তাঁহারই পঞ্চবটী-বাসের সুখ-স্মৃতিও তেমনই হইয়াছে।

পঞ্চবটীর এই সুখ-শান্তির কথা বলিতে-বলিতে, যেই রামের উল্লেখ করিতে হইয়াছে, অমনি সীতার শোকোচ্ছ্বাস সেই সুখের কথাটিকে যেন আচ্ছন্ন করিয়া ফেলিয়াছে।—

“সাজিতাম ফুলসাজে, হাসিতেন প্রভু,  
বনদেবী বলি মোরে সম্ভাবি কোতুকে ।” —

বলিয়াই, সীতার শোক-তরঙ্গ উবেলিত হইয়া উঠিল ;—

“হায় সখি, আর কিলো পাব প্রাণনাথে ?  
আব কি এগোড়া আদি এছার জনমে  
দেখিবে যে পা উপান— আশার সরসে  
রাজাব, নরন-মণি ? হে দাক্ষিণ বিধি,  
কি পাপে পাপী এ দাসা তোমার মনোপে ?

তখন, সরমার সাহসনার শোক গহ্বরণ করিয়া সীতা আবার  
পূর্ব-কথা কহিতে লাগিলেন । বলিতে-বলিতে আবার  
বেই রামের কথা আসিল,—

“শুনো কৈলাসপুরে কৈলাসনিবাসী  
ব্যোমকেশ, স্বর্গাসনে বসি গৌরীসনে,  
আগম, পুরাণ, বেদ, পঞ্চতন্ত্র কথি  
পঞ্চথে পঞ্চমুখ কহেন উমামা ;  
শুনিতাম সেইরূপ অমিও, রূপসি,  
নানা কথা !”—

অমনি শোক উচ্ছ্বসিত হইয়া উঠিল ;—

“এখনও, এ অবজন বনে,  
ভাবি আমি, শুনি যেন সে মধুর বাণী !  
সাজ কি দাসীর পক্ষে, হে নিষ্ঠুর বিধি,  
সে সঙ্গীত ?

এই বলিয়া সীতা নীরব হইলেন ; পরে সরমার সাহসনার  
আবার পূর্বকথা কহিতে লাগিলেন । এইরূপে

শোকোচ্ছ্বাস ও সাস্তুনার মধ্য দিয়া সীতার কাহিনী-প্রবাহ এক অপূর্ব কাব্য-সৌন্দর্য্য ধারণ করিয়াছে ! এরূপ একটি চিত্র রামায়ণে নাই । রামায়ণে সরমার উল্লেখ আছে বটে এবং সরমা সীতার কাছে আসিতেন এবং সাস্তুনা দিতেন, ইহারও উল্লেখ আছে সত্য ; কিন্তু মধুসূদন যেমন অশোক-বনে সীতা ও সরমার কথোপ-কথনচ্ছলে, এক অপূর্ব আলেখ্য চিত্রিত করিয়াছেন, এমন চিত্রটি রামায়ণে নাই । এই একটি চিত্রে সমগ্র রামায়ণের সীতা যেন মূর্ত্তিমতী এবং সেই সঙ্গে সরমাও যেন সাস্তুনার মূর্ত্তি ধরিয়া পাঠকের কৃতজ্ঞতাভাজন হইয়াছেন । অশোক-বনে সীতার কথা মনে হইলেই সেই সঙ্গে সরমার কথাও মনে পড়ে ;—শোক ও সাস্তুনা একত্র হইয়া এক অপূর্ব রসে পাঠকের মনকে আশ্রিত করিয়া ফেলে । মেঘনাদবধ-কাব্যে এই সীতা ও সরমা মধুসূদনের এক মহতী কীৰ্ত্তি এবং ইহার চিত্রণে তাঁহার কাব্যকলার অসাধারণ স্ফুৰ্ত্তি !

সীতা-হৃদয়ের উদারতা কবি কেমন কোশলে একটি কথায় দেখাইয়াছেন ;—সীতাকে নিরলঙ্কারা দেখিয়া, সরমা মনের দুঃখে রাবণকে তিরস্কার করিয়া বলিলেন ;—

“নিষ্ঠুর, হায়, ছুটে লঙ্কাপতি !

কে ছেঁড়ে পদ্মের পর্ণ ? কেমনে হরিল

ও বরাদ্দ-অলঙ্কার, বুঝিতে না পারি ?”

“দুষ্ট” হইলেও, কিন্তু রাবণ এ দোষে দোষী নহেন। সুতরাং সীতা, রাবণের প্রতি আরোপিত এই দোষের ক্ষালন না করিয়া থাকিতে পারিলেন না। তিনি বলিলেন ;—

“বৃথা গঞ্জ দশাননে তুমি, বিধুমুখি !  
আপনি খুলিয়া আমি ফেলাইলু দুরে  
আভরণ, যবে পানী আমারে ধরিল  
বনাশ্রমে । ছড়াইলু পথে সে সকলে,  
চিহ্ন-হেতু ।”

রাবণের প্রতিও সীতার এমন উদারতা (charity), মধুসূদনের কার্ত্তি।

আর একটি বিষয়েও মধুসূদন সীতা-চরিত্রের উৎকর্ষ সাধন করিয়াছেন। মায়ী-যুগের পশ্চাতে রাম ধাবমান হইয়া দূরবনে গিয়া পড়িয়াছেন;—কুঞ্জেরে সীতা এবং প্রহরী লক্ষ্মণ। সীতা সত্বা দূরগত আর্তিনাদ শুনিলেন ;—

“কোথারে লক্ষ্মণ তাই, এ বিপত্তি-কলে ?” -

সীতা বিচলিত হইয়া, লক্ষ্মণকে যাইতে বলিলেন। লক্ষ্মণ রামের বাহুবল অবগত ছিলেন ; সুতরাং তিনি রামের জন্ত ব্যাকুল না হইয়া, বরং সীতাকে সেই ভয়-সঙ্কুল বিজন বনে একাকিনী রাখিয়া যাইতেই আশঙ্কিত হইয়া, সীতার আত্মা পালন করিতে পারিলেন না। তখন, রামায়ণে দেখিতে পাই, সীতা লক্ষ্মণের প্রতি অকথ্য ও অশ্রাব্য

বাক্য প্রয়োগ করিয়াছিলেন। সীতার মুখে সে সব কথা শুনিতেও আমাদের কুষ্ঠা হয়। মধুসূদন কিন্তু সীতার মুখে অশ্রাব্য কটুক্তি না দিয়া, তীব্র তিরস্কারে লক্ষ্মণকে রামের অন্বেষণে যাইতে বাধ্য করিয়াছেন ;—

“হুমিত্রা শান্ত্রী মোর বড় দয়াবতা ;  
কে বলে ধরিয়াছিল গর্ভে তিন তোরে,  
নিষ্ঠুর ? পাষণ দিয়া গাড়লা বিধাতা  
হিয়া তোর। ঘোর বনে নির্দয় বাঘিনী  
জন্ম দিয়া পালে তোরে, দুখিনী, দুর্শ্রুতি ।  
রে ভীক, রে বীরকুলপ্লানি, যাব আমি,—  
দেখিব করুণ স্বরে কে স্মরে আমারে  
দূরবনে !”

লক্ষ্মণের স্মায় বীরের প্রতি “রে ভীক”, “রে বীরকুলপ্লানি”, বড় সামান্য গালি নয় এবং রমণীর মুখে “যাব আমি”, বীর লক্ষ্মণের পক্ষে বড় কম গঞ্জনার কথা নহে ! কিন্তু তাহা হইলেও, এমন অবস্থায় লক্ষ্মণের প্রতি এমন তীব্র তিরস্কার ও গঞ্জনা সীতার মুখে অসম্ভব হয় নাই ;—তীক্ষ্ণ হইলেও, ইহা মর্শ্বঘাতী নহে ;—ইহাতে অকথ্যতা বা অশ্রাব্যতা নাই। সীতা ‘যাব আমি’ বলায় লক্ষ্মণ যাইতে বাধ্য হইয়াছিলেন ; উপায়ান্তর ছিল না। নতুবা সীতাই যাইতেন। এই কোশলে কবি, রামায়ণের মত সীতার

মুখে অকথ্য কথার প্রয়োগ না করিয়াও, লক্ষ্মণকে যাইতে বাধ্য করিয়াছেন ।

পূর্বেই বলিয়াছি, এই সীতা-চিত্রে মধুসূদন নানাবিধ কাব্য-কলার প্রয়োগ করিয়াছেন । হরণ-কালে মুচ্ছাপ্রাপ্ত সীতার স্বপ্ন, উহার অন্ততম । তখন সীতার চক্ষে জগৎ অন্ধকার ; কোথায় যাইতেছেন, তার ঠিক নাই ;—রাম-লক্ষ্মণের কেহই জানিলেন না ;—বিজন বন, কেহই দেখিল না ; স্মৃতরাং ভবিষ্যৎ গাঢ় অন্ধকার ! তিনি আর্তনাদ করিতে লাগিলেন ;—কিন্তু শুনিবার লোক কই ? নিরুপায় হইয়া, তিনি অঙ্গের অলঙ্কাররাজি খুলিয়া ছড়াইতে-ছড়াইতে চলিলেন ;—কিন্তু তাহার ফলাফল অনিশ্চিত । তিনি মনের আবেগে আকাশকে ডাকিলেন, সমীরণকে ডাকিলেন, মেঘকে ডাকিলেন ;—কিন্তু সেও মনের আবেগ মাত্র ! তবে কি সীতা, এ বিপদে নিতান্তই অকুল সমুদ্রে ভেলা ? সীতার ভবিষ্যৎ কি একান্তই নৈরাশ্রময় ? মানব-মনের পক্ষে এরূপ অবস্থা বড়ই ভয়ঙ্কর ! ভাবিলে হৃৎকম্প হয় ! এইরূপ স্থলই করুণ কাব্য-কলার উপযুক্ত অংশ । এবং মধুসূদন তাহা প্রয়োগ করিতে ভুলেন নাই ;—অতি সুন্দররূপেই তাহা প্রয়োগ করিয়াছেন । যখন সাতাকে ভূমিতে রাখিয়া, রাবণ বৃদ্ধ জটায়ুর সহিত যুদ্ধ করিতে প্রবৃত্ত, তখন নিরুপায় হইয়া, সীতা জননীর আরাধনা করিলেন ;—

“এ বিজন দেশে,  
মা আমার, হ’য়ে বিধা তব বক্ষঃস্থলে  
গহ অভাগীরে, সাধিব !—”

রাবণ ও জটায়ুর তুমুল যুদ্ধ চলিতেছে ;—

“কাপিতা বক্ষুধা, দেশ পূরিল আরবে !”

সীতা অচেতন হইলেন । তখন যাত্রা ঘটিয়াছিল, সীতা  
সরমাকে বলিতেছেন ;—

“শুন, লো ললনে.

মনঃ দিয়া শুন, সহ, অপূর্ব কাহিনী !  
দেখিলু স্বপনে আমি বক্ষুক্রা সতী,  
মা আমার ! দাসী-পাশে আসি, দয়াময়ী  
কহিলা, তাইয়া কোলে, সুমধুর বাণী ;—  
‘বিধির উচ্ছ্বাস, হ্রিছে, গো, তোরে  
রক্ষোরাঙ্গ ; তোর হে হু সর্বশে মজ্জবে  
অধম ! এ ভার আমি সহিতে না পারি,  
ধরিলু, গো, গর্ভে তোরে লক্ষা বিনাশিতে !  
যে কক্ষণে তোর তনু ছুঁইল হৃদয়তি  
রাবণ, জানিলু আমি, সুপ্রসন্ন বিধি  
এতদিনে হোর প্রতি ; আশীষিতু তোরে !  
জননীর জালা দূর করিলি, মৈথিলি !  
ভবিতব্য-দ্বার আমি খুলি, দেখ্ চেয়ে ।”

অকুল সমুদ্রে ভাসমান ভেলার পক্ষে সুদূর-প্রান্তে



একটি ক্ষীণ আলোক যেমন, স্বপ্নে জননীর এই বাণীও তেমনই সীতার নৈরাশ্রময় হৃদয়ে ক্ষীণ একটু আশার সঞ্চার করিয়া দিল। তারপর বসুন্ধরা ভবিতব্য-পট ঠিক বায়স্কোপের মত করিয়া স্বপ্নময়ী সীতার চক্ষে এক-এক করিয়া দেখাইলেন। তাহাতে ঋষ্যমুক্ পর্বতে রামের সহিত সূত্রীবাদি পঞ্চবীরের মিলন হইতে রাবণ-বধ পর্য্যন্ত সমস্ত দৃশ্যই সীতা দেখিলেন। রাবণ-বধের পরে সুরবালাগণ সীতাকে রামের হস্তে পুনরায় সমর্পণ করিবেন বলিয়া, সীতাকে লইয়া যাইতেছেন ;—তখন যাহা ঘটিল, সীতার কথাতেই শুনুন ;—

“হেরিহু অদূরে নাথে, হায় লো যেমতি  
কনক-উদয়াচলে দেব অংশুমালী !  
পাগলিনী-প্রায় আমি ধাইহু ধরিতে  
পদযুগ, সুবদনে !—জাগিহু অমনি !”

ঘোর অন্ধকার রাত্রিতে পথহারা পথিকের মনে প্রাতঃসূর্য্যোদয়ে যে ভাব হয়, স্বপ্নে এই সুদীর্ঘব্যাপী ঘটনা-পরম্পরার অবসানে রামকে দেখিয়া, সীতার মনের ভাব সেইরূপই হইয়াছিল। এমন সময়ে সীতার মোহ-ভঙ্গ হইল ;—সুখের স্বপ্নও বিলীন হইল। জাগিয়া সীতা দেখিলেন,—যে রাবণ, সেই রাবণ। আর জটায়ু,—

“ভূতলে, হার, সে বীর-কেশরী,  
তুঙ্গ শৈল-শৃঙ্গ যেন চূর্ণ বজ্রাঘাতে !”

আবার যে নৈরাশ্য, সেই নৈরাশ্য !—যে অকুল সমুদ্র,  
সেই অকুল সমুদ্র ! কিন্তু তবু এই স্বপ্নে একটা  
আশার বাণী দিয়া গেল । এতগুলি ভবিষ্যৎ ঘটনার  
দৃশ্য ; তাহাও আবার জননী-কর্তৃক প্রদর্শিত !—ইহা  
স্বপ্ন হইলেও, মিথ্যা হইবার নহে । নৈরাশ্যময় হৃদয়ে  
এইটুকুই যথেষ্ট । এই দীর্ঘকাল অশোক-বনে সীতা,  
বোধ হয়, এই আশার স্বপ্নটুকু অবলম্বন করিয়াই  
বাঁচিয়া আছেন । সীতার কাছে এ স্বপ্ন অমূল্য । তাই  
এই স্বপ্নকাহিনী শুনাইতে গিয়া, সীতা সরমা<sup>কে</sup>  
বলিয়াছিলেন ;—

“শুন, লো ললনে,

মনঃ দিয়া শুন, এই, অপূর্বকাহিনী !”

সরমা মন দিয়া সবই শুনিলেন । এ পর্য্যন্ত স্বপ্নের  
সকল ঘটনাই ফলিয়াছে ; সুতরাং আর যাহা বাকী,  
তাহাও ফলিবে, এইরূপ সান্ত্বনাও দিলেন । শেষে  
বলিলেন ;—

“আগু পোহাইবে

এ ছঃধ-শর্করী তব । ফলিবে, কহিছ,  
স্বপ্ন ! বিজ্ঞাধরী-দল মন্দারের নামে  
ও বরাক রঙ্গে আসি, আগু সাহাইবে !

ভেটিবে রাখবে তুমি, বন্থা-কামিনী  
সরস ধসন্তে যথা ভেটেন মধুরে !  
ভুগ না দাগীরে, সাধিব ! যতদিন বাঁচি,  
এ মনোমন্দিরে রাখি আনন্দে পূজিব  
ও প্রতিমা !”

বিনায়-কালে সরমার এই ভক্তি-পূর্ণ নিবেদন যেন  
বাস্তবিকই দেবো-প্রতিমার পদে অধম মানবীর নিবেদন  
বলিয়াই মনে হয়। সীতাও সরমার প্রতি কৃতজ্ঞতা-রসে  
আপ্নুতা ! যেন সরমার ভক্তিকে অচ্ছন্ন করিয়াই,  
সীতা-হৃদয়ের কৃতজ্ঞতা ফুটিয়া উঠিল ;—

“সরমা সখি, মম হিতৈষিণী  
তোমা-সম আর কি, লো, আছে এজগতে ?  
মক্ৰভূমে প্রবাহিণী মোর পক্ষে তুমি,  
রক্ষাবধু ! শূন্যতল ছাড়া পথি,  
তপন-তাপিতা আমি, জুড়ালে আমারে !  
মূর্তিমতী দয়া তুমি এ নির্দয় দেশে !  
এ পঙ্কিল জলে পদ ! ভুজঙ্গিনী-রূপী  
এ কাল কনক-লঙ্কা-শিরে শিরোমণি !  
আর কি কহিব, সখি ? কাঙ্কালিনী সীতা,  
তুমি, লো, মহাই রত্ন !”—

“কাঙ্কালিনী” সীতা সরমাকে এই কৃতজ্ঞতা-উপহার  
সজল-নয়নেই দিয়াছেন, ইহা অনুমান করিতে হয় ; কিন্তু

ইহাতে পাঠকের সজল-নয়ন আর অনুমান করিতে হয় না।

তখন, চেড়ীবৃন্দের আগমন-আশঙ্কায়,—

“আতঙ্কে কুরঙ্গী যথা, গেলা দ্রুতগামী  
সরমা ; রহিলা দেবী সে বিজন বনে,  
একটি কুসুম মাত্র অরণ্যে যেমতি !”

অশোকবনের দৃশ্যরস্তু আমরা সীতাকে “একাকিনী” দেখিয়াছিলাম ;—এখন আবার যে-একাকিনী, সেই-একাকিনী হইলেও, আমরা নিজের মন দিয়া বেশ বুঝিতে পারি যে, “হিতৈষিনী”র কাছে দুঃখের কাহিনী কহিয়া হৃদয়ের দুঃখ-ভার লাঘব, এ অবস্থায় যতটুকু সম্ভব, তাহা সীতার হইয়াছিল ;—আর সমবেদনা ও সাস্থনায় সীতার মনে এ অবস্থায় যতটুকু শান্তি দেওয়া সম্ভব, সরমা তাহা দিয় গেলেন। সীতার শ্রায়, পাঠকের মনও অজ্ঞাতমারে সরমার প্রতি কৃতজ্ঞতা-রসে পূর্ণ হইয়া উঠে !

তারপর, এই সীতা-চিত্রে মধুসূদনের চরম কৃতিত্ব সীতার রক্ষা-দুঃখ-কাতরতায়। . রামায়ণে আমরা অত্যাচারকারিণী চেড়ীদিগের প্রতি সীতার ক্ষমাগুণের উদাহরণ পাই। যুদ্ধের শেষে, হনুমান ঐ সকল চেড়ীদিগকে প্রাণে মারিবার অনুমতি চাহিলে, সীতা বারণ করিয়াছিলেন,—বলিয়াছিলেন যে, উহারা রাবণের আজ্ঞা

প্রতিপালন করিয়াছে মাত্র, উহাদের দোষ নাই। ইহা আদর্শ গুণ, তাহাতে সন্দেহ নাই। মেঘনাদবধের কবির সে স্রযোগ হয় নাই। কিন্তু রক্ষোদুঃখে কাতরতা উহা অপেক্ষাও উচ্চাদর্শ, এবং মধুসূদনই তাহা দেখাইয়াছেন। হরণ-কালে যখন মূর্ছাগত সীতা স্বপ্নে ভবিতব্য ঘটনার পট দেখিতেছিলেন, তখন লঙ্কায়ুদে লঙ্কার হাহাকার রব শুনিয়া, স্বপ্নেই সীতা চঞ্চল হইয়া বসুন্ধরাকে বলিয়াছিলেন;—

“রক্ষঃকুল-দুঃখে বুক ফাটে, মা, আমার !”—

ইহাতে সীতা-হৃদয়ের কোমলতা এবং তাঁহার রক্ষোদুঃখ-কাতরতার ইঙ্গিত থাকিলেও, ইহা স্বপ্নের আবেগ মাত্র। কবির মন এইটুকু আভাস দিয়াই তৃপ্ত হইতে পারে না; আর চিত্রও তাহাতে উজ্জ্বল হয় না। তাই কবি নবম সর্গে আর একবার অশোকবনের করুণ দৃশ্য উদ্ঘাটিত করিয়াছেন।—

লক্ষ্মণকর্তৃক মেঘনাদ নিহত হইয়াছেন;—রাবণ রামের কাছে সাতদিনের জন্য সন্ধি ভিক্ষা করিয়া আজ মেঘনাদের অস্ত্যুষ্টিক্রিয়া করিবেন;—শ্রমীলা মৃত পতির সহানুগমন করিবেন। সুতরাং লঙ্কায় আজ নিরন্তর হাহাকার রব! কিন্তু সীতা কিছুই জানিতেছেন না। জিজ্ঞাসা করিলে, চেড়ীরা মারিতে আসে! এমন সময়ে

সীতার হুঃখে হুঃখিনী সরমা ইন্দ্রজিৎ-বধের সুসংবাদ  
লইয়া অশোক-বনে উপস্থিত ;—

“যথায় অশোক-বনে বসেন বৈদেহী  
অহল জলধি-তলে, হায় রে, যেমতি,  
বিরহে কমলা সতী, আইলা সরমা—  
রক্ষোকুলরাজলক্ষ্মী রক্ষোবধু বেশে ।  
বন্দি চরণারাবন্দ বসিলা ললনা  
পদতলে !”

এখানেও যেন পাঠকের মনে সীতার দেবী-ভাব  
জাগ্রত রাখিবার অভিপ্রায়েই কবি রাম-বিরহিতা  
অশোক-বন বাসিনী সীতার উপমা দিয়াছেন সাগরবাসিনী  
বিরহিণী লক্ষ্মীর সহিত । ইহাতে সীতা সম্বন্ধে পাঠকের  
মনে যুগপৎ একটি পবিত্র ও করুণ ভাব জাগিয়া উঠে ।

সরমার মুখে ইন্দ্রজিৎ-বধ-বার্তা শুনিয়া, সীতা  
লক্ষ্মণের উদ্দেশে ধন্যবাদ করিতেছেন ;—কিন্তু কান  
তঁাহার, লঙ্কার হাহাকারের দিকে ;—

“কিন্তু শুন কান দিয়া ! ক্রমশঃ বাড়িছে  
হাহাকার-ধ্বনি, সখি !”—

তারপর, যখন শুনিলেন,—

“প্রমীলা স্নানরী ত্যজি দেহ দাহ-স্থলে,  
পতির উদ্দেশে সতী, পতি-পরায়ণা,  
যাবে স্বর্গ-পুরে আজি !”—

তখন “ভবতলে মূর্তিমতী দয়া” সীতা অশ্রু সম্বরণ  
করিতে পারিলেন না। সরমার সহিত তিনিও কাঁদিয়া  
কহিলেন ;—

“কৃষ্ণে জনম মম, সরমা রাক্ষসি !  
সুখের প্রদীপ, সখি, নিবাই, লো, সদা,  
প্রবেশি যে গৃহে, হায়, অমঙ্গলারূপী  
আমি। পোড়া ভাগ্যে এই লিখিলা বিধাতা !  
নরোত্তম পতি মম, দেখ, বনবাসী।  
বনবাসী, সুলক্ষণে, দেবর স্মৃতি  
লক্ষণ ! তাজিলা প্রাণ পুত্রশোকে, সখি,  
খস্তুর ! অযোধ্যাপুরী আধার, লো, এনে,  
শূণ্ড রাজসিংহাসন ! মরিলা জটায়ু,  
বিকট বিপক্ষ-পক্ষে ভীম-ভুজবলে,  
রাক্ষতে দাসীর মান ! হৃদে দেখ হেথা,  
মরিল বাসবজিৎ অভাগীর দোষে,  
আর রক্ষোরথী যত, কে পারে গণিতে ?  
মরিবে দানববালা, অতুলা এ ভবে  
সৌন্দর্য্যে ! বসস্তারস্তে, হায় লো, শুকাল  
হেন কুল !”—

সরমা সাস্বনা দিলেন ;—

“দোষ তব কহ কি, রূপসি ?  
কে ছিঁড়ি’ আনিল হেথা এ স্বর্ণব্রততী

বক্ষিরা বসাল-রাজে ? কে আনিল তুলি'  
 রাঘব-মানস-পদ্ম এ রাক্ষস-দেশে ?  
 নিজ কর্মদোষে মজে লঙ্কা-অধিপতি ।”

রক্ষোদুঃখে সরমা কাঁদিতে লাগিলেন;—আর সেই সঙ্গে—

“রক্ষকুল-শোকে সে অশোক-বনে  
 কাঁদলা রাঘব-বাঞ্ছা—দুঃখী পর-দুঃখে !”

যে অশোক-বনে সীতা রাবণ কর্তৃক কারারুদ্ধ  
 সেই অশোক-বনে অর্থাৎ সেই কারাগারে বসিয়াই সীতা  
 রক্ষোদুঃখে পীড়িতা হইয়া কাঁদিতে লাগিলেন ।

এই ক্রন্দনেই মধুসূদনের অশোকবনের চিত্র শেষ  
 হইল ! ক্রন্দনে ইহার আরম্ভ হইয়াছে,—মধ্যেও নিরন্তর  
 ক্রন্দন!—সীতার শোকের ক্রন্দনের সহিত সরমার  
 সমবেদনার ক্রন্দন মিশিয়া এক অপূর্ব অশ্রু-প্রবাহ এই  
 সীতা-সরমার সন্মিলন ।

মধুসূদন তাঁহার মেঘনাদবধ-কাব্যে অশোক-বনে  
 সীতা সরমার এই চিত্রপটখানি সূচারু কাব্য-কলার  
 সাহায্যে কি সুন্দর করিয়াই অঁকিয়াছেন ! ইহা সমবেদনা  
 ও সাস্থনার শান্তল ছায়ার শোকের কি সুকরণ চিত্র !  
 করুণ-রসের সহিত পূর্বস্মৃতির মাধুর্য্য-ভাব মিশাইয়া কি  
 অপূর্ব রসেরই সৃষ্টি করা হইয়াছে ! ইহাতে উৎকট  
 উৎপীড়নের নিদারুণ দৃশ্য নাই ; অথচ ইহার মধুর করুণ-  
 রসে পাঠককে অশ্রুসিক্ত হইতে হয় !



✓ বাল্মীকির সীতাকে যেন crystallise করিয়া মধুসূদন তাঁহার এই কাব্যে দেখাইয়াছেন ; এবং তাহার উপরেও বর্ণ-পাত করিয়া, তাহাকে আরও সমুজ্জল করিয়া, পাঠকের চক্ষে ধরিয়াছেন। রামায়ণে সীতার আদর্শ সবিশেষ উচ্চ প্রতিষ্ঠিত থাকিলেও, মধুসূদন তাঁহার অসাধারণ কাব্য-কলার গুণে সেই আদর্শ আরও উচ্চ প্রতিষ্ঠিত করিয়া গিয়াছেন। আর সরমা,— যিনি রামায়ণে রেখাক্ষিতা মাত্র,—সেই সরমা, মধুসূদনের কৃপায়, ত্ত্বিক্তিমতী সান্ত্বনা ও সমবেদনা যেন মুর্ত্তিমতী হইয়া, সীতার পদতলে ও পাঠকের হৃদয়ে অপূর্ব শ্রীধারণ করিয়াছেন। ইহাও মধুসূদনের অসাধারণ কৃতিত্ব। তিনি যদি আর কিছু না করিতেন, কেবল এই সীতা-সরমার চিত্রটি মাত্র দিয়া থাকিতেন, তাহা হইলেও তাঁহার নাম বঙ্গসাহিত্যে স্বর্ণাক্ষরে লিখিত থাকিত !

বৈশাখ, ১৩২৩।

শ্রীদীননাথ সাগুণ

পুনশ্চ। পূর্ণ সৌন্দর্য্য উপভোগ করিবার সুবিধা হইবে বলিয়া, কাব্য হইতে সীতা ও সরমার কথোপকথনংশ বিস্তৃত ব্যাখ্যার সহিত এই গল্পে উদ্ধৃত করিয়া দেওয়া গেল।

## মেঘনাদ-বধ কাব্যের

### চতুর্থ সর্গ

নমি আমি, কবি-গুরু, তব পদাম্বুজ,  
বাল্মীকি ! হে ভারতের শিরঃচূড়ামণি,

নমি—নমস্কার করিতেছি ।

কবি প্রথম সর্গের আরম্ভে সরস্বতী বন্দনা করিয়া গ্রন্থারম্ভ করিয়াছেন । তাহার পরে আর কোনও সর্গারম্ভেই কোনরূপ বন্দনা নাই । কেবল মাত্র এই সর্গের আরম্ভে কবি বাল্মীকি-বন্দনা করিতেছেন । মেঘনাদ-বধ ঘটনা রামায়ণেরই অংশীভূত বলিয়া বাল্মীকি-বন্দনা সঙ্গত । কিন্তু অণ্ড কোন সর্গারম্ভে বন্দনা না করিয়া কেবলমাত্র এই সর্গের আরম্ভে বাল্মীকি-বন্দনা কেন ? যোধ হয়, এই সর্গের বর্ণিতব্য বিষয়ের অর্থাৎ সাতা-চরিত্র চিত্রণের গুরুত্ব উপলক্ষি করিয়া কবি শঙ্কিত হৃদয়ে বাল্মীকির বন্দনা এবং তাহার কৃপা ভিক্ষা করিতেছেন । কারণ, সাতা কবিগুরু বাল্মীকির অপূর্ব মানসী সৃষ্টি এবং নারীজনোচিত গুণ ও পবিত্রতার চরম আদর্শ-স্বরূপিনী । এই আদর্শ-নারীর চিত্রণে আশঙ্কা এই বন্দনা-রূপে অভিব্যক্ত । পরদর্ভী উপমায় ইহার স্পষ্ট আভাস দেওয়া হইয়াছে ; —‘দীন’ ‘দূর’ ও ‘ভীষণ’ বলায় বর্ণিতব্য বিষয়ের পবিত্রতা, তাহার বর্ণনে আয়াস-সাধ্যতা ও তৎপক্ষে নিজের দৈন্ত্য সুন্দর রূপে সূচিত । বন্দনা-শেষে আছে,—“কৃপা, প্রভু, কর অকিঞ্চনে ।”

তব অনুগামী দাস, রাজেন্দ্র-সঙ্গমে

দীন যথা যায় দূর তীর্থ-দর্শনে !

কবিগুরু—বাল্মীকি। আদি কবি বলিয়া বাল্মীকি অন্যান্য পরবর্ত্ত্য কবিকুলের ‘গুরু’ অর্থাৎ শ্রেষ্ঠ। ‘গুরু’ শ্রেষ্ঠত্ববাচক।

ভারতের—ভারতীয় কবিকুলের।

শিরঃ-চূড়ামণি—সর্বশ্রেষ্ঠ। শরীরের মধ্যে মস্তকেই আদর বেশী ; ‘চূড়া’ মস্তকের শোভা এবং ‘মণি’ চূড়ার শোভা।

তব অনুগামী দাস—( এ ) দাস অর্থাৎ কবি তোমার পদানু-সরণকারী। সীতা-চরিত্র বাল্মীকিরই সৃষ্টি। কবি তাহাই চিত্রিত করিতে উচ্ছত, তাই ‘অনুগামী’।

রাজেন্দ্র-সঙ্গমে—রাজেন্দ্রের সহিত মিলিত হইয়া। ‘সঙ্গম’ মিলন-ব্যাঞ্জক। ‘রাজেন্দ্র’ অর্থাৎ শ্রেষ্ঠ রাজা। ‘ইন্দ্র’ শ্রেষ্ঠত্ব-বাচক। বাল্মীকি-পক্ষে তাঁহার কবি-গুরুত্বই এখানে ‘রাজেন্দ্র’ শব্দের সার্থকতা। ইহা না বুঝিয়া এক টীকাকার বলিয়াছেন “ইন্দ্র শব্দের এখানে সার্থকতা নাই”।

দীন—অক্ষম অর্থাৎ দূর তীর্থ-দর্শনের ব্যয়ভার বহনে অক্ষম ব্যক্তি। কবি-পক্ষে, ‘দীন’ কবিহীন-শক্তি-হীনতা-ব্যাঞ্জক।

দূর—( উভয় পক্ষেই আশ্রয়-সাধ্যত'-ব্যাঞ্জক )। নির্ধনের পক্ষে দূর তীর্থ-দর্শন যেমন কষ্ট-সাধ্য, আমার পক্ষে বাল্মীকি চিত্রিত সীতা-চরিত্রের চিত্রণও তেমনই কষ্ট-সাধ্য বা অসম্ভব।

তীর্থ-দর্শনে—তীর্থ-দর্শনের সহিত সীতা-চরিত্র-চিত্রণের তুলনা বড়ই মনোহর এবং সীতা-চরিত্রের পবিত্রতা-ব্যাঞ্জক।

তব পদ-চিহ্ন ধ্যান করি' দিবানিশি,  
 পশিয়াছে কত যাত্রী যশের মন্দিরে,  
 দমনিয়া ভব-দম দুরন্ত শমনে—  
 অমর ! শ্রীভর্তৃহরি ; সুরী ভবভূতি

তব পদ-চিহ্ন ধ্যান করি—অর্থাৎ বাল্মীকি-কৃত রামায়ণ  
 অনুসরণ করিয়া ।

দিবানিশি—( একাগ্রতা-ব্যঞ্জক ) । পশিয়াছে—প্রবেশ করি-  
 য়াছে ।

কত যাত্রী—এক পক্ষে, অনেক তীর্থ-যাত্রী । অপর পক্ষে,  
 অনেক কবি, বাঁহারা কাব্য-যশোমন্দিরে প্রবেশার্থী ।

যশের-মন্দিরে—কাব্য-যশের মন্দিরে ।

দমনিয়া—( শমনকে ) দমন করিয়া, জয় করিয়া । মৃত্যু  
 তাঁহাদের যশের লোপ করিতে পারে নাই ।

ভব-দম—( শমনের বিশেষণ ) । মৃত্যুর দ্বারা যিনি ( শমন )  
 পৃথিবীকে দমন অর্থাৎ শাসন করিয়া থাকেন ।

দুরন্ত শমনে—প্রাণীদিগের উপর অপ্রতিহত প্রভাব ও  
 বধেচ্ছাচারী বলিয়া শমন 'দুরন্ত' ।

অমর—( 'যাত্রী'র বিশেষণ ) । যশোমন্দিরে প্রবেশ করিয়া  
 'অমর' অর্থাৎ চিরস্মরণীয় । 'হইয়া' উহা আছে, বৃষ্টিতে হইবে ।

তীর্থযাত্রী যেমন একাগ্রমনে দেবতার পদ ধ্যান করিতে-  
 করিতে দেবমন্দিরে প্রবেশ করিয়া, দেবদর্শন-হেতু শমন-দমন  
 করিয়া অমরতা অর্থাৎ দেবত্ব লাভ করে, তেমনই তোমার

শ্রীকণ্ঠ ; ভারতে খ্যাত বরপুত্র যিনি  
 ভারতীর, কালিদাস—সুমধুর-ভাষী ;  
 পদচ্ছি ধ্যান অর্থাৎ বাল্মীকির রামায়ণ অনুসরণ করিয়া কত কবি  
 কাব্য-যশের মন্দিরে প্রবেশ করিয়া অমর অর্থাৎ চিরস্মরণীয়  
 হইয়াছেন ! এখানে ‘অমর’ যাত্রী-পক্ষে দেবদলাভ-ব্যঞ্জক এবং  
 কবি-পক্ষে চিরস্মরণীয়ত্ব-ব্যঞ্জক । অনুরূপ ভাব কবির চতুর্দশপদী  
 কবিতাবলীতে আছে :—

“যশের মন্দির গুই ; গুধা যার গতি,  
 অশক্ত আপনি যম ছুইতে রে তারে ।”

শ্রীভর্তৃহরি—ভট্টিকাব্যকার ভর্তৃহরি । ভট্টিকাব্য রাম-  
 চরিতাখ্যক ।

সূরী—পণ্ডিত । উত্তরচরিতম্-নাটকে সূত্রধারের উক্তি  
 ভবভূতি-সম্বন্ধে আছে—“পদবাক্যপ্রমাণতত্ত্বজ্ঞঃ ।”

ভবভূতি—উত্তরচরিত ও বীরচরিত প্রণেতা । এই দুইখানি  
 নাটকই রামকথা লইয়া রচিত ।

শ্রীকণ্ঠ—ভবভূতির উপনাম বা বিশেষক উপাধি । উত্তরচরিত  
 নাটকের প্রস্তাবনায় সূত্রধারের উক্তি আছে :—

“অস্তি তত্র ভবান্ কাশ্মপঃ শ্রীকণ্ঠপদলাঞ্জনঃ পদবাক্যপ্রমাণতত্ত্বজ্ঞো  
 ভবভূতিনাম্ ভাতুকর্ণপুত্রঃ ।”

ভারতে খ্যাত ইত্যাদি—কালিদাস, যিনি “সরস্বতীর বরপুত্র”  
 বলিয়া ভারতে বিখ্যাত ।

কালিদাস—রঘুবংশ-রচয়িতা বলিয়া এখানে কালিদাসের  
 উল্লেখ ।

মুরারি-মুরলী-ধ্বনি-সদৃশ মুরারি  
মনোহর ; কীৰ্ত্তিবাস কীৰ্ত্তিবাস কবি,

মুরারি-মুরলী-ধ্বনি-সদৃশ—শ্রীকৃষ্ণের বংশীধ্বনির মত (মনোহর) ।  
মুরারি—মুরারি মিশ্র । ইনি “অনর্ঘরাঘব” নাটকের প্রণেতা ।  
ঐ নাটক হইতে এবং প্রেমচাঁদ তর্কবাগীশ কৃত সংস্করণের ভূমিকা  
হইতে জানা যায়—ইনি মোদলায় গোত্রীয় মহাকবি ভট্টশ্রী  
বর্দ্ধমানের পুত্র এবং রাঢ়-দেশান্তর্গত বিষ্ণুপুর-রাজধানী-নিবাসী  
ছিলেন ।

জনৈক টীকাকার এখানে ‘মুরারি’ অর্থে ‘মুরারি নাটক’  
বুঝিয়াছেন । এ মত অগ্রাহ্য । কবি এস্থলে কেবল বাল্মীকির  
অনুসরণকারী কবিদিগের নামোল্লেখ করিয়াছেন মাত্র ;—কোন  
কাব্য বা নাটকের নামোল্লেখ করেন নাই ।

কীৰ্ত্তিবাস কীৰ্ত্তিবাস কবি :—কীৰ্ত্তি বাস করে ষাঁহাতে, এমন  
যে কীৰ্ত্তিবাস-কবি, যিনি বাহালা ভাষায় সপ্তকাণ্ড রামায়ণ রচনা  
করিয়া অতুল কীৰ্ত্তি রাখিয়া গিয়াছেন । কবির চতুর্দশপদী  
কবিতাবলীতে আছে—

“কীৰ্ত্তিবাস নাম তোমা । কীৰ্ত্তির বসতি  
সততঃ তোমার নামে সুবঙ্গ-ভবনে,”

কীৰ্ত্তিবাসের নাম সধক্কে মতভেদ আছে—“কীৰ্ত্তিবাস” অপবা  
“কীৰ্ত্তিবাস” । ১৮০৩ খৃষ্টাব্দে প্রথম মুদ্রিত রামায়ণে আছে  
“কীৰ্ত্তিবাস” । এখানে “কীৰ্ত্তিবাস”ই কবির লক্ষ্য ।

এ বঙ্গের অলঙ্কার ।—হে পিতঃ, কেমনে,  
কবিতা-রসের সরে রাজহংস-কুলে  
মিলি' করি কেলি আমি, না শিখালে তুমি ?  
গাঁথিব নূতন মালা, তুলি' সযতনে  
তব কাব্যোত্তানে ফুল ; ইচ্ছা সাজাইতে  
বিবিধ ভূষণে ভাষা ; কিন্তু কোথা পাব

এ বঙ্গের অলঙ্কার—এই বাঙ্গালা দেশের ভূষণ-স্বরূপ অর্থাৎ মুখোজ্জলকারী সুসম্মান,—বাঁহার রচিত রামায়ণ প্রাচীন বঙ্গ-সাহিত্য-ভাণ্ডারে অমূল্য রত্নবিশেষ ।

উপরি-উক্ত সকল কবিই বাল্মীকির পদানুসরণ করিয়া রাম-চরিত্র তথা সীতা-চরিত্র চিত্রণ করিয়াছেন ।

হে পিতঃ—( বাল্মীকিকে সম্বোধন ) । গুরু পিতৃতুল্য ।  
বাল্মীকি “কবিগুরু” বলিয়া এ সম্বোধন সার্থক ।

কবিতা-রসের সরে—কাব্যরসের সরোবরে ।

রাজহংসকুলে মিলি—রাজহংসকুলে সহিত, পক্ষান্তরে, প্রধান প্রধান কবিগণের সহিত মিলিত হইয়া ।

রাজহংস অর্থাৎ কলহংস । পক্ষান্তরে, কবিগণ ( বাঁহাদের নাম উপরে উক্ত হইয়াছে ) । কবিরা রসাত্মক-বাক্যে মুখরিত বলিয়া রাজহংসের সহিত তুলনা সার্থক ।

গাঁথিব—( এই মনে ইচ্ছা ) । পক্ষান্তরে, রচিব ।

নূতন মালা—নূতন ধরণে গ্রথিত মালা । পক্ষান্তরে, নূতন ধরণে রচিত কাব্য । এস্থলে, অমিত্রাকর ছন্দই ‘নূতন’ বলিবার সার্থকতা ।

তব কাব্যোত্তানে ফুল—পক্ষান্তরে, সীতা-চরিত্রাদি রামায়ণের উৎকৃষ্টাংশ সকল । সীতা রামায়ণ-উত্তানে ‘ফুল’-স্বরূপা ।

- ( দীন আমি ! ) রত্নরাজী, তুমি নাহি দিলে,  
রত্নাকর ? কৃপা, প্রভু, কর অকিঞ্চনে ।  
ভাসিছে কনক-লক্ষা আনন্দের নীরে,  
সুবর্ণ-দীপ-মালিনী, রাজেশ্রী বথা

বিবিধ ভূষণে—(করণ কারক ) । উপমাদি নানাবিধ অলঙ্কারের  
ঘারা ।

ভাষা—বঙ্গভাষা, এখানে বঙ্গ-সাহিত্য বুঝাইতেছে ।

দীন আমি—( উভয় পক্ষেই ) অলঙ্কারাদি দিতে অক্ষম ।

রত্নরাজী—অলঙ্কারাদি । পক্ষান্তরে, রচনা-পারিপাট্য-ব্যঞ্জক  
অলঙ্কারাদি ।

রত্নাকর—( বাল্মীকিকে সঘোষন ) । হে রত্নাকর অর্থাৎ হে  
ধনি ! পক্ষান্তরে, হে-অমূল্যরত্নের আকর রামায়ণ-কাব্যের কবি !  
এখানে বাল্মীকির পূর্বনাম রত্নাকরের ধ্বনি থাকিলেও, 'রত্নাকর'  
অর্থে ধনী, এবং পক্ষান্তরে, সুকাব্য রামায়ণের কবি,  
বুঝিতে হইবে ।

প্রভু—( সঘোষন ) । হে রত্নাকর ! পক্ষান্তরে, হে কবি-  
গুরো ! সঘোষনে 'প্রভো' পদই ব্যাকরণ সম্মত । কিন্তু কবিতায়  
মিষ্টতার উদ্দেশ্যে এরূপ প্রয়োগে দোষ দেওয়া যায় না ।

অকিঞ্চনে—( বিনয়-ব্যঞ্জক ) । কিঞ্চন অর্থাৎ কিছুই, যাহার  
নাই অর্থাৎ অতি দরিদ্র । পক্ষান্তরে, ভাব-দরিদ্র এই কবিকে ।

এই কৃপা-ভিক্ষা সীতা-চরিত্র-চিত্রণের গুরুত্বব্যঞ্জক কাব্য-কলা ।

আনন্দের নীরে—( মেঘনাদের অভিষেক হেতু ) ।

সুবর্ণ-দীপ-মালিনী—সুবর্ণ-দীপ-মালায় ভূষিতা । মেঘনাদের



রত্ন-হারা ! ঘরে-ঘরে বাজিছে বাজনা ;  
 নাচিছে নর্তকী-বৃন্দ ; গাইছে সূতানে  
 গায়ক ; নায়ক লয়ে কেলিছে নায়কী,—  
 খল-খল-খল হাসি মধুর অধরে !  
 দ্বারে-দ্বারে ঝোলে মালা গাঁথা ফল-ফুলে ;  
 গৃহাগ্রে উড়িছে ধ্বজ ; বাতায়নে বাতি ;  
 জনশ্রোতঃ রাজ-পথে বহিছে কল্লোলে,

অভিষেক-উপলক্ষে আনন্দে আজ লঙ্কার প্রতিগৃহ আলোকমালার  
 বিভূষিত ।

রাজেন্দ্রাণী যথা রত্ন-হারা—রাজেন্দ্রাণী যেমন রত্নময় হারে  
 সুশোভিত হইলেন, সুবর্ণ-দীপ-মালায় লঙ্কাও তেমনি শোভা  
 পাইতেছে । ‘রাজেন্দ্রাণী’ লঙ্কার উৎকর্ষ-ব্যঞ্জক উপমান । ‘রত্নহারা’  
 রাজেন্দ্রাণীর বিশেষণ অর্থাৎ রত্নের হার বাহার ( গলার ) ।

ঘরে-ঘরে—প্রতিঘরে । বাজনা—(আনন্দসূচক) ।

কেলিছে—কেলি অর্থাৎ ক্রীড়া করিতেছে ।

নায়কী—নায়িকা ।

দ্বারে-দ্বারে ঝোলে মালা—( উৎসব-ব্যঞ্জক ) ।

গৃহাগ্রে—গৃহের সম্মুখ-ভাগে ।

বাতায়নে বাতি—জানলার আলোক । বাতের অর্থাৎ বায়ুর  
 অগ্নি অর্থাৎ গমন-পথ—“বাতায়ন ।”

জনশ্রোতঃ রাজপথে বহিছে—নদীশ্রোতের জায় রাজপথে  
 জনশ্রোত বহিতেছে অর্থাৎ অনবরত লোকপুঞ্জ চলিতেছে ।  
 ‘শ্রোতঃ’—অবিরামত্ব-সূচক ।

- যথা মহোৎসবে, যবে মাতে পুরবাসী ।  
রাশি-রাশি পুষ্প-বৃষ্টি হইছে চৌদিকে—  
সৌরভে পুরিয়া পুরী । জাগে লক্ষা আজি  
নিশীথে ; ফিরেন নিদ্রা ছুয়ারে-ছুয়ারে,—  
কেহ নাহি সাধে তাঁরে পশিতে আলয়ে,  
বিরাম-বর-প্রার্থনে !—“মারিবে বীরেন্দ্র  
ইন্দ্রজিৎ কালি রামে ; মারিবে লক্ষ্মণে ;  
সিংহনাদে খেদাইবে শৃগাল-সদৃশ

কমোলে—( আনন্দ-ব্যাঙ্গক ) । নানা-কণ্ঠনিঃসৃত এক অক্ষুট  
ধ্বনি করিয়া ।

মহোৎসবে—( পূজাদি মহোৎসবে ) । মাতে—যত্ন হয় ।

পুষ্প-বৃষ্টি—( আনন্দ ও মঙ্গলসূচক ) ।

জাগে লক্ষা আজি নিশীথে—এই গভীর রাত্তিতে আজ সমস্ত  
লক্ষাবাসী জাগিতেছে । পুথানে ‘লক্ষা’ অর্থে সমগ্র লক্ষাবাসী  
রাক্ষস সকল ।

বিরাম-বর-প্রার্থনে—বিরামরূপ বর অর্থাৎ অনুগ্রহ প্রার্থনা  
করিয়া । বিরাম-রূপ অনুগ্রহ দিবার জন্য নিদ্রাদেবীকে কেহই আজ  
সাধিতেছে না । আজ উৎসবের জন্য কেহই নিদ্রার প্রার্থী নহে ।

সিংহনাদে—( যুদ্ধ করিবার প্রয়োজন হইবে না ) শুধু সিংহনাদ  
করিয়া । শৃগাল যেমন সিংহনাদ শুনিলেই দূরে পলাইয়া যায়, শৃগাল-  
সদৃশ রামপক্ষও তেমনি কল্যা প্রভাতে মেঘনাদের সিংহনাদ শুনিবামাত্র  
সাগরপারে পলাইয়া যাইবে । ইহা উল্লাস-জনিত-গর্ক-ব্যাঙ্গক ।

খেদাইবে—তাড়াইবে । ( প্রাদেশিক ব্যবহার ) ।

বৈরিদলে সিদ্ধু-পারে ; আনিবে বাঁধিয়া  
 বিভীষণে ; পলাইবে ছাড়িয়া চাঁদে  
 রাহু ; জগতের আঁধি জুড়াবে দেখিয়া  
 পুনঃ সে সুধাংশু-ধনে—আশা মায়াবিনী,

বৈরিদলে—বৈরিদলকে ।

আনিবে বাঁধিয়া বিভীষণে—বিভীষণকে আর পলাইতে দিবে না  
 তাহাকে 'বাঁধিয়া আনিবে' । বিভীষণ রক্ষঃপক্ষীয় লোক ; কিন্তু  
 স্বপক্ষ ত্যাগ করিয়া বিপক্ষের সহিত মিলিয়াছে ; সুতরাং তাহাকে  
 বাঁধিয়া পুনরায় রক্ষঃপক্ষে আনা এবং উচিত শাস্তি দেওয়াই  
 রক্ষঃপক্ষের অভিপ্রেত ।

পলাইবে ছাড়িয়া চাঁদে রাহু—চন্দ্রগ্রহণকালে রাহু যেমন  
 চাঁদকে গ্রাস করিয়া ক্ষণকাল পরে আবার ছাড়িয়া পলায়, তেমনি  
 এই রঘুসৈন্ত-রূপ রাহু ( যাহা এখন লঙ্কা-রূপ চাঁদকে গ্রাস করিয়া  
 রহিয়াছে ) শীঘ্র লঙ্কা-রূপ চাঁদকে ছাড়িয়া পলাইবে অর্থাৎ  
 মেঘনাদ যুদ্ধে অবতীর্ণ হইলেই রঘুসৈন্ত পলাইয়া যাইবে ।

জগতের আঁধি ইত্যাদি—রাহুমুক্ত হইলে পূর্ণচন্দ্রকে দেখিয়া  
 যেমন জগতের লোক আনন্দিত হয়, রঘুসৈন্ত-রূপ রাহুর গ্রাস হইতে  
 লঙ্কাকে মুক্ত দেখিয়া লঙ্কাবাসী সকলে তেমনি আনন্দিত হইবে ।

সুধাংশু-ধনে—চন্দ্রকে । 'চাঁদ' ও 'সুধাংশু-ধন' এখানে লঙ্কার  
 উপমান । রক্ষঃপক্ষে স্বর্ণ-লঙ্কা সুধমায় যেন 'চন্দ্র' ।

আশা মায়াবিনী—কুহকিনী, ছলনাকারিণী আশা । যদিও  
 এ সকল অতিপ্রায় পূর্ণ হইবে না, তবু সকলে আশা করিতেছে যে  
 হইবে, তাই "আশা মায়াবিনী" ।

(১)পথে, ঘাটে, ঘরে, ঘারে, দেউলে, কাননে,

গাইছে গো এই গীত আজি রক্ষঃপুরে—

কেন না ভাসিবে রক্ষঃ আহ্লাদ-সলিলে ?

পথে, ঘাটে ইত্যাদি—লঙ্কার সর্বত্র অর্থাৎ যেখানে-যেখানে লোক-সমাগম হইয়াছে, সেইখানে সকল লোকের মনেই আজ এই আশার সঞ্চার হইয়াছে। ইহা “রাক্ষস-ভরসা” মেঘনাদের উপর রাক্ষসদের পূর্ণ ভরসা-ব্যঞ্জক।

দেউল—মন্দির। ‘দেবকুল’ শব্দের অপভ্রংশ।

গাইছে গো এই গীত—এই মঙ্গল-কামনা-গীত—“মারিবে বীরেন্দ্র ইন্দ্রজিৎ কালি রামে” ইত্যাদি,—গাইতেছে। অমুরূপ একটি আশা-গীত কবির বীরাতনা কাব্যে দ্রৌপদী-পত্রিকায় আছে ;—

“পাণ্ডব-কুল-ভরসা, মহেধাস, তুমি।

বিমুখিবে তুমি, সখে, সম্মুখ-সমরে

ভীষ্ম-ক্রোধ-কর্ণ-শুরে ; নাশিবে কৌরবে ;

বসাইবে রাজ্যসনে পাণ্ডুকুলরাজে ;—

এই গীত গায় আশী ন্তিত্য এ আশ্রমে।

এ সঙ্গীত-ধনি, দেব, শুনি জাগরণে,

শুনি স্বপ্নে নিশাভাগে এ সঙ্গীত ধনি।”—

কেন না ভাসিবে রক্ষঃ আহ্লাদ-সলিলে—যখন মনে এমন

(১) বহুপূর্বে কোনও এক সংস্করণে মুদ্রাকর প্রমাদবশতঃ “দেউল” কথাটি বর্জিত হওয়ার পরবর্তী সকল সংস্করণেই—“পথে, ঘাটে, ঘরে, ঘারে, কাননে”—এইরূপ পাঠ চলিয়া আসিতেছিল। ইহাতে ছন্দোভঙ্গ হয় দেখিয়া, আমি আমার কৃত এক সংস্করণে “প্রান্তরে” শব্দটি দিয়া ছন্দপূরণ করিয়া দিরাহিলাম। এখন প্রথম মুদ্রিত মেঘনাদ-বধ কাব্য দেখিয়া একান্ত পাঠ মূলে দেওয়া গেল।

একাকিনী শোকাকুলা, অশোক-কাননে,  
কাঁদেন রাঘব-বাহা অঁধার কুটীরে

আশার সঞ্চার হইয়াছে, তখন রাক্ষসেরা কেন না আনন্দ করিবে ?

একাকিনী শোকাকুলা ইত্যাদি—মেঘনাদ বুদ্ধার্থ অভিব্যক্ত হইয়াছেন বলিয়া কনক-লঙ্কা আজ আনন্দ-সাগরে ভাসিতেছে ;—লঙ্কার শোধরাজী আজ আলোক-মালায় প্রভাসিত ও ফুল-মালায় সুসজ্জিত ; ঘরে ঘরে গীত-বাণ্ড ; পথে-ঘাটে আনন্দ ; রাজপথ জন-শ্রোতে কল্লোলিত ; এবং সর্বত্র সকলে আশায় উৎফুল্ল । লঙ্কার সর্বত্রই এইরূপ ; কেবল একটা স্থানে নহে ;—সে স্থানে আলোক নাই, গীত-বাণ্ড নাই, আনন্দ নাই—সেখানে লোক-জনের কল্লোল নাই, উৎসাহ নাই, আশা নাই,—সেস্থান দুঃখের অন্ধকারে তমোময়, নৈরাশ্রের নীরবতার নিস্তরক এবং সতীর পতি-বিরহ-শোকে নিরানন্দ । তাহা লঙ্কার অশোক-বন, যেখানে একাকিনী সীতাদেবী নীরবে কাঁদিতেছেন । পাঠকগণ, একবার যুগপৎ দুই দিকে লক্ষ্য কর—বৈদ্যুতিক আলোকের পার্শ্বে যেমন অমানিশার অন্ধকার দ্বিগুণ গাঢ় দেখায়, আনন্দময় ও উজ্জ্বল লঙ্কাপুরীর পাশে অঁধার ও শোকাচ্ছন্ন অশোক-কানন আজ তেমনই দেখাইতেছে । এই বৈপরীত্যের সমাবেশ ( contrast ) চমৎকার কাব্য-কলা-কৌশল ।

অশোক-কাননে—রাবণের প্রমোদ-উদ্ভানের নাম অশোক-বন ।

রাঘব-বাহা—সীতা । রাঘবের বাহা-স্বরূপিণী, ইহাও হয় ; আবার রাঘব হইয়াছেন বাহা বাহার অর্থাৎ রাটমকপ্রাণা,

নীরবে ! ছরস্ত চেড়ী, সতীরে ছাড়িয়া,  
 ফেরে দূরে মস্ত সবে উৎসব-কোতুকে—  
 হীন-প্রাণা হরিণীরে রাখিয়া বাঘিনী  
 নির্ভয় হৃদয়ে যথা ফেরে দূর বনে !

ইহাও হয়। উপস্থিত স্থলে শেষোক্ত অর্থই সুসঙ্গত। সীতা  
 অশোকবনে বসিয়া দিবানিশি কেবল রাম-সমাগম চিন্তা করিতেছেন,  
 স্মরণে ‘রাঘববাঞ্জা’।

অশোকবনে সীতা সম্বন্ধে কৃত্তিবাস-রামায়ণে আছে—

“সশোকা থাকেন সীতা অশোক-কাননে।

হৃদয়ে সর্বদা রাম সলিল নরনে।”

নীরবে—কারণ, উচ্চ রবে কাঁদিয়া কোন ফল নাই,—শুধু  
 “অরণ্যে রোদন” মাত্র। তাই ‘নীরবে’ সার্থক।

ছরস্ত - ছুঁট, কেশদারক। চেড়ী—রাক্ষসী দাসী।

উৎসব-কোতুকে—উৎসব-আনন্দে।

হীন-প্রাণা—ক্ষীণপ্রাণা অর্থাৎ মৃতপ্রাণা।

এক টীকাকার অর্থ করিয়াছেন—“গতপ্রাণা অর্থাৎ “মৃত।”।

এ অর্থ নিতান্তই ভুল। ‘হীন’ শব্দ পূর্বে থাকিলে একান্ত অভাব  
 বুঝায় না, যথা—“হীনজ্যোতিঃ খণ্ডোতিকা” অর্থে ক্ষীণালোক-  
 সম্পন্ন খণ্ডোত ;—আলোকহীন খণ্ডোত নহে ; “হীনবুদ্ধি” অর্থে  
 স্বল্পবুদ্ধি ,—একেবারে বুদ্ধিহীন নহে ; “হীনকলা চন্দ্র” বলিলে  
 কলাহীন বুঝায় না—

“দ্বিতীয়র চন্দ্র যেন দেখি হীনকলা।” (কৃত্তিবাস)

এই সর্গেই অটায়ু-সম্বন্ধে আছে, “হীনাযু”। ঐ টীকাকার

মলিন-বদনা দেবী, হায় রে, যেমতি  
খনির তিমির-গর্ভে ( না পারে পশিতে

সেখানেও অর্থ করিয়াছেন “মৃত” । কিন্তু তখনও জটায়ু মরেন  
নাই, টীকাকার ইহা লক্ষ্য করেন নাই । ‘হীনায়ু অর্থে যুযু’ ।

হরিণীরে—পক্ষান্তরে, সীতাকে । শাস্ত-প্রকৃতি হেতু হরিণীর  
সহিত সীতার উপমা সার্থক । রামরসায়নে চেড়ীগণ পরিবেষ্টিতা  
সীতার বর্ণনায় আছে—

“যেমত পালক-হীন, হইয়া হরিণী দীন,  
ধাকে ব্যাত্মী-সংহতি ভিতরে ।”

রাধিয়া—ফেলিয়া রাধিয়া ।

বাঘিনী—‘দুরন্ত’ চেড়ী হিংস্রকতার ‘বাঘিনী’-সদৃশী ।

মূল রামায়ণে অরণ্যকাণ্ডে চেড়ীবেষ্টিতা সীতা সম্বন্ধে আছে—

“স তু শোক পরীতাক্ষী মৈথিলী স্ননকায়জা ।  
রাক্ষসীবশমাপন্ন্য ব্যাত্মীণাং হরিণী যথা ॥”

অনুব্র—

“রাক্ষসীভিবিরূপাভিঃ ক্রু রাভিরভিহংসৃতাম্ ।  
মাংসশোণিত ভক্ষ্যাভি ব্যাত্মীভিহ রিণীং যথা ॥”

নির্ভয় হৃদয়ে—কারণ, হরিণী ‘হীনপ্রাণা’ ; সুতরাং পলাইয়া  
যাইবার সম্ভাবনা নাই । পক্ষান্তরে, সীতাও মৃতপ্রাণা ।

মলিন-বদনা—( শোকে ) মলিন-মুখশ্রী ।

তিমির-গর্ভে—অন্ধকারময় অভ্যন্তরে ।

সৌর-কররাশি যথা ) সূর্য্যকাস্তমণি ;  
 কিম্বা বিশ্বাধরা রমা অনুরাশি-তলে !  
 স্নিছে পবন দূরে, রহিয়া-রহিয়া,  
 উচ্ছাসে বিলাপী যথা ! লড়িছে বিষাদে

সূর্য্যকাস্তমণি—সূর্য্য হইছে কাস্ত যে মণির, অর্থাৎ যে মণি  
 সূর্য্যালোকে দীপ্তি পায় এবং তদভাবে মলিন, হীনপ্রভ হয় ।

তিমিরাবৃত ধনির মধ্যে ( যেখানে সূর্য্যকিরণ প্রবেশ করে  
 না ), সূর্য্যকাস্তমণি যেমন হীনপ্রভ, সূর্য্যকাস্তমণিরূপিণী সীতাও  
 রামাভাবে আঁধার অশোককাননে তেমনই হীনপ্রভ হইয়া  
 রহিয়াছেন । রাম সূর্য্যবংশীয় সুতরাং সূর্য্যস্বরূপ । সীতা  
 সূর্য্যকাস্তমণি-স্বরূপা ।

কিম্বা বিশ্বাধরা রমা ইত্যাদি—অথবা যেমন সাগর-তলে  
 বিঘোষ্ঠী লক্ষ্মীদেবী বিফু-বিচ্ছেদে মলিনা হইয়া কিছুকাল বাস  
 করিয়াছিলেন, সীতাও অশোকবন-রূপ দুঃখসাগরতলে রামবিচ্ছেদে  
 তদ্রূপ মলিনা অর্থাৎ বিষণ্ণা হইয়া রহিয়াছেন । সুপক রক্তবর্ণ  
 বিশ্বফলের সহিত উৎকৃষ্ট ওঠের তুলনা চিরপ্রসিদ্ধ । অন্ধকার  
 হেতু গভীর সাগরতলের সহিত আঁধার অশোকবনের তুলনা  
 সার্থক । দুর্কামার শাপে লক্ষ্মীকে সাগর-মধ্যে কিছুকাল বাস  
 করিতে হইয়াছিল ।

স্নিছে—শব্দ করিতেছে ।

রহিয়া-রহিয়া—থামিয়া থামিয়া । বিলাপোচ্ছাসও থামিয়া  
 থামিয়াই হইয়া থাকে ।

উচ্ছাসে বিলাপী যথা—নানাছঃধে ছঃধী জন যেমন রহিয়া-



মর্শরিয়া পাতাকুল ! বসেছে অরবে  
শাখে পাখী ! রাশি-রাশি কুমুম পড়েছে  
তরুণুলে ; যেন তরু, তাপি' মনস্তাপে,  
ফেলিয়াছে খুলি' সাজ ! দূরে প্রবাহিনী,

রহিয়া দীর্ঘশ্বাস ত্যাগ করে, পবনও তেমনি যেন সীতার দুঃখে  
দুঃখী হইয়া থামিয়া-থামিয়া দীর্ঘশ্বাস ফেলিতেছে (সশব্দে  
বহিতেছে)। সীতার দুঃখে বাহু-প্রকৃতি পর্যন্ত দুঃখী, কবি  
ইহাই দেখাইতেছেন।

লড়িছে বিবাদে মর্শরিয়া পাতাকুল—সেই পবনোচ্চাসে শুধু  
পত্রাবলী, যেন সীতার দুঃখেই “মর্শর” শব্দ করিয়া ইতস্ততঃ  
চালিত হইতেছে।

বসেছে অরবে শাখে পাখী—বৃক্ষশাখার পাখীসকল বসিয়া  
রহিয়াছে,—কিন্তু নীরব ! রাত্রিকালে পাখী-সব নীরবে বৃক্ষশাখায়  
থাকে। কিন্তু কবির চক্ষে তাহারা যেন সীতার দুঃখে নীরব  
হইয়া রহিয়াছে।

রাশি-রাশি কুমুম ইত্যাদি—স্বভাবতই বৃক্ষতলে রাশি-রাশি  
কুমুম পড়িয়া থাকে। কিন্তু এ ক্ষেত্রে যেন সীতার দুঃখে  
দুঃখিত হইয়াই তরু নিজের অঙ্গভূষণ খুলিয়া ফেলিয়াছে।

তাপি মনস্তাপে—(সীতার জন্ত) মনোদুঃখে দুঃখিত হইয়া।

ফেলিয়াছে খুলি সাজ—কুল-সাজ খুলিয়া ফেলিয়াছে ; তাই,  
তরুতলে রাশি-রাশি কুমুম পড়িয়া রহিয়াছে।

প্রবাহিনী—নদী, বাহা অশোক-কাননের দূরাংশে বহিতেছে।

উচ্চ বীচি-রবে কাঁদি', চলিছে সাগরে,  
 কহিতে বারীশে যেন এ দুঃখ-কাহিনী !  
 না পশে সুধাংশু-অংশু সে ঘোর বিপিনে ;—  
 ফোটে কি কমল কভু সমল সলিলে ?  
 তবুও উজ্জল বন ও অপূর্ব রূপে !

উচ্চ বীচি-রবে কাঁদি—প্রবাহিণীর তরঙ্গভঙ্গ-ধ্বনি যেন সীতার  
 দুঃখে উচ্চরবে রোদনের রোল ।

সাগরে—সাগরাভিমুখে । বারীশে—সাগরকে ।

এ দুঃখ-কাহিনী—সীতার এই দুঃখ-বার্তা ।

না পশে সুধাংশু-অংশু ইত্যাদি—নানা-বৃক্ষ সমন্বিত সেই ঘোর  
 আধার অশোক-কাননে চক্রকিরণী পর্যন্ত প্রবেশ করিতেছে  
 না । ( কাননের বিঘ্নাচ্ছন্ন অন্ধকার-ব্যঞ্জক । )

ফোটে কি কমল কভু সমল সলিলে ?—পঙ্কিল জলে কি  
 পদ্ম ফোটে ? বিঘ্নাচ্ছন্ন স্থানে কি চক্র-কিরণ হাসে ?

তবুও উজ্জল বন ইত্যাদি—সেই বনে চক্রকিরণ না আসিলেও  
 সীতার রূপ এমনই অপূর্ব যে, এই ঘোর শোকাচ্ছন্ন অবস্থাতেও  
 সেই রূপের আলোকে আধার অশোকবন উজ্জল হইয়া  
 রহিয়াছে । কৃত্তিবাসী রামায়ণে অশোকবনে সীতা-সম্বন্ধে আছে—

“লাবণ্যে উজ্জল তবু কানন নিরধি ।”

ও অপূর্বরূপে—যেন সীতাদেবীর প্রতি অঙ্গুলি-নির্দেশ করিয়া  
 কবি বলিতেছেন ।

একাকিনী বসি' দেবী, প্রভা আভাময়ী  
 তমোময় ধামে যেন ! হেনকালে তথা,  
 সরমা সুন্দরী আসি' বসিলা কাঁদিয়া  
 সতীর চরণ-তলে ; সরমা সুন্দরী—  
 রক্ষঃকুল-রাজলক্ষ্মী রক্ষোবধু-বেশে !

প্রভা আভাময়ী—দীপ্তিময় আলোক ।

তমোময় ধামে—যমপুরীতে । যমপুরীও অশোকবনের গায়  
 অন্ধকারময় । কষ্টদায়ক বলিয়া অশোকবন সীতার পক্ষে যমপুরী-  
 সদৃশ, এবং রাত্রিতেও উহা যমপুরীর গায় অন্ধকারাবৃত,—কেবল  
 সীতাই সেখানে নিজরূপে আলো করিয়া বসিয়া আছেন ।  
 “অশোক-কানন” রাবণের প্রমোদ-উদ্যান । নানাবিধ ঐশ্বর্য্যে ও  
 সৌন্দর্য্যে উহা নন্দন-কাননের গায় রমণীয় । ( রামায়ণে সুন্দর  
 কাণ্ডে ইহার বিস্তৃত বর্ণনা আছে ) । কিন্তু রমণীয় হইলেও সীতার  
 পক্ষে উহা যমপুরী-সদৃশ ।

সরমা—বিভীষণের মহিষী । সরমা গন্ধর্করাজ শৈলুষের কন্যা ।  
 এই কন্যা যখন মানস-সরোবর-তীরে জন্মগ্রহণ করে, তখন  
 মানস-সরোবর বর্ষা-সমাগমে শিশুর সন্নিহিত স্থান পর্য্যন্ত বর্ধিত  
 হইতে থাকিলে, কন্যার জননী কন্যার ক্রন্দন শুনিয়া, “সরো মা  
 বর্ধিত” বলিয়াছিলেন । এইজন্য কন্যার নাম “সরমা” ( বাগ্মীকি-  
 রামায়ণে উক্তরূপে ) ।

কাঁদিয়া—( সীতার দুঃখে ) ।

সতীর চরণ-তলে—সীতার পদপ্রান্তে !

রক্ষঃকুল-রাজলক্ষ্মী রক্ষোবধু-বেশে—সরমা এমন দেবোপম-

কতক্ষণে চক্ষু-জল মুছি' সুলোচনা  
 কহিলা মধুর স্বরে ;—“হরন্ত চেড়ীরা  
 তোমারে ছাড়িয়া, দেবি, ফিরিছে নগরে,  
 মহোৎসবে রত সবে আজি নিশা-কালে ;  
 এই কথা শুনি' আমি আইলু পূজিতে  
 পা দু'খানি । আনিয়াছি কোঁটার ভরিয়া  
 সিন্দূর ; করিলে আজ্ঞা, সুন্দর ললাটে

সদৃশগম্পন্ন যে, বোধহয় যেন, উনিই রক্ষাবধুবশে রক্ষকুলের  
 রাজলক্ষ্মী অর্থাৎ মুক্তিমতী রাজশ্রী । কৃতিবাসী রামায়ণে আছে—  
 “মহাজ্ঞানবতী, সতী সরমাসুন্দরী ।”

কতক্ষণে—কিছুক্ষণ পরে । মুছি—মুছিয়া ।

সুলোচনা—( সরমা ) । ( সরমার রূপব্যাঞ্জক ) ।

হরন্ত চেড়ীরা—হৃদ্যন্ত চেড়ীসকল, যাহারা সীতার প্রতি  
 উৎপীড়ন করিত ।

এই কথা শুনি আমি ; আইলু পূজিতে পা দু'খানি—বাস্তবিক-  
 রামায়ণে সরমা রাবণ কর্তৃক সীতার রক্ষণাবেক্ষণ-কার্যে  
 নিয়োজিত হইয়াছিলেন । কিন্তু এ কাব্যে কবি তাহা না  
 করিয়া, গুপ্তভাবে সীতার সহিত সরমার সন্মিলন দেখাইয়াছেন ।  
 ইহা সরমার মুখেই স্পষ্ট উক্ত হইয়াছে :—এই সর্গ-শেষে দেখ,—

“——কিন্তু প্রাণপতি

আমার, রাঘব-দাস ; তোমার চরণে

আসি কথা কই আমি, এ কথা শুনিতে

কবিবে লঙ্কার নাথ, পড়িব সত্বটে ।”

দিব ফোঁটা । এয়ো তুমি, তোমার কি সাজে  
এ বেশ ? নিষ্ঠুর, হায়, ছুষ্ট লঙ্কাপতি !  
কে ছেঁড়ে পদ্যের পর্ণ ? কেমনে হরিল  
ও বরান্দ-অলঙ্কার ?—বুঝিতে না পারি ।”

ফোঁটা খুলি, রক্ষাবধু যত্নে দিল ফোঁটা  
সোমন্তে ; সিন্দূর-বিন্দু শোভিল ললাটে,

করিলে আজ্ঞা—( সীতার প্রতি সরমার সম্বন্ধ-সূচক ) । সরমা  
সীতাকে দেবী-জ্ঞান করিতেন, সূত্রাং অনুমতি ভিন্ন কিরূপে সে  
দেহ স্পর্শ করিবেন ?

ফোঁটা—( সিন্দূরের ) । এয়ো—সধবা ।

এ বেশ—এই অলঙ্কার-হীন, বৈধব্য-সূচক বেশ ।

ছুষ্ট লঙ্কাপতি—পাপী রাবণ । সধবাকে নিরলঙ্কারা করা  
পাপ ।

কে ছেঁড়ে পদ্যের পর্ণ—পদ্যের পর্ণাঙ্কিত কে ছেঁড়ে ? অর্থাৎ  
যে ছেঁড়ে, সে অতি নিষ্ঠুর পামর । পর্ণাঙ্কিত পদ্যের  
শোভা ; সূত্রাং তাহা যেমন ছিঁড়িতে নাই, তেমনি সীতা-দেহের  
অলঙ্কার হরণ করাও রাবণের পক্ষে অতিশয় গহিত কার্য  
হইয়াছে, ইহাই ভাব ।

কেমনে হরিল—কেমন করিয়া অলঙ্কার হরণ করিল  
অর্থাৎ হরণ করিতে কি তাহার মনে একটু দ্বিধা, কি দুঃখ  
হইল না ?

যত্নে—অতি আগ্রহের সহিত ।

গোধূলি-ললাটে, আহা, তারা-রত্ন যথা !

দিয়া ফোঁটা, পদ-ধূলি লইলা সরমা ।

“ক্ষম, লক্ষ্মি, ছুঁইনু ও দেব-আকাঙ্ক্ষিত

তনু ; কিন্তু চির-দাসী দাসী ও চরণে !”—

গোধূলি-ললাটে, আহা, তারা-রত্ন যথা—গোধূলি-কালে পশ্চিম গগনে যেমন উজ্জল শুক্রগ্রহ ( শুক্রতারা ) শোভা পায়, গোধূলিসম আভাময়ী সীতার ললাট-দেশে উজ্জল সিন্দূর-বিন্দুও তেমনি শোভা পাইতে লাগিল। গোধূলির সহিত উপমায় সীতার অপূর্ব রূপের বিষাদাচ্ছন্নতাব সূচিত। সূর্যাস্ত-কালের চমৎকার শ্রী গো-ধূলিতে সমাচ্ছন্ন হইয়া থাকে ; সীতার অপূর্ব রূপও বিষাদ-সমাচ্ছন্ন হইয়া যেন গোধূলি-শ্রী ধারণ করিয়াছে।

আহা—( সৌন্দর্য্য-জনিত-আহ্লাদব্যাঞ্জক ) । সিন্দূরের ফোঁটার ললাটের সৌন্দর্য্য ।

তারা-রত্ন—সাক্ষা “শুক্র তারা”—অর্থাৎ শুক্র গ্রহ । মেঘনাদবধ কাব্যে দ্বিতীয় সর্গারম্ভে আছে—

“অস্তে গেলা দিনমণি, আইলা গোধূলি,—

ললাটে একটা রত্ন—”

দিয়া ফোঁটা, পদধূলি লইলা সরমা—( সন্ন্যাসূচক ) ।

ক্ষম, লক্ষ্মি, ছুঁইনু ও দেব-আকাঙ্ক্ষিত তনু—এইজন্যই সরমা পূর্বে আজ্ঞা চাহিয়াছিলেন। পরে দেহ-স্পর্শের জগ্ন ক্ষমা চাহিতেছেন। ইহা সীতার দেবী-তাবের প্রতি সূক্ষ্ম ইঙ্গিত ।

চির-দাসী—চিরানুগতা, চিরসেবিকা। ( ভক্তি-ব্যাঞ্জক ) ।

দাসী—এ সরমা দাসী ।

এতেক কহিয়া পুনঃ বসিলা যুবতী  
পদতলে ; আহা মরি, সুবর্ণ-দেউটী  
তুলসীর মূলে যেন জ্বলিল, উজ্বলি'  
দশ দিশ্ ! মৃচ্ স্বরে কহিলা মৈথিলী ;—

“বৃথা গঞ্জ দশাননে তুমি, বিধুমুখি !

পুনঃ বসিলা—প্রণামানন্তর “ক্ষম লক্ষ্মি” ইত্যাদি নিবেদন কবিয়া,  
সরমা পুনরায় সীতার পদপ্রান্তে বসিলেন !

আহা মরি—( সৌন্দর্য্যজনিত-আহ্লাদব্যঞ্জক ) ।

সুবর্ণ-দেউটী—( সরমার রূপ ও রাষ্ট্রেশ্বর্য্য-ব্যঞ্জক ) । সুবর্ণ-  
প্রদীপ তুলসীর মূলে জ্বলিলে যেমন শোভা হয়, তুলসী-সদৃশী পবিত্র  
সীতাদেবীর পদতলে বসিয়া উজ্জ্বল-সুবর্ণকাস্তি সরমা তেমনি শোভা  
পাইতে লাগিলেন । দেউটী অর্থে প্রদীপ । দেউটী স্ত্রীলিঙ্গ-  
শব্দ বলিয়া সরমার উপমান সুন্দর সঙ্গত হইয়াছে ।

তুলসীর মূলে—( ইহাতে সীতাদেবীর পবিত্রতা সূচিত ) । শাস্ত্রে  
তুলসাকে “বিকুপ্রিয়া” বলে এবং এই উহা হিন্দুর গৃহে অধিষ্ঠাত্রী  
দেবীর মত নিত্য পূজিতা ।

মৃচ্ স্বরে—( শোকভারাক্রান্ত-হৃদয় হেতু ) ক্রীণ স্বরে ।

বৃথা গঞ্জ দশাননে তুমি—“নিষ্ঠুর, হায়, দুষ্ট লক্ষাপতি !” ইত্যাদি  
—আমার অঃস্বার্থীনতা লক্ষ্য করিয়া তুমি অনর্থক  
বাৎসল্যকে দোষী করিতেছ । ইহাতে রাবণের কিছুমাত্র দোষ  
নাই । বাস্তবিক রাবণ যখন সীতার অলঙ্কারে আদৌ তন্তুরূপ  
করেন নাই, সীতা নিজেই চিরুহেতু সে সব ফেলিয়া দিয়াছেন,  
তখন সে বিষয়ে রাবণকে দোষী করিলে, প্রতিবাদ করা সীতার

আপনি খুলিয়া আমি ফেলাইনু দূরে  
 আভরণ, যবে পাপী আমারে ধরিল  
 বনাশ্রমে । ছড়াইনু পথে সে সকলে,  
 চিহ্ন-হেতু । সেই সেতু আনিয়াছে হেথা—

পক্ষে খুবই সঙ্গত,—ইহাতে সীতা-চরিত্রের অলৌকিক মাহাত্ম্য  
 কুটিয়াছে ।

আপনি—স্বচ্ছায় ।

ফেলাইনু—ফেলিয়া দিলাম । ( প্রাদেশিক ব্যবহার ) ।

যবে পাপী ধরিল আমারে বনাশ্রমে—পঞ্চবটী-বনে দুষ্ট রাবণ  
 আমায় বলপূর্বক হরণ করিলে পরে, আমি নিজের ইচ্ছায় অলঙ্কার-  
 সকল দূরে ফেলিয়া দিয়াছি ।

ছড়াইনু পথে সে সকলে—রাবণ আমাকে হরণ করিয়া যে  
 পথ দিয়া লইয়া আসিল, সেই পথে আমি আমার অঙ্গের অলঙ্কার-  
 গুলি স্থানে-স্থানে ফেলিয়া দিলাম ।

চিহ্ন-হেতু—আমাকে কোন পথে কোথায় লইয়া গেল, এই  
 চিহ্ন রাখিবার জন্ত অর্থাৎ যাহা দেখিয়া রামচন্দ্র বুঝিতে পারিবেন  
 যে আমাকে কোন দিকে লইয়া গিয়াছে । কুন্তিবাসী রামায়ণে  
 সীতাদেবী রামের কাছে স্ত্রীবেদ উক্তি :—

“পলার উত্তরীয় গায়ের আভরণ ।

রথ হৈতে পড়িল যেমন তারাগণ ॥

অনুমানে বুঝি তিনি তোমার সুলক্ষী ।

যত্ন করি রাখিরাছি ভূষণ উত্তরী ॥

যদি আজ্ঞা হয় তবে আনি তা এখন ।

হয় নয় চিন মিত্র সীতার ভূষণ ॥”



## সীতা ও সরমা

এ কনক-লক্ষাপুরে—ধীর রঘুনাথে !

মণি, মুক্তা, রতন, কি আছে, লো, জগতে,

যাহে নাহি অবহেলি লভিতে সে ধনে ?

কহিলা সরমা ;—“দেবি, শুনিয়াছে দাসী

ভূষণ দেখিয়া রামের উক্তি :—

“বিজ্ঞাপ করেন কোথা রহিলে সুন্দরী ।

তোমার ভূষণ এই তোমার উত্তরী ॥”

সেই সেতু—আমার সেট অলঙ্কার-রূপ সেতু । সীতার হরণ-  
ব্যাপার রামচন্দ্রের পক্ষে কুল-কিনারাহীন দুস্তর সাগরবৎ ছিল ।  
সেই সাগরে এই অলঙ্কারগুলি যেন ‘সেতুর’ গ্রাম কার্য্য করিয়াছে  
অর্থাৎ এই অলঙ্কারের নিদর্শনে তিনি সীতা সম্বন্ধে তথ্য জানিতে  
পারিয়াছেন বলিয়া এখানে আসিতে সমর্থ হইয়াছেন ।

ধীর রঘুনাথে—যিনি ধৈর্য্যের সহিত তথ্যানুসন্ধান লইয়া তবে  
লঙ্কার আসিয়াছেন । নানা বিঘ্ন-বিপত্তি ও কালবিলম্বও যাহার  
ধৈর্য্যচ্যুতি হয় নাই, ‘ধীর’ বলিবার ইহাই তাৎপর্য্য ও সার্থকতা ।

কি আছে লো জগতে—জগতে এমন বহুমূল্য ধন কি আছে ?

অবহেলি—তুচ্ছ করি ।

সে ধনে—রামের মত অমূল্য ধনে ।

শুনিয়াছে দাসী—এ দাসী ( সরমা ) পূর্বে একদিন শুনিয়াছে ।

এ কাব্যে তাহা নাই ; তবু ইহার উল্লেখ পাঠকের মনে অপূর্ব  
কৌতূহল জন্মায় । ইহা এক প্রকার সুন্দর কবি-কৌশল ।

তব স্বয়ম্বর-কথা তব সুধা-মুখে ;  
 কেন বা আইলা বনে রঘু-কুল-মণি ।  
 কহ এবে দয়া করি', কেমনে হরিল  
 তোমারে রক্ষেন্দ্র, সতি ? এই ভিক্ষা করি,—  
 দাসীর এ তুষা তোষ সুধা-বরিষণে !

স্বয়ম্বর-কথা—সীতার বিবাহ-কাহিনী ।

সুধা-মুখে—সুধাপূর্ণ মুখে । সীতার মুখ হইতে নিঃসৃত কথা  
 যেন 'সুধা', অমৃত ।

কেন বা আইলা বনে রঘুকুলমণি—রামের বনগমন বৃত্তান্তঃ  
 ( নাসী গুনিয়াছে ) । ইহাও পাঠকের কৌতূহল উদ্দীপনার্থ কবি-  
 কৌশল । এইরূপ একটি সুন্দর ইন্দ্রিতোল্লেক্ষ মেঘনাদবধের প্রথম  
 সর্গে বাক্যের উক্তি আছে—

“ধিক্ দেব প্রভঞ্নে ! কেমন ভুলিলা  
 আপন প্রতিজ্ঞা, সখি, এত অন্নদিনে  
 বায়ুপতি ? দেবেশ্বের সভায় তাঁহারে  
 সাধিনু সে দিন আমি বাঁধিতে শৃঙ্খলে  
 বায়ুবন্দে ; কারাগারে রোধিতে সবারে ॥”

কেমনে হরিল—কেমন করিয়া অর্থাৎ কি কৌশলে হরণ করিল ?  
 সতি—( সন্দোধান ) । তুমি এমন পতিপরায়ণা রমণী, তবু কি  
 কৌশলে রাবণ তোমাকে হরণ করিয়া আনিল ?—এখানে 'সতি  
 সন্দোধানের ইহাই সার্থকতা ।

তুষা—( গুনিতে ) লালসা ।

তোষ—তৃপ্ত কর ।

দূরে ছুঁচু চেড়ীদল ; এই অবসরে  
 কহ মোরে বিবরিয়া, শুনি সে কাহিনী ।  
 কি ছলে ছলিল রামে, ঠাকুর লক্ষ্মণে  
 এ চোর ? কি মায়া-বলে রাঘবের ঘরে  
 প্রবেশি, করিল চুরি এ হেন রতনে ?”

সুখা-বরিষণে—বাক্য-সুখা বর্ষণ দ্বারা অর্থাৎ সুখাময় বৃত্তান্ত  
 কহিয়া ।

এই অবসরে—দুরন্ত চেড়ীদিগের এই অনুপস্থিতি-কালই  
 সরমার সীতা-সাক্ষাতের উপযুক্ত ‘অবসর’ ; কারণ, এ কাব্যে  
 সরমা শুপ্রত্যনে সীতার কাছে আসিয়া থাকেন । রামায়ণে সরমা  
 রাবণ কর্তৃক সীতার রক্ষণাবেক্ষণে নিয়োজিতা । কিন্তু এ কাব্যে  
 কবি তাহা করেন নাই ।

সে কাহিনী—হরণ-বৃত্তান্ত ।

কি ছলে—কি ছলনা দ্বারা ।

ছলিল—প্রতারিত করিল ।

ঠাকুর লক্ষ্মণে—লক্ষ্মণ ঠাকুরকে । ‘ঠাকুর’ সম্বন্ধ-ব্যঞ্জক ।

এ চোর—এই সীতা-চোর রাবণ ।

কি মায়া-বলে—কি মায়া-শক্তির সাহায্যে । মায়া ভিন্ন সহজে  
 রাঘবের ঘরে প্রবেশ করা, এবং সীতার গায় সতীকে হরণ কর  
 অসাধ্য, ইহাই ভাব ।

এ হেন রতনে—তোমার মত নারী-রত্নকে—(সীতাকে) ।

যথা গোমুখীর মুখ হইতে সুস্বনে  
 করে পূত বারি-ধারা, কহিলা জানকী,  
 মধুরভাষিণী সতী, আদরে সম্ভাষি'  
 সরমারে;—“হিতৈষিণী সীতার পরমা  
 তুমি, সখি! পূর্ব-কথা শুনিবারে যদি  
 ইচ্ছা তব, কহি আমি, শুন মনঃ দিয়া।-

যথা গোমুখীর মুখ হইতে ইত্যাদি—হিমালয়স্থিত গোমুখাকার  
 গুহা, যেখান-হইতে গঙ্গার উৎপত্তি, তাহার নাম ‘গোমুখী’। যেমন  
 গোমুখীর মুখ হইতে জাহ্নবীর পবিত্র বারিধারা সুশব্দে ঝাঝা  
 থাকে, জানকীর মুখ হইতেও তেমনি তদীয় পবিত্র কথা সকল মধুর  
 শব্দে নির্গত হইতে লাগিল।

গোমুখীর সহিত সীতা-মুখের উপমা সীতার পবিত্রতা-ব্যঞ্জক।  
 ইতিপূর্বে কবি পবিত্র তুলসী-বৃক্ষের সহিত সীতার উপমা দিয়াছেন।  
 তুলসীর সহিত সীতার এবং গোমুখী-নিঃসৃত গঙ্গার বারিধারার  
 সহিত সীতা-কথিত তদীয় কাহিনীর উপমায় সীতার দেবী-ভাব  
 সুন্দর ফুটিয়া উঠিয়াছে।

হিতৈষিণী সীতার পরমা তুমি, সখি—হে সখি, তুমি সীতার  
 পরমা হিতৈষিণী।

পূর্বকথা—আমার হরণরূপ পূর্বকাহিনী।

শুনিবারে—শুনিতে।

“ছিনু মোরা, সুলোচনে, গোদাবরী-তীরে,  
কপোত-কপোতী যথা উচ্চ বৃক্ষ-চূড়ে  
বাঁধি’ নীড়, থাকে সুখে ; ছিনু ঘোর বনে,  
নাম পঞ্চবটী, মর্ত্যে সুর-বন-সম !  
সদা করিতেন সেবা লক্ষ্মণ স্মৃতি ।

মোরা—( স্বামী-স্ত্রী ) ।

গোদাবরী-তীরে—গোদাবরী নদীতীরে ।

কপোত-কপোতী যথা ইত্যাদি—যেমন পাৰাবতী সহ পাৰাবত  
উচ্চ বৃক্ষচূড়ায় বাসা বাঁধিয়া সুখে থাকে, আশ্রয় স্বামী-স্ত্রীও তেমনি  
গোদাবরীতটস্থ পৰ্বত-শিখরে কুটীর নিৰ্ম্মাণ করিয়া সুখে বাস  
করিতেছিলাম ।

উচ্চ বৃক্ষচূড়ে—সীতাপক্ষে, গোদাবরী-তীরস্থ উচ্চ ভূমিতে  
বা পৰ্বত-শিখরে ।

ঘোর বনে—ভয়ানক, দুর্গম বনে ।

পঞ্চবটী—দণ্ডকারণ্যস্থ বনবিশেষের নাম । অশ্বথ, বিষ্ণু, বট,  
ধাত্রী ও অশোক এই পঞ্চবটের প্রাধান্য থাকায় ঐ বনের নাম  
‘পঞ্চবটী’ । এখন এইখানেই নাসিক-নামে নগর । এইখানে  
লক্ষ্মণ সূৰ্পণখার নাসিকাচ্ছেদন কারিয়াছিলেন বলিয়া উহা নাসিক-  
নামে প্রসিদ্ধ ।

সুর-বন-সম—দেবভোগ্য কাননের ত্রায় পঞ্চবটী-বনের  
এমনই শোভা যে, তথায় দেবতারাও সুখী হইতে পারেন ।

সেবা—পরিচর্যা ।

লক্ষ্মণ স্মৃতি—সুশীল লক্ষ্মণ । (শুকজন-সেবা সুশীলতার প্রমাণ ।)

দণ্ডক ভাণ্ডার যার, ভাবি দেখ মনে,  
 কিসের অভাব তার ? যোগাভেন আনি'  
 নিত্য ফল-মূল বীর সৌমিত্রি ; যুগয়া  
 করিতেন কভু প্রভু ; কিন্তু জীব-নাশে  
 সতত বিরত, সখি, রাঘবেন্দ্র বলী,—  
 দয়ার সাগর নাথ, বিদিত জগতে !

“ভুলিনু পূর্বের সুখ ! রাজার নন্দিনী,  
 রঘু-কুল-বধু আমি ; কিন্তু এ কাননে  
 পাইনু, সরমা সই, পরম পীরিতি !  
 কুটীরের চারিদিকে কভু যে ফুটিত  
 ফুলকুল নিত্য-নিত্য, কহিব কেমনে ?—

দণ্ডক ভাণ্ডার যার—নানাবিধ ফল মূল ও যুগাদিতে পূর্ণ  
 দণ্ডকারণ্য যাহার ভাণ্ডার ।

কিসের—কোন্ আহারীর দ্রব্যের বা কোন্ সুখের ?

কভু—কখন-কখন । আহারার্থ প্রয়োজন হইলে ।

কিন্তু—( অনিচ্ছা-স্বচক ) । অন্যথাকে, কেবল সখ্ করিয়া  
 জীবনাশ করিতেন না ।

পূর্বের সুখ—রাজসুখ ।

রাজার নন্দিনী, রঘু-কুল-বধু আমি—যদিও আমি রাজকন্যা ও  
 রাজকুলবধু, তবু এ বনবাসে পরমসুখ পাইতাম ।

পরম পিরীতি—চরম প্রীতি অর্থাৎ সুখ ।

ফুলকুল—নানাজাতীয় ফুল ।

পঞ্চবটী-বন-চর মধু নিরবধি !

জাগাত প্রভাতে মোরে কুহরি সুস্বরে  
পিক-রাজ! কোন্ রাণী, কহ, শশিমুখি,  
হেন চিত্ত-বিনোদন বৈতালিক-গীতে

খোলে আঁখি? শিখী সহ, শিখিনী সুধিনী  
পঞ্চবটী-বনচর মধু নিরবধি—পঞ্চবটী-বনে চিরবসন্ত বিরাজমান।  
জাগাত প্রভাতে ইত্যাদি—প্রভাতে কোকিলের সুমধুর  
কুহুধ্বনি শুনিয়া আমার নিদ্রা ভাঙিত।

কোন্ রাণী ইত্যাদি—রাজপ্রাসাদে প্রভাতে স্তুতি-গান হয়।  
সেই গীত শুনিয়া রাজা ও রাণীর নিদ্রাভঙ্গ হইয়া থাকে। কিন্তু  
কোকিলের কুহুধ্বনির মত মনোহর ধ্বনি শুনিয়া কোন্ রাণী  
প্রভাতে আঁখি খোলেন? রাজপ্রাসাদের প্রভাতী গীতবাণীদির  
তুলনায় পঞ্চবটী-প্রভাতী কুহুরব অধিকতর মনোমুগ্ধকর। সীতা  
বনবাসিনী হইয়াও রাজরাণী, বরং রাজরাণী অপেক্ষাও সুখী,  
ইহাই ভাব।

চিত্ত-বিনোদন—মনোহর, মনোমুগ্ধকর।

বৈতালিক-গীতে—প্রভাতী স্তুতি-গান শুনিয়া। রাজালয়ে  
প্রভাতে বাহারা স্তুতিগান করিয়া রাজার ও রাণীর নিদ্রা ভঙ্গ করায়,  
তাহাদিগকে বৈতালিক বলে।

খোলে আঁখি—( নিদ্রাভঙ্গানন্তর ) চক্ষু মেলে।

শিখী—ময়ূর।

শিখিনী সুধিনী—আনন্দিতা ময়ূরী। ‘শিখীসহ’ বলিয়া  
‘সুধিনী’। ‘শিখীসহ’—শিখীর সহিত মিলিতা, এ অর্থও হয়  
অনুরূপ প্রয়োগ প্রথম সর্গারম্ভে আছে ;—“ক্রৌঞ্চবধুসহ।”

## সীতা ও সরমা

নাচিত ছুয়ারে মোর ! নর্তক নর্তকী,  
এ দৌহার সম, রামা, আছে কি জগতে ?  
অতিথি আসিত নিত্য করভ, করভী,  
গৃগ-শিশু, বিহঙ্গম,—স্বর্ণ-অঙ্গ কেহ,  
কেহ গুল, কেহ কাল, কেহ বা চিত্রিত,  
নাচিত—( নৃত্য আনন্দের লক্ষণ )।

নর্তক, নর্তকী ইত্যাদি—রাজা ও রাণীদের সম্মুখে নর্তক নর্তকী নাচে সতা, কিন্তু ময়র, ময়রীর নত সুন্দর নর্তক, নর্তকী জগতে কী আর আছে ? অর্থাৎ সে সব নর্তক, নর্তকী ইহাদের কাছে তুলনীয়ই নহে। বনবাসেও সীতার রাজসুখ অপেক্ষা বেশী সুখ, ইহাই বুঝিতে হইবে।

রামা—সুন্দরী।

অতিথি আসিত নিত্য ইত্যাদি—রাজপ্রাসাদে যেমন নিত্য অতিথি আসে, এ পঞ্চদশ-বনবাস-কালেও তেমনি নিত্য-নিত্য নানাবিধ অতিথি আসিত, যথা, করভ, করভী, গৃগশিশু, নানা রঙ্গের পক্ষী ইত্যাদি—অহিংসক জীবসমুদয়।

অতিথি—আগন্তুক ( যাহাদিগকে সেবা করা কর্তব্য )।

করভ—হস্তিশিশু।

স্বর্ণ-অঙ্গ—( বিশেষণ )। স্বর্ণবর্ণ অঙ্গ যাহাদের।

কেহ বা চিত্রিত—কেহ বা নানা রঙ্গে রঞ্জিত



যথা বাসবের ধনুঃ ঘন-বর-শিরে ;—  
 অহিংসক জীব যত ! সেবিতাম সবে  
 মহাদরে ; পালিতাম পরম যতনে,  
 মরুভূমে শ্রোতস্বতী তৃষাতুরে যথা,  
 আপনি স্নজলবতী বারিদ-প্রসাদে :

যথা বাসবের ধনুঃ ঘন-বর-শিরে—মেঘের উপর ইন্দ্রধনু যেমন  
 নানা রঙ্গে রঞ্জিত, তেমনি নানা বর্ণের পক্ষী সকল ।

অহিংসক—যাহারা কাহারও হিংসা করে না, অর্থাৎ যাহারা  
 জীবনাশ করে না ।

সেবিতাম—খাদ্য জলাদি দিয়া তুষ্ট করিতাম ।

মহাদরে—অতি যত্নে ।

পালিতাম—পালন করিতাম, ( আহারাদি দিয়া ) । “উত্তর-  
 চরিতম্” নাটকে আছে—

“করকমলবিকীরে রঘুনীবারশপে—

সুশকুনিকুরঙ্গান্ মৈথিলী যানপুণ্যং ।”

পরম যতনে—সবিশেষ যত্নে ।

মরুভূমে শ্রোতস্বতী তৃষাতুরে যথা—( পরিতুষ্ট করে ) ।

আপনি স্নজলবতী বারিদ-প্রসাদে—( মরুভূমে শ্রোতস্বতী ও  
 পঞ্চবটী-বনে সীতা—উভয়পক্ষেই ) । মরুভূমে শ্রোতস্বতী মেঘের  
 অনুগ্রহে নিজে স্নজলবতী, আর এই পঞ্চবটী বনে সীতাও মেঘের  
 প্রসাদে স্নজলবতী । অর্থাৎ মরুভূমে যেমন শ্রোতস্বতী মেঘের  
 অনুগ্রহে স্নজলবতী হইয়া তৃষাতুর পথিককে জলদানে তুষ্ট করে,

সরসী আরসি মোর ! তুলি' কুবলয়ে,  
 ( অতুল-রতন-সম ) পরিতাম কেশে ;  
 সাজিতাম ফুল-সাজে ; হাসিতেন প্রভু,  
 বনদেবী বলি' মোরে সস্তাষি কৌতুকে !

সীতাও তেমনি মেঘের অনুগ্রহে সুজলবতী হইয়া, তৃষ্ণাতুব  
 জীবগণকে জলদানে পরিতৃপ্ত করিতে সমর্থ হইতেন । কৃষ্ণিবাসী  
 রামায়ণে পঞ্চবটী-বনবাস-বর্ণনায় আছে—

“অযত্নশূন্য গোদাবরীর জীবন ।”

সরসী আরসি মোর—স্থির স্বচ্ছ সরোবর আমার আরসি ।  
 এমন বড়, এমন স্বচ্ছ, এমন সুন্দর, আরসি আর কোথায় ?  
 বনবাসেও গাহস্থ্যোপযোগী-বৈভবাদের অভাব নাই, বরং অধিকতর  
 উৎকৃষ্ট বৈভবাদের বিরাজমান, ইহাই ভাব ।

তুলি কুবলয়ে—সরসী হইতে পদ্ম তুলিয়া ।

অতুল-রতন-সম—লোকে বহুমূল্য রত্ন সকল যত্ন করিয়া কেশে  
 পরে ; বনবাসে আমার সেই রত্ন ছিল না বটে, কিন্তু ছিল সরসীর  
 কুবলয়-রত্ন, যাহার তুলনা নাই ; আমি সেই অতুল কুবলয় রত্ন  
 কেশে পরিতাম । বনবাসেও আমার রত্নাদের অভাব ছিল না,  
 ইহাই ভাব ।

সাজিতাম ফুল-সাজে—পুষ্পালঙ্কারে ভূষিতা হইতাম ।

হাসিতেন প্রভু—( আমার এমন অলঙ্কার-স্পৃহা এবং পুষ্পা  
 লঙ্কারে পরিতৃপ্তি দেখিয়া ) ।

বনদেবী বলি' মোরে সস্তাষি কৌতুকে—পুষ্পালঙ্কতা বলিয়া  
 সীতাকে “বনদেবী” সস্তাষণ সার্থক ।

হায়, সখি, আর কি, লো, পা'ব প্রাণনাথে ?

আর কি এ পোড়া অঁখি এ ছার জনমে

দেখিবে সে পা ছু'খানি—আশার সরসে

রাজীব, নয়ন-মণি ? হে দারুণ বিধি,

কি পাপে পাপী এ দাসী তোমার সমীপে ?”

এতক কহিয়া দেবী কাঁদিল নীরবে ।

কাঁদিল সরমা সতী তিতি, অশ্রুনীরে ।

হায় সখি—উপরি-উক্ত কথাগুলি বলিতে-বলিতে রামচন্দ্রের  
সে সব কৌতুকমোদ মনে হওয়ায় সীতার শোকোচ্ছ্বাস উদ্বেলিত  
হইয়া উঠিল ;—“হায়” সেই শোক-বাক্যক ।

এ পোড়া অঁখি—এ দগ্ধ চক্ষু । ‘পোড়া’ ছুরদৃষ্ট-বাক্যক ।

এ ছার জনমে—এ ঘণিও জন্ম ; কারণ, এ জন্মে কেবল  
তুঃখভোগ করিতেই আসিয়াছিলাম ।

সে পা ছু'খানি—( প্রাণনাথের ) ।

আশার সরসে রাজীব—প্রাণনাথের সেই পা ছু'খানি আমার  
আশা-সরোবরে বেন পদ্য । রামচন্দ্রের পাদপদ্মই সীতা-হৃদয়ের  
বাঞ্ছিত বস্তু । পক্ষান্তরে, শোভা হেতু পদ্যই সরোবরের আকর্ষিত  
ধন ।

নয়ন-মণি—সেই পা ছু'খানি আমার নয়নানন্দকর ।

কি পাপে পাপী—কি দোষে দোষা, যাহার ফলে, আমি  
প্রাণনাথকে হারাইলাম । “পাপী” স্থলে “পাপিনী” হইলেই  
ব্যাকরণ-সঙ্গত হইত । “কি পাপে পাপিনী দাসী তোমার  
সমীপে ?”—এইরূপ হইলে কোনও দোষ হইত না ।

এতক—এই সকল । তিতি অশ্রুনীরে—নয়ন-জলে ভিজিয়া

কতক্ষণে চক্ষুঃ-জল মুছি' রক্ষাবধু  
সরমা, কহিলা সত্য সত্যার চরণে ;—

“স্মারিলে পূর্বের কথা ব্যথা মনে যদি  
পাও, দৈনি, থাক্ তবে ; কি কাজ স্মরিয়া ?  
হেরি' তব অশ্রু-বারি ইচ্ছি মরিবারে .”

উত্তরিলিলা প্রিয়স্বদা ( কাদম্বা যেমতি  
মধু-স্বরা ! )—“এ অভাগী, হায়, লো সুভগে,  
যদি না কাঁদিবে, তবে কে আর কাঁদিবে  
এ জগতে ? কহি, শুন, পূর্বের কাহিনী ।  
কতক্ষণে—কিছুক্ষণ পরে । মুছি—মুছিয়া ।

কহিলা সত্য সত্যার চরণে—সত্যার পদে নিবেদন করিলেন,  
“চরণে কহিলা” সম্ভ্রম-সূচক ।

কি কাজ স্মরিয়া ?—যখন মনে ব্যথা পাউতেছে, তখন আর  
সে সব কথা স্মরণ করিয়া কাজ নাই ।

হেরি তব অশ্রু-বারি ইচ্ছি মরিবারে—তোমার নয়নে জল  
দেখিলে অর্থাৎ তোমার মনঃকণ্ঠে হইতেছে বুঝিলে মরিতে ইচ্ছা  
হয় । ইচ্ছি মরিবারে—মরিতে ইচ্ছা করি ।

প্রিয়স্বদা—মধুরভাষিণী ( সীতা ) । কাদম্বা—কলহংসী ।

এ অভাগী—ভাগ্যহীনা আমি ।

লো সুভগে—( সরমাকে সম্বোধন ) । “সুভগা” স্বামীর  
সোহাগিনী স্ত্রী ।

যদি না কাঁদিবে ইত্যাদি—অর্থাৎ আমার শ্রায় হুঃখিনী এ  
জগতে আর নাই ।

বরিষার কালে, সখি, প্লাবন-পীড়নে  
 কাতর প্রবাহ ঢালে, তীর অতিক্রমি',  
 বারি-রাশি দুই পাশে ; তেমতি যে মনঃ  
 ছঃখিত, ছঃখের কথা কহে সে অপরে ।  
 তেঁই আমি কহি, তুমি শুন, লো সরমে ।—  
 কে আছে সীতার আর এ অরু-পুরে ?

প্লাবন-পীড়নে—বস্তার ভারে ।

কাতর প্রবাহ—প্রবাহ অর্থাৎ নদী বস্তার অতিরিক্ত জলভার  
 সহিতে না পারিয়া । এখানে এক টীকাকার "গোদাবরী"  
 বৃথিলেন কেন ? সীতা একটা সাধারণ প্রাকৃতিক উপমা  
 দিয়াছেন মাত্র—গোদাবরীর বস্তা-বর্ণনা করিতেছেন না ।

তীর অতিক্রমি—তীর অতিক্রম করিয়া, উপ ছুইয়া । . . .

তেমতি যে মনঃ ছঃখিত—যে মনঃ ছঃখরূপ প্লাবন-পীড়নে  
 কাতর ।

ছঃখের কথা কহে সে অপরে—প্লাবন-পীড়িত প্রবাহ যেমন  
 বারি-রাশি বাহির করিয়া দিয়া নিজের ভার-লাঘব করে,  
 ছঃখভার-পীড়িত মনও তেমনি অপরকে ছঃখ-কাহিনী কহিয়া  
 নিজের হৃদয়ের ছঃখভার-লাঘব করে ।

তেঁই—সেই জগৎ, অর্থাৎ মনের ছঃখভার-লাঘব করিবার  
 নিমিত্ত ।

এ অরু-পুরে—এই শত্রু-পুরীতে ( লঙ্কায় ) ।

“পঞ্চবটী-বনে মোরা গোদাবরা-তটে  
ছিনু সুখে ? হায়, সখি, কেমনে বর্ণিব  
সে কাস্তার-কাস্তি আমি ? সতত স্বপনে  
শুনিতাম বন-বাণা বনদেবী-করে ;

মোরা—( স্বামী-স্ত্রী ) ।

কেমনে বর্ণিব—অর্থাৎ সে শোভা বর্ণনাতীত ।

সে কাস্তার-কাস্তি—সেই ( পঞ্চবটী ) বনের শোভা ।

সতত স্বপনে ইত্যাদি—সেই পঞ্চবটী-বনভূমির প্রাকৃতিক  
সৌন্দর্য্য অনির্বচনীয় ; তাই সীতা ইঙ্গিতে সেই সৌন্দর্য্যের আভাস  
দিতেছেন :—

সেই পঞ্চবটীর শোভা ঘর্ণনা করা আমার অসাধ্য ; তবে  
ইহা হইতেই বুঝ যে, আমি রাত্রিতে নিদ্রাকালে প্রায়ই স্বপ্নে  
বনদেবীর হস্তে বনবীণা-ধ্বনি শুনিতাম । ইহার ভাবার্থ এই যে,  
দিবাভাগে বিহঙ্গ-কাকলী ও মৌ-নির্ব্বারাদির সুমধুর শব্দ-বহকার  
সীতার কানে এমনি লাগিয়া থাকিত যে, রাত্রিতে তান  
স্বপ্নে বন-দেবীর করে বন-বাণার বহকার শুনিতেন ।

অথবা একরূপ অর্থও হইতে পারে যে, পঞ্চবটী বনের নানাবিধ  
মধুর শব্দ-বহকার শুনিয়া সীতার মনে হইত যে, তিনি সর্ব্বদাই (যেন )  
স্বপ্নে বনদেবীর করে বন-বীণার বাদ্য-ধ্বনি শুনিতেন । স্বপ্নের  
বীণা-ধ্বনি বড়ই মধুর । মেঘনাদবধ কাব্যেই আছে—

“বীণাধ্বনি, মনোহর স্বপনে যেমতি” । ( পঞ্চম সর্গ )

বন-বীণা—( বনবীণা-ধ্বনি অর্থে ) ।

( ১ ) সরসীর তীরে বসি', দেখিতাম কভু  
সৌর-কর-রাশি-বেশে সুর-বালা-কেলি  
পদ্মবনে ; কভু সাধ্বী ঋষি-বংশ-বধু,  
সুহাসিনী, আসিতেন দাসীর কুটীরে,  
সুধাংশুর অংশু যেন অন্ধকার ধামে !

সৌর-কর-রাশি-বেশে সুরবালা-কোল পদ্মবনে—সরোবরে এত  
পদ্ম ফুটিয়া থাকত যে, বোধ হইত যেন পদ্মের 'বন'। পবন-  
হিল্লোলে সেহ সকল পদ্ম ঈষৎ আন্দোলিত হইত, এবং তাহার  
উপর সূর্য্যকিরণ খেলিত। এই সকল দেখিয়া সাতার মনে হইত  
যেন দেব-কন্যা সকল সূর্য্যকিরণের বেশে আসিয়া সরসীর পদ্মবনে  
ক্রীড়া করিতেছেন।

ঋষিবংশ-বধু—( সেই পঞ্চবটী-বনবাসিনী ) ঋষিকুলের কুলবধু  
—ঋষিবধু। কুন্তিবাসী রামারণে পঞ্চবটী বাস-বর্ণনায় আছে—

“ঋষিগণ সহিত সর্বদা সহবাস।”

সুহাসিনী—( ঋষিবংশ-বধুর বিশেষণ )। হ্যস্তবদনা অর্থাৎ  
ঋষিবধু হাসিমুখে আসিতেন। 'সুহাসিনী' কোন ঋষিবধুর নাম,  
এ কল্পনার প্রয়োজন নাই। নাম করবার দরকার এখানে দেখা  
যায় না।

দাসীর কুটীরে—এ দাসীর কুটীরে ( সীতার কুটীরে )।

সুধাংশুর অংশু যেন অন্ধকার-ধামে—যখন হ্যস্তবদনা ঋষিবধু

( ১ ) বহুকাল হইতে মুদ্রাকর-প্রমাদে মেঘনাদবধ-কাব্যের অধিকাংশ  
সংস্করণে এই পংক্তিটি বাদ পড়িয়া আসিতেছিল।

অজিন ( রঞ্জিত, আহা, কত শত রঙে ! )  
 পাতি' বসিতাম কভু দীর্ঘ তরুমূলে,  
 সখি-ভাবে সম্ভাষিয়া ছায়ায় । কভু বা  
 কুরঙ্গিনী-সঙ্গে রঙ্গে নাচিতাম বনে ;

আমার কুটীরে আসিতেন, তখন বোধ হইত যেন আঁধার ঘরে বৃষ্টি  
 টাদের কিরণ প্রবেশ করিল । সুধাংগুর অংগুর সহিত সুহাসিনী  
 ঋষিবধুর উপমা । জ্যোৎস্নাই চন্দ্রের হাসি । ঋষিবধু-পক্ষে,  
 “সুহাসিনী” বিশেষণের ইহাই সার্থকতা । ‘অন্ধকার ধামে’ সীতা-  
 পক্ষে বিনয়-ব্যাঞ্জক ।

অজিন—মৃগচর্শ্ব । “অজিনং চর্শ্ব কৃতিঃ”—( অমর ) ।

আহা—সৌন্দর্য্য-ব্যাঞ্জক উক্তি ।

কত শত রঙে—নানাবিধ বর্ণে ।

দীর্ঘ তরু-মূলে—( ছায়া আছে বলিয়া ) বড় গাছের তলায় ।

সখি-ভাবে—“আপনি হীরা সুন্দরী, ভানু-বিলাসিনী, তরুমূলে  
 কুলকল ডালার সাজারে দাঁড়াইলা, সখী-ভাবে বরিতে বামারে ;”  
 ( তিলোত্তমা সম্ভব ) ; ছায়া তাপহারিণী বলিয়া ‘সখী’ ।

রঙ্গে—আনন্দে । কৃতিবাসী রামায়ণে পঞ্চবটীবাস-বর্ণনায়  
 আছে—“করেন কুরঙ্গগণ সহ পরিহাস ।”

নাচিতাম—কুরঙ্গীকে নাচাইবার জন্য নিজেও নৃত্যের অনুকরণ  
 করিতাম,—দেখাদেখি সেও নাচিত । ইহা কুরঙ্গাদি অহিংসক  
 জীবগণের প্রতি সীতার স্নেহ, বাৎসল্যভাব ও একপ্রাণতা-ব্যাঞ্জক ।  
 “উত্তরচরিতম্” নাটকে আছে—



গাইতাম গীত, শুনি'কোকিলের ধ্বনি !  
 নব-লতিকার, সতি, দিতাম বিবাহ  
 তরু-সহ ; চুস্থিতাম, মঞ্জরিত যবে  
 দম্পতী, মঞ্জরীবৃন্দে, আনন্দে সম্ভাষি'  
 নাতিনী বলিয়া সবে ! গুঞ্জরিলে অলি,  
 নাতিনী-জামাই বলি' বরিতাম তারে !

“ত্রিমিষু কৃতপূটাস্তম 'গুলান্ভিচক্ষুঃ  
 প্রচলিতচতুরক্রতাণবৈম গুয়ন্ত্যা ।  
 করকিন্দলয়তালৈমু ক্ষর্য নর্ত্যমানং  
 স্মৃতমিব মনসা ছাং বৎসলেন স্মরামি ॥”

গাইতাম গীত—কোকিলের পঞ্চম-স্বরাস্রক স্তমধুর কুহুধ্বনি  
 শুনিয়া আমিও নিজে গীত গাইতাম । সে স্মৃষ্টি কুহুরবের এমনই  
 মহিমা যে, তাহা শুনিলেই মনে মনে গীত আপনা হইতেই আসিত ।  
 ইহা প্রাকৃতিক-সৌন্দর্যের সহিত সীতার এক-প্রাণতা-ব্যঞ্জক ।

নবলতিকার—যে লতিকার প্রথম পুষ্পোদগম হয় নাই ।  
 ইহাই বিবাহ-যোগ্য সময় ।

দিতাম বিবাহ—তরুর সহিত মিলন করিয়া দিতাম ।

চুস্থিতাম—( মঞ্জরীবৃন্দে ) ।

নাতিনী বলিয়া সবে—মঞ্জরীবৃন্দকে দৌহিত্রী-সম্বন্ধে “নাতিনী”  
 বলিয়া ডাকিয়া তাহাদিগকে চুখন করিতাম ।

গুঞ্জরিলে অলি ইত্যাদি—এবং যখন সেই সকল “নাতিনী”  
 মঞ্জরীবৃন্দের কাছে অলি গুঞ্জরিয়া বেড়াইত, তখন সেই অলিকে  
 “নাতিনী-জামাই” বলিয়া নাতিনীদের বরদে বরণ করিতাম । এ

কভু বা প্রভুর সহ ভ্রমিতাম সুখে  
 নদী-তটে ; দেখিতাম তরল সলিলে  
 নূতন গগন যেন, নব তারাবলী,  
 নব-নিশাকান্ত-কান্তি ! কভু বা উঠিয়া

সকল কথার অন্তর্নিহিত কাব্য-সৌন্দর্য্য এই যে, পঞ্চবটী-বনে  
 নবলতিকা, তরু, মঞ্জরী, আলি এঁইসকল লইয়া সীতা একটি বৃহৎ  
 সংসার পাতাইয়া সুখে ছিলেন। নবলতিকা তাঁহার কন্যা, তরু  
 তাঁহার জামাই, মঞ্জরীরা তাঁহার নাতিনী, এবং অলিকুল তাঁহার  
 নাতিনী-জামাই। সংসারের আর বাকি কি ? মেয়ে, জামাই,  
 নাতিনী ইত্যাদি লইয়া লোকে সংসারে যে সুখভোগ করে, সীতা  
 পঞ্চবটী-বনে তরু, লতা, আলি ইত্যাদি লইয়াই ঠিক সেইরূপ  
 সুখভোগ করিতেন, ইহাই ভাব।

প্রভুর সহ—রামের সহ। তরল সলিলে—স্বচ্ছ জলে।

নূতন গগন যেন ইত্যাদি—আকাশ, নক্ষত্রসকল ও চন্দ্র সেই  
 স্বচ্ছ জলে প্রতিবিম্বিত হইয়া জলমধ্যে নূতন আকাশ, নূতন  
 নক্ষত্রাবলী ও নূতন চন্দ্রের সৃষ্টি করিত। তিলোত্তমা-সম্বন্ধে আছে—

“সে সরোদর্পণে তারা, তারানাথ সহ,  
 সুতরল জলদলে কান্তি রজঃ-তেজে,  
 শোভিল পুলকে—যেন নূতন গগনে।”

“————To look into the clear smooth Lake, that to  
 me seemed another sky” ( Milton's P. L. Bk IV. )

নিশাকান্ত-কান্তি—চন্দ্র-শোভা।

পর্বত-উপরে, সখি, বসিতাম আমি  
 নাথের চরণ-তলে, ব্রতভী যেমতি  
 বিশাল রসাল-মূলে ; কত যে আদরে  
 তুষিতেন প্রভু মোরে বরষি' বচন-  
 সুধা, হায়, ক'ন করে ? ক'ব বা কেমনে ?  
 শুনেছি কৈলাস-পুরে কৈলাস-নিবাসী  
 ব্যোমকেশ, স্বর্ণাসনে বসি' গৌরী-সনে,

নাথের চরণতলে—( রামচন্দ্রের ) পদপ্রান্তে ।

ব্রতভী যেমতি ইত্যাদি—ক্ষুদ্র লতা যেমন প্রকাণ্ড রসাল-  
 মূলে জড়াইয়া থাকে, তেমনি আমি নাথের পদপ্রান্তে বসিতাম ।

রসাল—আম্রবৃক্ষ । “আম্রশৃতে রসালঃ”—( অমর ) ।

আদরে—আদর দ্বারা অর্থাৎ আদর করিয়া ।

হায়—( বিষাদ-ব্যঞ্জক ) :

কব করে ?—কাহাকে বলি অর্থাৎ তুমি ছাড়া সে সব কথা  
 শুনিবে কে ? ( সহানুভূতি-বিশিষ্ট শ্রোতার অভাব-ব্যঞ্জক ) ।

কব বা কেমনে—কেমন করিয়াই বা বলি, অর্থাৎ সে সকল  
 অনির্কচনীয় ।

ব্যোমকেশ—মহাদেব । আকাশব্যাপী কেশে যিনি গঙ্গা  
 ধারণ করিয়াছেন ।

আগম, পুরাণ, বেদ, পঞ্চতন্ত্র কথা  
 পঞ্চমুখে পঞ্চমুখ কহেন উমারে ;  
 শুনিভাম সেইরূপে আমিও, রূপসি,  
 নানা কথা ! এখনও, বিজন বনে,  
 ভাবি আমি, শুনি যেন সে মধুর বাণী !

আগম—বেদাদি শাস্ত্র । মহাদেব তুর্গাকে শাস্ত্রকথা শুনাইতেন ।

“আ’গতং শিব বক্ত্যভ্যো ‘গ’তক-গিরিজাশ্রতো ।

‘ম’তক বাহুদেবস্ত তস্মাদাগমমুচ্যতে ॥”—

আত্ম অক্ষর ‘আ’, ‘গ’, ও ‘ম’ লইয়া ‘আগম’ ।

পুরাণ—সর্গ, প্রতিসর্গ, বংশ, মন্বন্তর ও বংশানুচরিত, এই  
 পঞ্চ-লক্ষণ-বিশিষ্ট ব্যাসাদি মুনি-প্রণীত বহু গ্রন্থবিশেষ ।

বেদ—ধর্ম্য ও ব্রহ্ম প্রতিপাদক শাস্ত্র-গ্রন্থ । ঋক্, যজু, সাম  
 ও অথর্ব এই চারি বেদ ।

পঞ্চতন্ত্র—মহানির্বাণাঙ্কু পঞ্চ তন্ত্র-শাস্ত্র অথবা নীতি-শাস্ত্র-  
 বিশেষ ।

কথা—আগম, পুরাণ, বেদ ও পঞ্চতন্ত্র—এই সব বিষয়ক  
 কথা ।

পঞ্চমুখ—পঞ্চানন ( মহাদেব ) ।

সেইরূপে—( উমার গ্ৰাম ) ।

নানাকথা—নানা শাস্ত্র-কথা ।

বিজন বনে—বিজন অশোক-কাননে ।

ভাবি—“শুনি যেন সে মধুর বাণী,” ইহাই ভাবি ।

শুনি যেন—যেন শুনিতেছি । রামচন্দ্রের সে সব কথা সীতার

সাজ কি দাসীর পক্ষে, হে নিষ্ঠুর বিধি,  
সে সঙ্গীত ?”—নীরবিলা আয়ত-লোচনা  
বিষাদে । কহিলা তবে সরমা সুন্দরী ;—

“শুনিলে তোমার কথা, রাঘব-রমণি,  
ঘৃণা জন্মে রাজ-ভোগে ! ইচ্ছা করে, ত্যজি’  
রাজ্য-সুখ, যাই চলি’ হেন বন-বাসে !  
কিন্তু ভেবে দেখি যদি, ভয় হয় মনে ।

মনে এমনই অঙ্কিত রহিয়াছে যে, এখনও ‘যেন’ তিনি প্রভুর মুখে  
সেই সব কথা শুনিতেছেন !—কথাগুলি যেন এখনও কানে  
বাজিতেছে !

সাজ—যাহা শেষ হইয়াছে, ফুরাইয়াছে, অর্থাৎ সমাপ্ত ।

সে সঙ্গীত—“সে মধুর বাণী ।”

আয়ত-লোচনা—( সীতা ) ।

তবে—তখন অর্থাৎ সীতা নীরব হইলে ।

ঘৃণা জন্মে রাজ-ভোগে—বনবাসের সুখ তুমি ষেরূপ বর্ণনা  
করিলে, তাহা শুনিলে রাজসুখে ঘৃণা হয়, অর্থাৎ রাজভোগের  
সুখ তাহার কাছে অতি তুচ্ছ ও অকিঞ্চিৎকর বলিয়া বোধ হয় ।

রাজ্যসুখ—রাজসুখ । এখানে, রাজারানীর ভোগসুখ ।

হেন বনবাসে—তুমি ষেরূপ বনবাসের বর্ণনা করিলে, সেইরূপ  
বনবাসে ।

ভয় হয় মনে—( তবে ) ।

রবিকর যবে, দেবি, পশে বনস্থলে  
 তমোময়, নিজগুণে আলো করে বনে  
 সে কিরণ ; নিশি যবে যায় কোন দেশে,  
 মলিন-বদন সবে তার সমাগমে !  
 যথা পদার্পণ তুমি কর, মধুমতি,  
 কেন না হইবে সুখা সর্বজন তথা ?—  
 জগত-আনন্দ তুমি, ভুবন-মোহিনী !  
 কহ, দেবি, কি কৌশলে হরিন তোমারে  
 রক্ষঃপতি ? শুনিয়াছে বীণা-ধ্বনি দাসা,

নিশি—( নিশা ) । “নিশা”ই শুদ্ধ । কবি অনেক স্থলেই “নিশা”  
 ব্যবহার করিয়াছেন, কিন্তু এখানে (“Music of the line”)  
 সুরের খাতিরে “নিশি” করিয়াছেন । দীর্ঘ আকারান্ত “নিশা”  
 শব্দের পরেই একারান্ত “ব” শব্দ সুর নষ্ট করিত ।

মলিন-বদন সবে তার সমাগমে—যেখানে নিশা গমন করে,  
 সেইখানে সবই অন্ধকারময় হইয়া উঠে ।

মলিন-বদন—অন্ধকারময় আকৃতি । “বদন” এখানে সমগ্র-  
 আকৃতি-ব্যাঞ্জক । “মলিন”—নিশার মলিনভাগ মলিন—অর্থাৎ  
 অন্ধকারাবৃত ।

মধুমতি—(সীতাকে সঘোষন) । মাধুর্যময়ি । সীতার মাধুর্যে  
 সকলই মধুর হয়, “মধুমতি” সঘোষনের এই সার্থকতা ।

দাসা—( সরমা ) ।

পিকবর-রব নব-পল্লব-মাঝারে  
 সরস মধুর মাসে ; কিন্তু নাহি শুনি  
 হেন মধুমাখা কথা কভু এ জগতে ।  
 দেখ চেয়ে, নীলাঘরে শশী, যার আভা  
 মলিন তোমার রূপে, পিইছেন হাসি'  
 তব বাক্য-সুধা, দেবি, দেব সুধানিধি ।  
 নীরব কোকিল এবে, আর পাখী যত,

পিকবর-রব নবপল্লব-মাঝারে সরস মধুর মাসে—কোকিলের  
 ধ্বনি একেই স্মিষ্ট ; তাহার উপর আবার যখন সে সরস  
 বসন্তকালে নবীন পল্লব মধ্যে বসিয়া পঞ্চমে বাস্তব দেয়, তখন  
 আরও স্মিষ্ট ; দাসী তাহাও শুনিয়াছে ; কিন্তু ইত্যাদি ।

মধুমাখা -- স্মিষ্ট ।

নীলাঘর—নালাকাশে ।

মলিন—তুলনার অপেক্ষাকৃত হীনজ্যোতিঃ । ( সীতার  
 রূপোৎকর্ষ-ব্যঞ্জক ) ।

পিইছেন—পান করিতেছেন । ( 'পা' ধাতুজ 'পিবতি'র হিন্দী  
 অপভ্রংশ হইতে এই ক্রিয়াপদ নিস্পন্ন ) ।

হাসি—আনন্দে হাসিয়া । সীতার বাক্য-সুধাপানের আনন্দই  
 চন্দ্রের হাসির কারণ ।

দেব সুধানিধি—সুধাধার চন্দ্রদেব । চন্দ্র নিজে সুধার আধার  
 হইয়াও সীতার বাক্য-সুধা আনন্দে পান করিতেছেন, ইহাতে

শুনিবারে ও কাহিনী, কহিনু তোমারে ।

এ সবার সাধ, সাধি, মিটাও কহিয়া ।”

কহিলা রাঘব-প্রিয়া ;—“এইরূপে, সখি,

কাটাইনু কতকাল পঞ্চবটী-বনে

সুখে । ননদিনী তব, দুষ্টা শূর্ণগথা,

বিষম জঞ্জাল আসি’ ঘটাইল শেষে !

প্রকারান্তরে ইঙ্গিত করা হইল যে, সীতার বাক্য-সুধা চন্দের সুধা অপেক্ষাও অধিকতর সুমধুর ।

ও কাহিনী—তোমার ( সীতার মুখনিঃসৃত ঐ সকল কথা ।

কহিনু তোমারে—নিশ্চয় বলিতেছি ।

এ সবার সাধ—শুধু আমার সাধ নহে—গগনের চন্দ্র হাম্ভবদনে তোমার কথা শুনিতেছেন, কোকিল নীরব হইয়া তোমার কথা শুনিতেছে—এ সকলের সাধ মিটাও । ইহাতে সরমার আত্যন্তিক আগ্রহ সূচিত ।

সাধি—( সীতাকে সন্বেদন ) । সীতা সাধবী বলিয়াই তাঁহার হরণ-বৃত্তান্ত শুনিতে এত কোতূহল, “সাধি” সন্বেদনের এখানে এই সার্থকতা । অসতীর হরণ-বৃত্তান্তে কোতূহলের বিষয় কিছু থাকিতে পারে না । সতীর হরণই কোতূহলময় ।

কাটাইনু কতকাল—কিছুকাল কাটাইলাম ।

দুষ্টা—ব্যাভিচারিণী ।

শূর্ণগথা—রাবণের ভগিনী । ‘শূর্ণ’ অর্থাৎ কুলার স্তায় ‘নথ’ বাহার । জঞ্জাল—উৎপাত, বিপদ ।

শেষে—পরে অর্থাৎ কিছুকাল পঞ্চবটী বনে বাসের পরে ।



শরমে, সরমা সই, মরি, লো, স্মরিলে  
তার কথা ! ধিক্ তারে ! নারী কুল-কালি !  
চাহিল মারিয়া মোরে বরিতে বাধিনা  
রঘুবরে ! ঘোর রোষে সৌমিত্রী-কেশরী  
খেদাইলা দূরে তারে । আইল ধাইয়া

শরমে—( যাবনিক শব্দ ) লজ্জায় ।

মরি—( শরমে ) মরি অর্থাৎ মৃতপ্রায় হই ।

নারী-কুল-কালি—( বিধবা নারীর পরপুরুষ-বরণ-লালসা হেতু )  
রঘনুকুলের কলঙ্ক ।

বাধিনা—বাধিনী-সদৃশী হিংসক । কৃষ্ণিবাসী রামায়ণে  
শূৰ্পণখার উক্তি—

“পুনর্বার আইলাম রাম ভব পাশে ।  
ঘুচাইব ব্যাঘাত সীতারে গিলি গ্রাসে ॥  
বদন মেলিয়া যায় সীতা গিলিবারে ।  
জাসেতে বিকল সীতা রাক্ষসীর ডরে ॥”

ঘোর রোষে—বিষম রাগে, বিষম কুপিত হইয়া ।

আইল ধাইয়া রাক্ষস—ত্রিণিরা, খর, দুষণ এবং অগ্ন্যস্ত  
সেনাপতিগণ । খর ও দুষণ শূৰ্পণখার নাসিকাচ্ছেদন-ব্যাপার  
শুনিয়া রামকে মারিবার জন্ত প্রথমে রাক্ষস-সেনাপতি-সহ  
রাক্ষস-সৈন্য পাঠাইয়াছিল, পরে রামহস্তে তাহারা নিধন  
প্রাপ্ত হইলে, নিজেরাও রামের সহিত যুদ্ধে প্রাণত্যাগ করে ।

রাক্ষস, তুমুল রণ বাজিল কাননে ।  
 সতয়ে পশিনু আমি কুটীর-মাঝারে ।  
 কোদণ্ড-টঙ্কারে, সখি, কত যে কাঁদিবু,  
 ক'ব কারে ? মুদি' আঁখি, কুতাঞ্জলি-পুটে  
 ডাকিনু দেবতা-কুলে রক্ষিতে রাখবে ।  
 আর্তনাদ, সিংহনাদ উঠিল গগনে !  
 অজ্ঞান হইয়া আমি পড়িনু ভূতলে ।

“কত ক্ষণ এ দশায় ছিনু যে, স্বজনি,

তুমুল রণ বাজিল—ঘোরতর যুদ্ধ আরম্ভ হইল ।

বাজিল—বাজিয়া উঠিল, আরম্ভ হইল ।

কুটীর মাঝারে—কুটীরের ভিতর ।

কোদণ্ডটঙ্কারে কাঁদিবু—কোদণ্ডের টঙ্কারধ্বনি শুনিয়া ( প্রভুর  
 ক্রম আশঙ্কায় ) কাঁদিলাম ।

মুদি আঁখি, কুতাঞ্জলিপুটে—( যেভাবে দেবতাকে ডাকিতে হয় )।

ডাকিনু দেবতাকুলে রক্ষিতে রাখবে—“হে দেবতাকুল,  
 রাখকে রক্ষা কর” এট মনস্বাধনা. দেবতাদিগের পদে নিবেদন  
 করিলাম ।

আর্তনাদ, সিংহনাদ—রণক্ষেত্রে আহত রাক্ষসাদির ‘আর্তনাদ’  
 ও আক্রমণকারী রাক্ষসগণের ‘সিংহনাদ’ ।

অজ্ঞান হইয়া আমি—( ভয়ে ) ।

এ দশায়—অজ্ঞান অবস্থায় ।

নাহি জানি ; জাগাইয়া পরশি দাসীরে  
 রঘুশ্রেষ্ঠ । মৃদু স্বরে, ( হায় লো, যেমতি  
 স্বনে মন্দ সমীরণ কুসুম-কাননে  
 বসন্তে ! ) কহিলা কান্ত,—‘উঠ, প্রাণেশ্বর,  
 রঘুনন্দনের ধন ! রঘু-রাজ-গৃহ-  
 আনন্দ ! এই কি শয্যা সাজে, হে, তোমারে,  
 হেমাঙ্গি ?’—সরমা সখি, আর কি শুনিব  
 সে মধুর ধ্বনি আমি ?’—সহসা পড়িল  
 মূচ্ছিত হইয়া সতী ; ধরিল সরমা !  
 যথা যবে ঘোর বনে নিষাদ, শুনিয়া  
 পাখীর ললিত গীত বৃক্ষ-শাখে, হানে

স্বজনি—( সরমাকে সম্বোধন ) । হে আশ্রীয়ে ! ‘স্বজন’  
 আপন-জন ; জ্ঞালিছে ‘স্বজনী’ ;—সম্বোধকনে ‘স্বজনি ।  
 ধন—( প্রেম-ব্যঞ্জক সম্বোধন ) । মূল্যবান্ পদার্থ ।  
 হেমাঙ্গি—( সীতাকে সম্বোধন ) । হে স্বর্ণবর্ণাঙ্গি !  
 সহসা পড়িল ইত্যাদি—“আর কি শুনিব সে ধ্বনি আমি ?”  
 —এই বলিয়া সাতা হঠাৎ মূচ্ছিত হইয়া পড়িলেন ।  
 নিষাদ—ব্যাধ ।  
 ললিত গীত—কোমল, মধুর, মনোজ্ঞ গীত-ধ্বনি ।

স্বর লক্ষ্য করি' শর, বিষম আঘাতে  
ছট্‌ফটি' পড়ে ভূমে বিহঙ্গী, তেমতি  
সহসা পড়িলা সতী সরমার কোলে !

কত ক্ষণে চেতন পাইলা সুলোচনা ।  
কহিলা সরমা কাঁদি' ;—“কম দোষ মম,  
মৈথিলি ! এ ক্লেশ আজি দিনু অকারণে,

স্বর লক্ষ্য করি—গীত-ধ্বনি অনুসরণ করিয়া, অর্থাৎ যেস্থান  
হইতে গীতধ্বনি আসিতেছে, সেই স্থান লক্ষ্য করিয়া ।

শর—বাণ ( হানে ) । বিষম আঘাতে—বাণাহত হইয়া ।

তেমতি সহসা পড়িলা সতী সরমার কোলে—পাখী বৃক্ষশাখায়  
বসিয়া সুমধুর গান করিতেছে, এমন সময়ে অদৃশ্য বাধ  
কর্তৃক বাণাহত হইলে, সে যেমন সহসা যন্ত্রণায় ছট্‌ফট্‌ করিতে-  
করিতে ভূমিতলে পড়ে, সীতাও তেমনি সরমার কোলে  
পড়িলেন অর্থাৎ সুমধুর পঞ্চবটী-বনবাস কথা বলিতেছিলেন,  
এমন সময়ে অকস্মাৎ বিরহ-বাধ কর্তৃক শোকবাণাহত হইয়া  
যন্ত্রণায় সকাতরে সরমার কোলে পড়িলেন । ( বিরহ-শোক  
মানসিক ব্যাপার ; সুতরাং অদৃশ্য বাণাহত হওয়ার সহিত  
সুন্দর উপমিত হইয়াছে ) ।

সুলোচনা—( সীতা ) ।

কাঁদি—( সরমা নিজের দোষ বুঝিয়া ) কাঁদিয়া ।

অকারণে—বুধা, অপ্রয়োজনে ।

হায়, জ্ঞানহীন আমি!” উত্তর করিলা  
 যুধু স্বরে শূকেশিনী রাঘব-বাসনা ;—  
 “কি দোষ তোমার, সখি ? শুন মনঃ দিয়া,  
 কহি পুনঃ পূর্ব-কথা । মারীচ কি ছলে  
 ( মরুভূমে মরীচিকা ছলয়ে যেমতি ! )

জ্ঞানহীন আমি—নির্বোধ আমি । এ সব কথা বলিতে গেলে  
 যে সীতার মনে কষ্ট হবে, ইহা না বুঝায় ‘জ্ঞানহীন’ ।

কি দোষ তোমার, সখি—রাম-বিচ্ছেদে যখন সর্বদাটো আমার  
 হৃদয় কাতর, তখন ইহাতে আর তোমার দোষ কি ?

মারীচ—তাড়কা-পুত্র, পঞ্চবটীবনবাসী রাক্ষস, মারীচ প্রথমে  
 রাবণকে সাতাহরণরূপ ঘোর দুষ্কর্ম হইতে প্রতিনিবৃত্ত করিতে  
 চেষ্টা করিয়াছিল ; কিন্তু কৃতকার্য হয় নাই । পরে, দুষ্ট রাবণ  
 কতৃক আদিষ্ট হইয়া মায়ী-মৃগের কপ ধারণ করিতে বাধ্য  
 হইয়াছিল । ( রামায়ণে অরণ্যকাণ্ডে দেখ ) ।

কি ছলে—কি মায়ী দ্বারা । মায়ী বা ছলনা ভিন্ন সীতাকে  
 হরণ করা অসাধ্য ) ।

মরুভূমে—তৃণ-জলাদিহীন বালুকাময় স্থানে ।

মরীচিকা—মৃগতৃষ্ণা, জলভ্রান্তি । উত্তপ্ত বালুকাসংলগ্ন বায়ুস্তরে  
 আলোক-কিরণের বক্রগতি-জনিত ভ্রান্ত দৃশ্য, যদ্বারা এইরূপ  
 দেখায় যেন অদূরে জল রহিয়াছে । পিপাসু মৃগ-সকল এই  
 ভ্রান্ত দৃশ্যের বশবর্তী হইয়া জলের আশায় সেই দিকে বৃথা ধাবমান  
 হয় । এইরূপ অনবরত ইতস্ততঃ ভ্রান্তদৃশ্যাভিমুখে ধাবমান

ছলিল, শুনেছ তুমি শূর্ণগথা-মুখে ।  
হায় লে', কুলগ্নে, সগ্নি, মগ্ন লোভ-মদে,

হইতে হইতে শেষে পরিশ্রমে ও পিপাসার ক্লান্ত হইয়া প্রাণ  
ত্যাগ করে । ইহারই নাম 'মরীচিকা' ।

সীতা বলিতেছেন যে, মরুভূমে মরীচিকা যেমন জলভ্রান্তি  
জন্মাইয়া মৃগদিগকে বিপদে ফেলে, মরীচ তেমন স্বর্ণমৃগরূপী  
মায়া দ্বারা আমার ভ্রান্তি জন্মাইয়া অবশেষে আমাকে বিপদে  
ফেলিল । অবোধ মৃগ যেমন মরীচিকার ছলনা ভেদ করিতে  
অসমর্থ, সরলমতি সীতাও তেমন রাক্ষসের রাক্ষসী মায়া ভেদে  
অসমর্থী ;—মৃগের স্ত্রিত সীতার উহ উপমার ইহাই সার্থকতা ।

ছলয়ে—প্রবঞ্চনা করে ।

ছলিল—(মরীচ) ছলনা করিল অর্থাৎ মায়ারূপী মনোমুগ্ধকারী  
স্বর্ণ-মৃগাকার ধারণ করিয়া আমার মনে বাস্তব-মৃগভ্রান্তি জন্মাইল ।  
অবোধ মৃগ যেমন মরীচিকার ছলনা ভেদ করিতে পারে না,  
আমিও তেমন মরীচের সে ছলনা ভেদ করিতে পারিলাম না ।

শুনেছ—(সীতা ভাবিতে পারেন যে, সরমা নিশ্চয়ই ইহা  
শূর্ণগথার মুখে শুনিয়া থাকিবেন) ।

কুলগ্নে—কুলগ্নে । কারণ, পরিণামে রামবিচ্ছেদরূপ বিষময়  
ফল ফলিয়াছে ।

মগ্ন লোভ-মদে—মৃগলোভে দিগ্বিদিক্ জ্ঞানশূন্য হইয়া, সেই  
বিচিত্র মায়া-মৃগের লোভে ডুবিলাম ; সুতরাং অত্র চিন্তা, আশঙ্কা  
বা সন্দেহ, কিছুই মনে উদ্ভিত হয় নাই ; শুধু ঐ মৃগপ্রাপ্তির

মাগিনু কুরঙ্গে আমি ! ধনুর্বাণ ধরি',  
 বাহিরিলা রঘুপতি, দেবর লক্ষ্মণে  
 রক্ষা-হেতু রাখি ঘরে । বিদ্যুত-আকৃতি  
 পলাইল মায়া-মৃগ, কানন উজ্জলি' ;  
 বারণারি-গতি নাথ ধাইলা পশ্চাতে ;—  
 হারানু নয়ন-তারা আমি অভাগিনী !

কামনাই তখন হৃদয়কে সম্পূর্ণ অধিকার করিয়া রাখিয়াছিল ;—  
 “মগ্ন” বলিবার ইহাই তাৎপর্য্য ।

মাগিনু কুরঙ্গে আমি—( স্বর্ণ-বর্ণ বিচিত্র চন্দ্ৰের জন্ত ) মৃগকে  
 চাহিলাম ।

রক্ষা-হেতু—( আমাকে ) রক্ষা করিবার জন্ত ।

বিদ্যুত-আকৃতি—বিদ্যুতের মত ছুটিয়া পলাইল । ‘স্বর্ণমৃগ’  
 রূপে ও গতিতে, উভয়তঃই বিদ্যুতের মত ।

মায়া-মৃগ—অপ্রকৃতরূপ-ধারী মৃগ অর্থাৎ প্রকৃত মৃগ নহে, অথচ  
 মৃগরূপধারী ।

কানন উজ্জলি—( মৃগের স্বর্ণবর্ণ-রূপ-ব্যঞ্জক ) ।

বারণারি গতি—সিংহগতি । মৃগের পশ্চাতে যেমন সিংহ  
 ধাবমান হয়, প্রভুও তেমনি সিংহগতিতে সেই মায়ামৃগের পশ্চাতে  
 ধাবমান হইলেন ।

হারানু নয়ন-তারা আমি অভাগিনী—সেই যে নয়নানন্দ ( রাম )  
 মৃগের পশ্চাতে চলিয়া গেলেন, তারপর আর তাঁহাকে দেখি নাই  
 —সেই অবধি তাঁহাকে হারাইয়াছি ।

“সহসা শুনিবু, সখি, আর্তনাদ দূরে—

‘কোথা, রে লক্ষণ ভাই, এ বিপত্তি-কালে ?—

মরি আমি !’—চমকিলা সৌমিত্রি-কেশরী !

চমকি’ ধরিয়া হাত, করিবু মিনতি ;—

‘যাও বীর ; বায়ুগতি পশ এ কাননে ;

দেখ, কে ডাকিছে তোমা’ ? কাঁদিয়া উঠিল,

সহসা - প্রভু মৃগেব পশ্চাতে ধাবমান হইবার পরে হঠাৎ ।

আর্তনাদ—কাতর ধ্বনি অর্থাৎ কাতরতা-ব্যঞ্জক শব্দ ।

কোথারে লক্ষণ ভাই, ইত্যাদি—( এই আর্তনাদ ) ।

চমকিলা সৌমিত্রি-কেশরী—একটা মৃগ মারিতে গিয়া রাম  
এরূপ বিপদাপন্ন হইবেন এবং কাতরস্বরে ঐরূপ চীৎকার করিবেন,  
ইহা লক্ষণ কখন মনেও করেন নাই ; অথচ আর্তনাদ যেন রামেরই !  
সেইজন্য ঐরূপ আর্তনাদ শুনিয়া লক্ষণ চমকিয়া উঠিলেন ।

চমকি—সীতাও রাঙ্কু ! আর্তনাদে, আশঙ্কার চমকিতা হইয়া ।

ধরিয়া হাত—লক্ষণের হাত ধরিয়া । ‘হাত ধরিয়া’ অনুরোধ  
করিলে সবিশেষ অনুরোধ বুঝায় ।

মিনতি—অনুরোধ ।

বায়ুগতি—বায়ুর দ্রুতগতি । পশ—প্রবেশ কর ।

দেখ, কে ডাকিছে তোমা—বদিও বীর রামচন্দ্রের পক্ষে  
এরূপ সহজ কর্মে বিপদাপন্ন হওয়ার সম্ভাবনা নাই, তবু ঐ  
আর্তনাদ শুনিয়া বোধ হইতেছে, বুঝি-বা তিনিই বিপদে পড়িয়া  
তোমাকে ডাকিতেছেন ।

কাঁদিয়া উঠিল—( প্রাণ ) ।



শুনি এ নিনাদ, শ্রাণ ! যাও ত্বরা করি'—

বুঝি রঘুনাথ তোমা' ডাকিছেন, রথি' !

“কহিলা সৌমিত্রি ;—‘দেবি, কেমনে পালিব  
আজ্ঞা তব ? একাকিনী কেমনে রহিবে  
এ বিজন বনে তুমি ? কত যে মায়াবী  
রাক্ষস ভ্রমিছে হেথা, কে পারে কহিতে ?  
কাহারে ডরাও তুমি ? কে পারে হিংসিতে

এ নিনাদ—এ আর্ভনাদ—“কোথারে লক্ষণ ভাই” ইত্যাদি ।

বুঝি—বোধ হইতেছে যেন ।

তোমা ডাকিছেন, রথি—হে রথি, অর্থাৎ বীরবর লক্ষণ !

বুঝি রঘুনাথ বিপদে পড়িয়া সাহায্যাথ তোমাকে ডাকিতেছেন ।

“রথি” সম্বোধন বীরত্ব-ব্যঞ্জক ।

কেমনে পালিব আজ্ঞা তব—কুটীর ছাড়িয়া দূরবনে বাইতে  
আপনি যে আজ্ঞা দিলেন, তাহা কিরূপে পালন করিব ? সীতাকে  
কুটীরে একাকিনী রাখিয়া যাওয়ার অযৌক্তিকতাই আজ্ঞাপালনের  
প্রতিবন্ধক ।

একাকিনী কেমনে রহিবে—(সীতার পক্ষে এই রাক্ষস-সমাকুল  
বিজন বনে ‘একাকিনী’ কুটীরে থাকার অযৌক্তিকতা হেতু) ।

কত যে মায়াবী রাক্ষস ভ্রমিছে হেথা—( একাকিনী থাকিলে  
সীতার পক্ষে বিপদের কারণ কথিত হইতেছে ) ।

ভ্রমিছে—ভ্রমিতেছে ।

কাহারে ডরাও তুমি—( রাম-সম্বন্ধে ) কাহাকে ভয় কর ?

রঘুবংশ-অবতংসে এ তিন ভুবনে,  
ভৃগুরাম-গুরু বলে ?—আবার শুনিমু

অর্থাৎ রামকে বিপদে ফেলিতে পারে, এমন কাহাকে ভয় কর ?

এরূপ শক্তিমান কেহই নাই যে, রামকে বিপদে ফেলিতে পারে,  
এই ভাব ।

হিংসিতে—হিংসা করিতে, মারিতে ।

রঘুবংশ-অবতংসে—রঘুকুলানকার রামকে । অলঙ্কার দ্বারা  
যেমন দেহ শোভা পায়, রঘুবংশও তেমনি বীর-রামের দ্বারা শোভা  
পাইয়াছে । ‘অবতংস’ শ্রেষ্ঠতা-ব্যাঙ্গক । রঘুবংশে অনেক বীর  
জন্মিয়াছেন ; রাম আবার সকলের অপেক্ষা শ্রেষ্ঠ, সুতরাং সে  
রামকে হিংসা করে, কার সাধ্য ?

ভৃগুরাম-গুরু বলে—রামচন্দ্র, যিনি ভূজবলে ভৃগুরামেরও  
গুরু । বিবাহের পরে কিরিয়া আসিবার সময়ে, পথে ভৃগুরামের  
সহিত রামচন্দ্রাদির দেখা হয় । তাহাতে ভৃগুরাম রামের বল  
পরীক্ষার জন্ত রামকে তাঁহার নিজের ধনুক দিয়া তাহাতে গুণ  
দিতে বলেন । রাম অসাধারণ বীরত্ব দেখাইয়া সেই ধনুকে  
অগ্নানবদনে গুণ দিয়া ভৃগুরামকে চমকিত করিলেন । তখন  
ভৃগুরাম নিজের হীনতা স্বীকার করিয়া রামকে অসাধারণ বীরজ্ঞানে  
তাঁহার স্তবস্তুতি করিয়া চলিয়া গেলেন । স্তবস্তুতি করা গুরুর স্তায়  
সম্মান-ব্যাঙ্গক বলিয়া রাম “ভৃগুরাম-গুরু ।”

“শ্রীরামের স্তুতি করি শ্রীপরশুরাম ।

তপস্তা করিতে যুনি যান নিজ ধার ॥”—( কৃত্তিবাস ) ।

আবার শুনিমু আর্জুনাদ—লক্ষ্মণ যখন সীতাকে অভয় ও

আর্তনাদ ;—‘মরি আমি ! এ বিপত্তি কালে ;  
কোথা, রে লক্ষ্মণ ভাই ! কোথায় জানকি ?’—  
ধৈর্য ধরিতে আর নারিনু, স্বজনি !  
ছাড়ি’ লক্ষ্মণের হাত, কহিনু কুক্ষণে ;—  
‘সুমিত্রা শ্বশুরী মোর বড় দয়াবতী ;  
কে বলে ধরিয়াছিল গর্ভে তিনি তোরে,

আখ্যায়িকাতেছেন, এমন সময়ে আবার সেইরূপ আর্তনাদ হইল ।  
রামায়ণে একবারই ঐরূপ আর্তনাদ আছে । এখানে দুইবার  
আর্তনাদ কাব্যংশে ভাগই হইয়াছে ।

ধৈর্য ধরিতে আর নারিনু—যখন দ্বিতীয়বার এইরূপ আর্তনাদ  
শুনিলাম, তখন কিছুতেই ধৈর্য্য ধরিতে পারিলাম না ।

ছাড়ি লক্ষ্মণের হাত—লক্ষ্মণকে শীঘ্র বনমধ্যে গমনের জন্য  
অনুরোধ করিতে সীতা লক্ষ্মণের হাত ধরিয়াছিলেন—“চমকি ধরিয়া  
হাত, করিনু মিনতি” । এখন লক্ষ্মণের উপর ক্রোধে সীতা লক্ষ্মণের  
হাত ছাড়িয়া দিলেন ।

কহিনু কুক্ষণে—সীতা লক্ষ্মণকে এইরূপ তীব্র তিরস্কার  
করাতেই লক্ষ্মণ তাঁহাকে একাকিনী রাখিয়া যাইতে বাধ্য  
হইয়াছিলেন এবং তাহারই ফলে সীতাহরণ-ব্যাপার ঘটয়াছিল ;—  
তাই ‘কুক্ষণে’ ।

কে বলে ইত্যাদি—সুমিত্রার ভায় এমন দয়াবতী জননীর গর্ভে  
তোমার মত নিষ্ঠুর সন্তানের জন্ম হইয়াছিল, এ কথা কে বলে ?

নিষ্ঠুর ? পাষণ দিয়া গড়িলা বিধাতা  
হিয়া তোর ! ঘোর বনে নির্দয় বাঘিনী

অর্থাৎ ইহা সহজে বিশ্বাস হয় না। কারণ, দয়াবতী জননার গর্ভে  
কি এমন নির্দয় সন্তানের জন্ম হয় ?

নিষ্ঠুর—( লক্ষণকে সম্বোধন )। তুই এমনি নিষ্ঠুর যে, তুই  
সুমিত্রার মত দয়াবতী জননার গর্ভে জন্মগ্রহণ করিস, ইহা কিছুতেই  
বিশ্বাস হয় না।

পাষণ—( কাঠিন্য-ব্যাঞ্জক )।

ঘোর বনে নির্দয় বাঘিনী হত্যা—তোর একুপ নির্দয় হৃদয়  
দেখিয়া আজ আমি বুঝলাম যে, তুই মানবীর গর্ভে জন্মগ্রহণ করিস  
নাই, কোন মানবী কর্তৃক পালিতও হইস নাই ;—তাহলে এত  
নির্দয় হইতিস না। নিশ্চয়ই ঘোর-বনবাসিনী কোন বাঘিনী  
তোকে জন্ম দিয়াছে ও পালন করিয়াছে ;—তাই তুই বাঘের মত  
নির্দয়।

বীরাসনা-কাব্যে ভাঙ্কুমতা-পত্রিকার ভীম-সম্বন্ধে আছে—

———ব্যাভ্রী বুঝি দিল

হৃৎ হৃষ্টে ; নর-নারী-স্তনহৃৎ কভু

পালে কি, কহ, হে নাথ ! হেন নর-বনে ?”

ইতালীয় কবি ত্যাসোর কাব্যে আছে—

“——and wild wolves that rave

On the chill crags of some rude Appinine

Gave his youth suck——”

( *Jerusalem Recovered, Canto IV.* )

জন্ম দিয়া পালে তোরে, বৃষিভু, দুর্শ্বতি !  
 রে ভীক, রে বীর-কুল-গ্নানি, যাব আমি,  
 দেখিব করুণ-স্বরে কে স্বরে আমারে

ইতালীয় কবি ভার্জিলের "Æneid"-কাব্যেও দেখা যায়—

"Not sprung from noble blood nor goddess-born  
 But hewn from hardened entrails of a rock,  
 And rough Hyrcanian tigers gave thee suck."

দুর্শ্বতি—( লক্ষ্মণকে সম্বোধন )। রে কুমতিশালি ! কোন  
 ছুটে অভিপ্রায় লক্ষ্মণের মনে থাকতে পারে, 'দুর্শ্বতি' সম্বোধনে  
 ইহারই ইঙ্গিত ।

রে ভীক ইত্যাদি—ইহা লক্ষ্মণের মত বীরের প্রতি বড়ই  
 তাঁর অবমাননা-সূচক গালি ।

যাব আমি—( ইহাতে লক্ষ্মণের প্রতি তীব্রোক্তি তীব্রতর  
 হইয়াছে )। সতাই রাম বিপদগ্রস্ত কি না, দেখিতে  
 আমিই যাইব ; আর তুমি, পুরুষ হইয়াও কাপুরুষের মত  
 কুটীরভাঙুরে বসিয়া থাক, ইহাই ভাব। সীতা "যাব আমি"  
 বলায় লক্ষ্মণ যাইতে বাধ্য হইয়াছিলেন ; উপায়ান্তর ছিল না।  
 নতুবা সীতাই যাইতেন। এই কোশলে কবি, রামায়ণের মত  
 সীতার মুখে অকথা কথার প্রয়োগ না করিয়াও লক্ষ্মণকে  
 যাইতে বাধ্য করিয়াছেন ।

করুণ-স্বরে—( বিপদ-বাজক ) কাতর-স্বরে ।

কে স্বরে আমারে—"কোথার জানকি" বলিয়া কে আমার  
 নাম লইতেছে ( দেখিব ) অর্থাৎ রামই সত্য সত্য আর্জুনাদ

দূর বনে ?—ক্রোধ-ভরে, আরক্ত-নয়নে  
বীরমণি, ধরি' ধনুঃ, বাঁধিয়া নিমিষে  
পৃষ্ঠে তুণ, মোর পানে চাহিয়া কহিলা ;—  
'মাতৃ-সম মানি তোমা', জনক-নন্দিনি,  
মাতৃ-সম ! তেঁই সহি এ বৃথা গঞ্জনা !

করিতেছেন, কি, উহা কোন মায়াবী রাক্ষসের মায়া মাত্র,  
তাহা আমি নিজেই বনমধ্যে গিয়া দেখিব ।

ক্রোধ-ভরে, আরক্ত নয়নে—( 'চাহিয়া' ক্রিয়ার বিশেষণ । )

ঈষৎ রক্তবর্ণ চক্ষু ক্রোধ-বাক্যক ।

নিমিষে—চক্ষুর পলক পড়িতে যতটুকু সময় লাগে, সেই  
সময়ের মধ্যে অর্থাৎ তৎক্ষণাৎ ।

মাতৃ সম—জ্যেষ্ঠভ্রাতা পিতৃতুল্য ; সূতরাং তদীয় পত্নী মাতার  
ন্যায় মাননীয় । ইহাই সাধারণ নিয়ম । লক্ষ্মণ জ্যেষ্ঠভ্রাতা রামকে পিতা  
অপেক্ষাও অধিকতর ভক্তি করিতেন—এমন কি, রামকে দেবতা-জ্ঞানে  
ঠাহার চরণ-সেবা করিতেন । সূতরাং লক্ষ্মণের মনে সীতাদেবী—  
প্রকৃতই মাতৃস্বরূপা ছিলেন । তা ছাড়া, বনগমন-কালে লক্ষ্মণের প্রতি  
সুমিত্রা-জননীও সর্বিশেষ অনুজ্ঞাও ছিল ;—বান্দীকি রামায়ণে দেখ—

“রামঃ দশরথঃ বিদ্ধি মাং বিদ্ধি জনকান্নজাম ।

অবোধ্যামটবীং বিদ্ধি গচ্ছ তাত বধাহুধম্ ।”

মানি—মাগ্ন করি ।

তেঁই সহি—সেইজন্য ( কোন উত্তর বা প্রতিবাদ না করিয়া )

সহ করি ।

এ বৃথা গঞ্জনা—এ অনর্থক গালি । “বৃথা” অহেতুকত্ব-বাক্যক ।

যাই আমি ; গৃহ-মধ্যে থাক সাবধানে ।  
কে জানে কি ঘটে আজি ? নহে দোষ মম ;  
তোমার আদেশে আমি ছাড়িঁনু তোমারে ।’  
এতেক কহিয়া শূর পশিলা কাননে ।

“কত যে ভাবিঁনু আমি বসিয়া বিরলে,  
প্রিয়সখি, কহিব তা’ কি আর তোমারে ?  
বাড়িতে লাগিল বেলা ; আহ্লাদে নিনাদি,  
কুরঙ্গ, বিহঙ্গ-আদি মৃগ-শিশু যত,  
সদাব্রত-ফলাহারী, করভ, করভী

কি ঘটে—কি বিপদ ঘটে ।

কত যে ভাবিঁনু—রানের জন্ত ভাবনা ত ছিলই, তাহার  
উপর আবার লক্ষণ যখন, “কে জানে কি ঘটে আজি ?”  
ইত্যাদি ভয়ের ইঙ্গিত করিয়া চলিয়া গেলেন, তখন নানারূপ  
ছর্ভাবনা হইতে লাগিল ।

বিরলে—একা ।

আহ্লাদে নিনাদি—( আহাৱাদি পাইবার আশায় ) আনন্দ-  
ধ্বনি করিতে করিতে । ( সুন্দর স্বভাবোক্তি ) ।

বিহঙ্গ-আদি মৃগ-শিশু যত—পক্ষী এবং নানাবিধ পশু শিশু ।  
এখানে মৃগ অর্থে সাধারণ পশু ।

সদাব্রত-ফলাহারী—এই সকল পশুপক্ষীদিগের জন্ত সীতা  
ফলের সদাব্রত করিয়াছিলেন অর্থাৎ প্রতিদিন উহার আসিলে

আসি' উত্তরিল সবে । তা' সবার মাঝে  
চমকি' দেখিনু যোগী, বৈশ্বানর-সম  
তেজস্বী, বিভূতি অঙ্গে, কমণ্ডলু করে,  
শিরে জটা । হায়, সখি, জানিতাম যদি

সীতা ফল দিতেন এবং উহারা তাহা খাটত ;—ইহাই 'সদাব্রত' ।  
নিত্যদত্ত-ফলহারী ।

আসি উত্তরিল সবে—অন্যান্য দিনের ন্যায় আজও পশু, পক্ষী  
আদি অতিথি সকল কুটারের দ্বারে আহ্বারার্থ আসিয়া উপস্থিত  
হইল । পূর্বে আছে—

“অতিথি আসিত নিতা করত, করভা,  
মৃগ-শিশু, বিহঙ্গম ।”

তা সবার মাঝে—সেই পশুপক্ষী, কুরঙ্গ, করভ, করভীর মধ্যে  
চমক—সীতা কোন দিন কোন যোগীকে এরূপ অতিথি-বেশে  
আসিতে দেখেন নাই ; আজি হঠাৎ দেখিলেন, ইহাই চমকিত  
হইবার কারণ ।

বৈশ্বানর সম তেজস্বী—অগ্নির ন্যায় দীপ্তিশালী ।

বিভূতি অঙ্গে—ভঙ্গাচ্ছাদিত কলেংর ।

কমণ্ডলু—সন্ন্যাসী-ব্যবহৃত মৃন্ময় বা কাষ্ঠময় জলপাত্র বিশেষ ।

জটা—( জট শব্দ—জট = একত্র জড় হওয়া ) । সংহত  
কেশ । 'বিভূতি অঙ্গে', 'কমণ্ডলু করে', 'শিরে জটা',—এই তিনই  
সন্ন্যাস-পরিচায়ক ।

হায়—যে বিষম ভ্রমের জন্য উপস্থিত এই তর্দশা ঘটিয়াছে,  
সেই ভ্রমের নিমিত্ত আক্ষেপ-ব্যঞ্জক ।



~~ফুল~~ ফুল-রাশি মাঝে দুই কাল-সর্প-বেশে,  
বিমল সলিলে বিষ, তা' হ'লে কি কভু  
ভূমে লুটাইয়া শিরঃ নমিতাম তারে ?

জানিতাম যদি ফুল-রাশি মাঝে ইত্যাদি—চুপে

দুরাচার ) ফুলরাশি-আনৃত কাল-সর্প-সদৃশ, ইহা যদি জানিতাম ।  
বিভূতি অঙ্গে, কমণ্ডলু করে, শিবে জটা, যোগি-বেশধারী  
চুপে কামুক রাবণ, যেন ফুল-রাশির মধ্যে কাল-সর্প । যোগি-বেশ  
এখানে ফুল-স্বরূপ এবং সেট যোগি-বেশের মধ্যে কামুক  
রাবণ, যেন কাল-সর্প । যোগি-বেশ অর্থাৎ অঙ্গে বিভূতি, করে  
কমণ্ডলু, শিরে জটা, এ সকলের ঞ্চয় ফুলও পবিত্রতা-বাঞ্ছক ।  
আর, চুপে পাপাচারী রাবণ কাম-বিষে সতী নারীর পক্ষে বিষাকর  
কালসর্প-সদৃশ ।

পূর্বতন এক টীকাকার বাখ্যা করিয়াছেন এইরূপ—“মৃগ-  
শিঙ, করভ, করভা, এ সকল ফুল-স্বরূপ । সদাব্রত-ফলাহারী  
জন্তুদের মধ্যে রাবণ কালসর্পবেশে প্রবেশ করিয়াছে ।” এ  
বাখ্যা সঙ্গত নহে ।

বিমল সলিলে বিষ—যোগি বেশে, পাপাচারী, বিমল জলে  
বিষ-স্বরূপ । পবিত্রতা-বাঞ্ছক যোগি বেশ—‘বিমল সলিল’ এবং  
তাহার ভিতরে কু-অভিপ্রায়—‘বিষ’ ।

তা হলে—যদি জানিতাম যে, বিভূতি অঙ্গে, কমণ্ডলু করে,  
জটাধারী, ফুলরাশি-মাঝে কালসর্প, বিমল সলিলে বিষ অর্থাৎ  
যোগি-বেশে কামুক, তা হলে কি তাহাকে যোগিব্রমে প্রণাম  
করিতাম ?

“কহিল মায়াবী ;—‘ভিক্ষা দেহ, রঘুবধু,  
( অন্নদা এ বনে তুমি ! ) ক্ষুধার্ত অতিথে !’

“আবরি’ বদন আমি ঘোমটার, সখি,  
কর-পুটে কহিনু,—‘অজিনাসনে বসি,  
বিশ্রাম লভুন প্রভু তরুমূলে ; অতি  
ছরায় আসিবে ফিরি’ রাঘবেন্দ্র যিনি,

মায়াবী—মায়া-যোগি বেশধারী, অর্থাৎ যে ছলনা করিবার জন্য  
যোগি বেশ ধরিয়াছে ।

অন্নদা এ বনে তুমি—অন্নদা যেমন অন্নদাত্রী, তুমিও তেমনি  
এ পঞ্চবটী-বনে অন্নদা-রূপিণী ।

অতিথে—অতিথিকে ( ভিক্ষা দেহ ) ।

আবরি বদন—( স্ত্রীজনোচিত লজ্জায় ) মুখ আবরণ করিয়া,  
ঢাকিয়া ।

কর-পুটে—( সমস্তম-নিবেদন-সূচক ) করজোড় করিয়া ।

প্রভু—( সম্বোধন-পদ নহে, প্রথম পুরুষ ) সন্ন্যাসী-দেব ।

এখানে ‘প্রভু’ পদ সম্বোধন-বাচক নহে । অপরিচিত পর-  
পুরুষকে সাক্ষাৎ সম্বোধন এবং তাঁহার সঞ্চিত সাক্ষাৎ বাক্যলাপ  
কুলবধুর পক্ষে সঙ্গত নহে । ‘প্রভু’ শব্দের পূর্বে ও পরে  
কোন ছন্দ না থাকাতে এইরূপ অর্থই সঙ্গত এবং কাবির মনোগত  
বলিয়া বোধ হয় । “তরুমূলে অজিনাসনে বসিয়া প্রভু ( সন্ন্যাসী  
ও অতিথিদেব ) বিশ্রাম লভুন”—এইরূপ অর্থই সঙ্গত ।

আসিবে—( আসিবেন ) ।

রাঘবেন্দ্র যিনি—( রাম ) । পতির নাম বলিয়া, সীতার মুখ

সৌমিত্রি ভ্রাতার সহ ।’ কহিল দুর্শ্বতি ;—  
 ( প্রতারণিত রোষ আমি নারিনু বুঝিতে )  
 ‘ক্ষুধার্ত্ত অতিথি আমি. কহিনু তোমারে ।  
 দেহ ভিক্ষা ; নহে কহ, যাই অন্য স্থলে ।  
 অতিথি-সেবায় তুমি বিরত কি আজি,

দিয়া এ কাব্যে কবি রাম-নাম উচ্চারণ করান নাই । রঘুনাথ,  
 রঘুবীর, রাঘবেন্দ্র, প্রভৃ ইত্যাদি বলিয়া সীতা রামের ইঙ্গিত  
 করিয়াছেন ।

দুর্শ্বতি—কুমতি রাবণ, যাহার মনে নারা হরণরূপে দৃষ্ট অভিপ্রায়  
 ছিল ।

প্রতারণিত রোষ—রাগের ছলনা । ছলনা করিবার অভিপ্রায়ে  
 কৃত্রিম রাগ ।

কহিনু তোমারে—( নিশ্চয়ার্থ-জ্ঞাপক ) ।

নহে কহ—নতুবা বল যে, ভিক্ষা দিও না । কৃষ্ণবাসী রামায়ণে  
 আছে ;—

“রাবণ নলেন ভিক্ষা আনহ সত্বর ।

নতুবা উত্তর দেহ যাই নিজ বন ।”

বিরত কি আজি—অতিথি-সেবায় তুমি এখন কি বিমুখ  
 হইয়াছ ? ‘আজি’ বলার পূর্বে বিরত না পাকা বুঝাইতেছে অর্থাৎ  
 অস্বাভাবিক রাজ-সংসারে থাকিতে নিশ্চয়ই অতিথি-সেবা-তৎপর  
 ছিলে, এখন কি তাহাতে বিমুখ হইয়াছ ?

জানকি ? রঘুর বংশে চাহ কি ঢালিতে  
এ কলঙ্ক-কালি, তুমি রঘু-বধু ? কহ,  
কি গৌরবে অবহেলা কর ব্রহ্ম-শাপে ?

রঘুর বংশে চাহ কি ঢালিতে ইত্যাদি—রঘুবংশরূপ নিম্নলি  
নিদগন্ধ গুল বস্তুর উপর তুমি কি এই অতিথি-অবমাননারূপ  
তুর্গাম-কালিমা ঢালিতে চাও ?—অর্থাৎ এই তুর্গাম দ্বারা তুমি কি  
অকলঙ্ক রঘুবংশকে কলঙ্কিত করিতে চাও ?

তুমি রঘু-বধু—তুমি ( সেট অকলঙ্ক ) রঘুবংশের কুলবধু হইয়া ।  
রঘু-বধু এখানে উচ্চ ও মহাশুভব কুল-ব্যক্তক অর্থাৎ এমন বংশের  
বধু হইয়াও কি তুমি অতিথি-সেবার বিরত ?

এখানে এক নীকাকার ‘রঘুবধু’ শব্দে সর্বোধন পদ ব্যবহার  
করিয়াছেন যে, উহা ‘রঘুবধু, না হইয়া ‘বধুবধু’ হওয়া উচিত ছিল ।  
কিন্তু “তুমি রঘু-বধু” অর্থাৎ তুমি রঘুবধু হইয়া, “রঘুর বংশে চাহকি  
ঢালিতে এ কলঙ্ক-কালি” ?—এই ত সুন্দর অর্থ । তবে জোর  
করিয়া “রঘুবধু”কে সর্বোধন-পদ ভাবিবার প্রয়োজন কি ? তাহা  
করিতে হইলে শুধু “বধু” করিলে হইবে না ; “কলঙ্ক-কালি”র পরে  
ছেদ (,) উঠাইয়া, “তুমি”র পরে (,) বসাইতে হইবে । মূল যেমন  
আছে, তাহাতে যখন সন্দর্ভ হয়, তখন এত কাণ্ড করিয়া অর্থ  
বিপর্যায় ঘটাইবার প্রয়োজন কি ?

কি গৌরবে ইত্যাদি—কিসের অহঙ্কারে অর্থাৎ কি এমন  
অত্যাচ পদ পাইয়াছ যে, তাহার বলে ব্রহ্ম-শাপকে তুচ্ছজ্ঞান  
করিতেছ ? এখানে ভিক্ষা না দিলে ভিক্ষার্থী ব্রাহ্মণ ( যোগিবেশ-  
ধারী রাবণ ) শাপ দিবেন, ইহাই ভাব ।

দেহ ভিক্ষা ; শাপ দিয়া নহে যাই চলি ;—  
 ছরস্তু রাক্ষস এবে সীতাকাস্ত-অরি  
 মোর শাপে ।—‘লজ্জা ত্যজি,’ হায় লো স্বজনি,  
 ভিক্ষা-দ্রব্য ল’য়ে আমি বাহিরিনু ভয়ে ;—  
 না বুঝে পা দিহু ফাঁদে ; অমনি ধরিল

নহে—নতুবা ।

ছরস্তু রাক্ষস এবে ঠত্যাদি—সীতার মনে ভয়োৎপাদন করাই  
 এই কপট শাপোক্তির উদ্দেশ্য । আচ্ছ হইতে ছরস্তু রাক্ষস  
 ( রাবণ ) রামের শত্রু হইল, এই মিথ্যা শাপ দিয়া ষো’গবেশ-ধারী  
 রাবণ সীতাকে ভয় দেখাইলেন ।

হায় লো, স্বজনি—( লজ্জা ত্যাগ করিয়া ভিক্ষাদ্রব্য লইয়া  
 বাহিরে আসাতে হরণরূপ কুফল ফলিল, এই আক্ষেপ-ব্যঞ্জক । )

বাহিরিনু—কুটীর-সামার বাহিরে আসিলাম ।

ভয়ে—ব্রহ্ম-শাপের ভয়ে অর্থাৎ ভয়নিবারণার্থ ।

না বুঝে—না জানিয়া ; বিপদে পড়িতেছি, ইহা না জানিয়া ।

পা দিহু ফাঁদে—পক্ষী ধরিবার জন্ত বাধ যে ফাঁদ পাতে,  
 পক্ষী যেমন না বুঝিয়া তাহাতে পা দেয়, নিষ্ঠুর বাধ-রূপী রাবণ  
 আমাকে ধারবার জন্ত ভিক্ষার ছলনারূপ যে ফাঁদ পাতিয়াছিল,  
 আমি অবোধ পক্ষীর স্থায় তেমনি না বুঝিয়া সেই ফাঁদে  
 পা দিলাম অর্থাৎ কপট অতিথির কপট রোষ না বুঝিয়া, সত্য  
 অতিথি-দেব সত্য-সত্যই কষ্ট হইতেছেন ডাবিয়া, কুটীর-বাহিরে  
 আসিয়া তাহার হস্তগত হইলাম ।

হাসিয়া ভাসুর তব আমায় তখনি !

“একদা, বিধুবদনে, রাঘবের সাথে  
 ভ্রমিতেছিল কাননে ; দূর গুল্ম-পাশে  
 চরিতেছিল হরিণী । সহসা শুনিবু  
 ঘোর নাদ ; ভয়াকুলা দেখিবু চাহিয়া  
 ইরশ্বদাকৃতি বাঘ ধরিল মৃগীরে ।

অমনি ধরিল—পক্ষী কঁাদে পড়িলে, ব্যাধ যেমন তাহাকে  
 তৎক্ষণাৎ ধরে ।

হাসিয়া—( কান্নার প্রেমছলনা-ব্যাঞ্জক )

ভাসুর তব—সরমার ভাসুর অর্থাৎ রাবণ ।

সাথে—( প্রাদেশিক ব্যবহার ) সঙ্গে ।

চরিতেছিল—পূর্ব পংক্তির “ভ্রমিতেছিল”র পরেই ‘চরিতেছিল’  
 কবিতায় প্রতিমধুব হয় নাই ?

দূর--( বিশেষণ ) দূরস্থ ।

গুল্ম-পাশে—ছোট-ছোট গাছের ঝোপকে ‘গুল্ম’ বলে ;  
 তাহার পার্শ্বে ।

ঘোরনাদ—( বাঘের ) ভয়ঙ্কর শব্দ ।

ভয়াকুলা—ভীতা ( হইয়া ) ।

ইরশ্বদাকৃতি—“প্রকৃতিবাদ” বলেন, এখানে ‘ইরশ্বদ’ অর্থে  
 হস্তী অর্থাৎ হাতীর মত বাঘ মৃগীকে ধরিল । এ অর্থ সঙ্গত  
 বোধ হয় না । ‘ইরশ্বদাকৃতি’কে বাঘের বিশেষণ করিলে অর্থ  
 হইবে, উজ্জল বর্ণে ও গতিতে বজ্রের স্থায় । এখানে বর্ণ অপেক্ষা

‘রক্ষ, নাথ’ বলি আমি পড়িছু চরণে ।  
 শরানলে শূর-শ্রেষ্ঠ ভস্মিলা শার্দূলে  
 মুহূর্তে । যতনে তুলি’ বাঁচাইছু আমি  
 বন-সুন্দরীরে, সখি । রক্ষঃ-কুল-পতি,  
 সেই শার্দূলের রূপে, ধরিল আমারে !

ক্ষিপ্ততাই লক্ষ্য অর্থাৎ বজ্র যেমন শীঘ্রগতিতে পড়ে, বাঘ তেমনই  
 শীঘ্রগতিতে মৃগকে ধরিল । ( “Quick as lightning” ) ।  
 ইতিপূর্বে আছে—

“বিছাত-আকৃতি

পলাইল মায়ামৃগ কানন উজলি” ।

রক্ষ নাথ—হে নাথ, মৃগীকে শার্দূল-গ্রাস হইতে রক্ষা কর ।

পড়িছু চরণে—( রামের ) ।

শরানলে—শররূপ অনলে অর্থাৎ শ্বার জ্বালাকর বাণাঘাতে ।

শূর-শ্রেষ্ঠ—( রাম ) ।

ভস্মিলা—( শরানলে ) ভস্ম করিলেন অর্থাৎ মারিয়া  
 ফেলিলেন ।

মুহূর্তে—দেখিবামাত্র, তৎক্ষণাৎ ।

যতনে তুলি—সযতনে ( হতচেতনা মৃগীকে ) কোলে করিয়া  
 তুলিয়া আনিয়া ।

বন-সুন্দরীরে—মৃগীকে । সৌন্দর্য্য-হেতু মৃগী ‘বন-সুন্দরী’ ।

সখি—( সরমাকে সম্বোধন ) ।

রক্ষঃ-কুল-পতি, সেই শার্দূলের রূপে ইত্যাদি—যে বাঘ ও

কিন্তু কেহ না আইল বাঁচাইতে, ধনি,  
 এ অভাগা হরিণীরে এ বিপত্তি-কালে !  
 পূরিবু কানন আমি হাহাকার-রবে !  
 শুনিবু ক্রন্দন-ধ্বনি ; বনদেবী বুঝি  
 দাসীর দশায় মাতা কাতরা, কাঁদিলে !

কিন্তু বৃথা সে ক্রন্দন ! হতাশন-তেজে  
 হরিণের কথা বলিলাম, রাবণ ঐ বাঘের মত হইয়া ( নিরপরাধ  
 হরিণী ) আমাকে ধরিল ।

কিন্তু কেহ না আইল বাঁচাইতে ইত্যাদি—হরিণীকে আমি  
 বাঁচাইয়াছিলাম, কিন্তু অভাগিনী আমাকে কেহই বাঁচাইতে  
 আসিল না ।

এ অভাগা হরিণীরে—রাবণরূপ ব্যাঘ্রের কবলগ্রস্তা এই  
 হতাশাগিনী হরিণীকে অর্থাৎ আমাকে ।

শুনিবু ক্রন্দন-ধ্বনি—?—দনের প্রতিধ্বনি শুনিয়া সীতার  
 বোধ হইয়াছিল যেন, কেহ সীতার দুঃখ দেখিয়া কাঁদিতেছেন ।  
 অসহায় অবস্থায় বিপদে পড়িলে এমনই জ্ঞানহারা হইতে হয় !

দাসীর দশায়—আমার এই হরণরূপ-দুর্দশা দেখিয়া ।

কাতরা—( হইয়া ) ।

কিন্তু বৃথা সে ক্রন্দন—মাতা বনদেবীর সে কাতর-ক্রন্দন বৃথা  
 হইল অর্থাৎ ছুরায়া রাবণ বনদেবীর সে কাতর-ক্রন্দনে কর্ণপাতও  
 করিল না ।

হতাশন-তেজে গলে লৌহ ইত্যাদি—লৌহের গায় কঠিন  
 বস্ত অগ্নিতেজেই গলে—বারি-খায় তাহাকে গলান যায় না ।



গলে লৌহ ; বারি-ধারা দমে কি তাহারে ?

অশ্রু-বিন্দু মানে কি, লো, কঠিন যে হিয়া ?

“দূরে গেল জটাজুট ; কমণ্ডলু দূরে !

রাজরথী-বেশে মূঢ় আমার তুলিল

স্বর্ণ-রথে । কহিল যে কত দুষ্কমতি,

মাটির মত নরম জিনিষই জলে গলে, লৌহ জলে গলে না ।  
তক্রপ, রাবণের কঠিন হৃদয় রমণীর করুণ ক্রন্দনে গলিবার নহে ।  
কোন তেজস্বী বীরপুরুষ বিক্রম দ্বারা রাবণকে দমন করিতে পারিত ;  
কিন্তু কঠিন-হৃদয় রাবণ অশ্রুবর্ষণে গলিবার লোক নয় । লৌহকে  
গলাইতে গেলে আগুন চাই—বারি-ধারার কর্ম নহে ।

বারি-ধারা—করুণ ক্রন্দন, কোমলস্বৈ বারি-ধারার স্তায় ।

অশ্রু-বিন্দু মানে ক লো কঠিন যে হিয়া—যে হৃদয় কঠিন,  
তাহা কি অশ্রুবিন্দুর কাছে পরাভব স্বীকার করে ?

সপ্তম সর্গে আছে—

“ :: \* \* অশ্রুবারি-ধারা,

হায়রে, হবে কি কল্প কৃতান্তের হিয়া,

কঠিন ? \* \* ”

দূরে গেল জটাজুট—ছদ্ম জটাজুট দূরীভূত হইল ।

কমণ্ডলু দূরে—জাল কমণ্ডলু দূরীভূত হইল । ছদ্ম যোগিবেশ  
ছাড়িয়া, রাবণ এখন নিজ রাজরথী-বেশে প্রকাশিত হইলেন ।

রাজরথী-বেশে—যে বীরবেশে রাজারা রথারোহণ করেন ।

মূঢ়—( এখন আর যোগী নহে ) হিতাহিত জ্ঞান-শূন্য, পামর ।

কত--কত কথা ।

কভু রোষে গর্জি,' কভু সুমধুর স্বরে,  
স্মরিলে, শরমে ইচ্ছি মরিতে, সরমা !

“চালাইল রথ রথী । কালসর্প-মুখে  
কাঁদে যথা ভেকী, আমি কাঁদিবু, সুভগে,

কভু—কখন, এক সময়ে ।

রোষে গর্জি—( ভয় দেখাইয়া ) ।

কভু—আবার কখন, অল্প সময়ে ।

সুমধুর স্বরে—( প্রেমামাপ-ব্যাঙ্গক ) ।

শরমে—লজ্জায় । ইচ্ছি—ইচ্ছা করি ।

কালসর্প-মুখে—কালসর্প-গ্রস্ত হইয়া । কালসাপ যখন ব্যাঙের  
ধরিয়াছে, কিন্তু গিলে না ।

কাঁদে যথা ভেকী—( বৃথা ) । ব্যাঙ যেমন কালসর্প-গ্রস্ত  
হইয়া ‘বৃথা’ সকরণ চীৎকার করে অর্থাৎ কাল-সাপের কাছে  
যেমন সে ক্রন্দনে কোন ফল ন! । কৃত্তবাসী রামায়ণে আছে—

“সীতার বিলাপ কত লিখিবে লেখনী ।

গরুড়ের মুখে যেন পড়িল সাপিনী ;”

“গরুড়ের মুখে সাপিনী” অপেক্ষা “কাল-সর্প-মুখে ভেকী”  
অধিকতর কাতরতা-ব্যাঙ্গক । যাহারা সর্প-মুখে ভেকের বারম্বার  
সকরণ চীৎকার শুনিয়াছেন, তাহারাষ্ট জানেন যে, সে আর্তনাদ  
কিরূপ হৃদয়বিদারক ! তা ছাড়া, কালসর্পের ধলম্বভাব রাবণের  
প্রতি ও ভেকীর নিরীহতা সীতার প্রতি সুন্দর খাটিয়াছে । সাপ  
বিপদগ্রস্ত হইলেও ‘কাঁদে’ না ; কারণ, সাপের মুখে শব্দ হয় না ।  
কিন্তু ভেকের হয় ; ভেক আনন্দে একপ্রকার শব্দ করে, বিপদে

বৃথা ! স্বর্ণ-রথ-চক্রে ঘর্ষরি' নির্ঘোষে,  
পূরিল কানন-রাজী, হায়, ডুবাইয়া

অন্য প্রকার করণ শব্দ করে। তাই “কাঁদে: যথা ভেকী” খুবই সম্ভব। তবু, কেন যে এক টাঁকাকার কৃষ্ণিবাসের ‘সাপিনীর’ পক্ষপাতী হইলেন, বুঝি না। উপনায় উপস্থিত ব্যাপার ছাড়িয়া অতীত বা ভবিষ্যৎ ঘটনার প্রতি লক্ষ্য করা সাধারণ রীতি নহে। আর, সীতার দেহ ও মন কোমল বলিয়া ভেকার সহিত উপমা দেওয়া হইয়াছে, এরূপ ব্যাখ্যাও নিতান্ত হাস্য-জনক। এখানে সীতার দেহ এই উপনার লক্ষ্য নহে,—তঁাহার শক্তিহীনতা, অসহায়তা ( helplessness ) এবং তঁাহার করণ ক্রম-নই এই উপনার লক্ষ্য।

আমি কাঁদিলু—( বৃথা ) : কাল-সর্পরূপী রাবণ কর্তৃক ধৃত হইয়া, ‘বৃথা’ কাঁদিতে লাগিলাম অর্থাৎ কবলিতা ভেকার করণ চাঁৎকারে যেমন কালসর্প কর্ণপাত করে না, তেমন আমার সেই করণ ক্রন্দনে রাবণও কর্ণপাত করিল না। ‘বৃথা’ উত্তর পক্ষেই খাটিবে।

স্বর্ণ-রথ-চক্রে—স্বর্ণ-নির্ম্মিত রথচক্রে বা স্বর্ণরথের চক্রে।

ঘর্ষরি নির্ঘোষে—তুমুল ঘর্ষর শব্দে গুরিয়া।

পূরিল কানন-রাজী—সমস্ত বনরাজীকে শকায়মান করিয়া তুলিল। দ্রুতগামী রথের চক্রে-ধ্বনি চতুর্দিকে প্রতিধ্বনিত হইয়া সমস্ত বনভূমিকে যেন শকায়মান করিয়া তুলিল।

হায়—( বিষাদ-সূচক )।

ডুবাইয়া অভাগীর আর্তনাদ—সেই বিধম রথচক্রে-ধ্বনিতে অভাগীর ( সীতার ) করণ ক্রন্দন-ধ্বনি ( মহত্ব-হেতু ) ডুবিয়া গেল অর্থাৎ মহান রথচক্রে-ধ্বনিতে সীতার সে কণ ক্রন্দন-স্বর শুনা গেল না।

অভাগীর আর্শনাদ ! প্রভঞ্জন-বলে  
 ত্রস্ত তরুকুল যবে লড়ে মড়মড়ে,  
 কে পায় শুনিতে যদি কুহরে কপোতী ?  
 ফাঁফর হইয়া, সখি, খুলিলু সত্বরে

ত্রস্ত তরুকুল—পড়িবার ভয়ে ‘ত্রস্ত’ ।

লড়ে মড়মড়ে—( বায়ুবলে ) মড়মড়-শব্দে আন্দোলিত হইতে থাকে ।

কে পায় শুনিতে যদি কুহরে কপোতী—ঝড়ে গাছ যখন ভয়ানক মড়মড়-শব্দে দোলে, তখন যদি সেই বক্ষোপরিস্থিতা ভীতা কপোতী সৰ্বকণে কুহরতে থাকে, তাহা হইলে গাছের-সেই ভীষণ মড়মড় শব্দের মধ্যে কপোতীর কাতরধ্বনি যেমন ক্রতিগোচর হয় না, রথ-চক্রের ভীষণ ঘর্ষন-শব্দের মধ্যে সীতার ক্রন্দন-ধ্বনিও তেমনি ডুবিয়া গেল অর্থাৎ শুনা যাইতে লাগিল না ।

ফাঁফর—( চলিত শব্দ ) বুদ্ধিহীন অথবা উপায়হীন ।

ছড়াইলু পথে—রথে করিয়া আসিতে-আসিতে স্থানে স্থানে  
 ঐ সব অলঙ্কার এক-একখানি করিয়া ফেলিতে লাগিলাম ।  
 কুন্তিবাসী রামায়ণে আছে—

“রামে জানাইতে সীতা ফেলেন ভূষণ ।

সীতার ভূষণ-পুষ্পে ছাইল গগন ॥

আস্তরণ গলার ফেলিল সীতা দেবী ।

সে ভূষণে স্তম্ভোভিত হইল পৃথিবী ॥

ছিঁড়িয়া ফেলেন মণি-মুকুতার ঝারা ।

হিমালয় শৈলে যেন বহে গঙ্গাধারা ॥”—( অরণ্যকাণ্ড

কঙ্কণ, বলয়, হার, সিঁথি, কণ্ঠমালা,  
কুণ্ডল, নূপুর, কাঞ্চী ; ছড়াইলু পথে ;  
তেঁই, লো, এ পোড়া দেহে নাহি, রক্ষোবধু,  
আভরণ । বৃথা তুমি গঞ্জ দশাননে ।”

নীরবিলা শশিমুখী । কহিল সরমা ;

এ পোড়া দেহে—এ দন্ধদেহে—বাহা রাবণের ঞ্চর হুরাআ  
স্পর্শ করিল । “পোড়া” অবজ্ঞা-সূচক ।

রক্ষোবধু—( রক্ষোবধুকে সম্বোধন ) ।

বৃথা তুমি গঞ্জ দশাননে—সরমা প্রথমে বলিয়াছিলেন :—

“——কেমনে হরিল

ও বরাক্স-অলঙ্কার, বুঝিতে না পারি ।”—

তাহারই উত্তরে, সীতা বলিতেছেন যে, তাঁহার দেহে যে  
অলঙ্কার নাই, ইহাতে রাবণের দোষ নাই ; তিনি নিজেই  
অঙ্গের সমস্ত অলঙ্কার “চিহ্ন-হে” পথে ফেলিয়া দিয়াছিলেন  
সীতা-চরিত্রের কিস্তির পারফুটন।

নীরবিলা শশিমুখী—“বৃথা তুমি গঞ্জ দশাননে” বলিয়া সীতা  
এ কথার এক প্রকার শেষ করিয়া দিলেন । সরমা নাকি ছুঃখে  
বলিয়াছিলেন যে, আহা, নিচুর রাবণ কেমন করিয়া ও রাবণের  
অলঙ্কারগুলি কাড়িয়া লইল । তাহাতে সে কথার প্রতিবাদ করিয়া  
সীতা তাঁহার হরণ-বৃত্তান্ত কহিতে লাগিলেন এবং অলঙ্কার-  
ত্যাগ পর্য্যন্ত বলিয়া কথা এক-প্রকার সমাপ্ত করিয়া বলিলেন—  
“বৃথা তুমি গঞ্জ দশাননে ।”

শশিমুখী—( সীতা )

## সীতা ও সরমা

“এখনও তুষাতুরা এ দাসী, মৈথিলি ;  
দেহ সুধা-দান তারে । সফল করিলা  
শ্রবণ-কুহর আঞ্জি আমার !” সুস্বরে  
পুনঃ আরম্ভিলা তবে ইন্দুনিভাননা ;—

“শুনিতে লাগসা যদি, শুন, লো ললনে ।  
বৈদেহীর দুঃখ-কথা কে আর শুনিবে ?—

এখনও তুষাতুরা এ দাসী—সরমা বলিতেছেন যে, এখনও  
তিনি সীতার কাহিনী শুনিবার জন্য লাগাম্ভিত, সুতরাং কথা  
খানেকই শেষ করিলে চলিবে না ।

তুষাতুরা—সীতার কথারূপ সুধাপানে অভপ্তা—এখনও তুষা  
মিটে নাট অর্থাৎ আরও শুনিতে চাহি ।

দেহ সুধা-দান তাবৈ—কে ( সরমাকে ) তোমার বাক্য-  
রূপ সুধা-দান কর, তোমার অপূর্ব সুমধুর কাহিনী শুনাও ।

সফল করিলা শ্রবণ-কুহর—( এ অপূর্ব কথা শুনাইয়া ) ।

ইন্দুনিভাননা—চন্দের দ্বার মুখ বাহার, চন্দ্রাননা ( সীতা ) ।

লাগসা—একান্ত ইচ্ছা, উৎসুক্য ( হয় ) ।

শুন লো—( তবে ) শুন লো ।

বৈদেহীর দুঃখ কথা — ( হতভাগিনী ) সীতার দুঃখের  
কাহিনী ।

কে আর শুনিবে—তুমি ( সরমা ) বিনা আর কে শুনিবে ?  
কারণ আর সকলেই এখানে আমার শত্রু ।

“আনন্দে নিষাদ যথা ধরি ফাঁদে পাখী  
 যায় ঘরে, চালাইল রথ লক্ষাপতি ;  
 হায় লো, সে পাখী যথা কাঁদে ছটফটি’  
 ভাঙিতে শৃঙ্খল তার, কাঁদিলু, সুন্দরি !—

“হে আকাশ, শুনিয়াছি তুমি শকবহ,  
 ( আরাধিলু মনে মনে ) এ দাসীর দশা

যায় ঘরে—( পাখীকে লইয়া ) ।

চালাইল রথ লক্ষাপতি—( আনন্দে ) ।

সে পাখী—নিষাদ কর্তৃক পুত সেই পাখী ।

ছটফটি—( অস্থিরতা-ব্যঞ্জক ) ।

ভাঙিতে শৃঙ্খল তার—ভাঙার পায়ের শৃঙ্খল অর্থাৎ বন্ধন  
 কাটিবার জন্ত সেই পাখী যেমন অস্থির হইয়া চৌক্যাব শক  
 করিতে থাকে, আমিও মুক্তি প্রার্থনার জন্য তেমনি রোদন  
 করিতে লাগিলাম ।

শকবহ—( আকাশের বিশেষণ ) যে শক বহন করে ।

আরাধিলু মনে মনে—মনে মনে আকাশ, বায়ু, মেঘ, ভ্রমর,  
 ও কোকিল, এই সকলকে সম্ভাষণ করিয়া আমার উপকারার্থে  
 সাধিলাম,—উপকার প্রার্থনা করিলাম । কবিঃ ‘পদ্মাংতা’ নাটকে  
 আছে—

“পদ্মা ( স্বগত ) হে আকাশমণ্ডল, তোনাকে লোকে শকবহ বলে । তা  
 তুমি এ দাসীর প্রতি অনুগ্রহ ক’রে আমার এই কথাগুলি আমার  
 জীবিতনাথের কর্ণকুহরে সাবধানে লয়ে যাও ।”

দশা—উপস্থিত এই ঘোর দুর্দশা ।

ঘোর রবে কহ যথা রঘু-চূড়া-মণি,  
 দেবর লক্ষ্মণ মোর, ভুবন-বিজয়ী !  
 হে সমীর, গন্ধবহ ভূমি : দূত-পদে  
 বরিষু তোমায় আনি, যাও হরা করি'  
 যথায় ভ্রমেন প্রভু ! হে বারিদ, ভূমি  
 ভীমনাদী, ডাক নাথে গস্তীর নিনাদে !  
 হে ভ্রমর, মধুলোভি, ছাড়ি' ফুল-কুলে  
 গুঞ্জর নিকুঞ্জে, যথা রাঘবেন্দ্র বলী,

ঘোর রবে—ভয়ানক শব্দে অর্থাৎ বহুদূরে থাকিয়াও রাম  
 ও লক্ষ্মণ বাহা গুনিতে পাইবেন ।

রঘু-চূড়া-মণি—রাম ।

দেবর লক্ষ্মণ মোর—লক্ষ্মণ, আমার দেবর ।

বারিদ—মেঘ ।

ভীমনাদী—ভীষণ বজ্রনাদী ।

মধুলোভি—মধুলোভে যে সদা ফুলে-ফুলে ভ্রমণ করিয়া বেড়ায় ।

ছাড়ি ফুল-কুলে—ক্ষণকালের জন্য ফুল-সকল পরিত্যাগ  
 করিয়া অর্থাৎ মধুপান ত্যাগ করিয়া ।

'মধুলোভি' সম্বোধনের সার্থকতা এই—হে মধুলোভি ;  
 ক্ষণকাল মধুপান ত্যাগ করিয়া, এ বিপদগ্রস্তা সীতার একটু  
 উপকার কর ।

গুঞ্জর নিকুঞ্জে ইত্যাদি—রাম যেখানে আছেন, সেই  
 নিকুঞ্জে গিয়া সীতার হরণ-বার্তা গুঞ্জরিত্তা রামকে শুনাও ।



সীতার বারতা তুমি ! গাও পঞ্চস্বরে  
সীতার হৃৎখের গীত, তুমি মধু-সখা  
কোকিল ! শুনিবে প্রভু, তুমি, হে, গাইলে !  
এইরূপে বিলাপিনু ; কেহ না শুনিল !

“চলিল কনক-রথ ; এড়াইয়া দ্রুতে

গাও পঞ্চস্বরে—পঞ্চম-স্বরে গান কর। কোকিলের স্বর  
‘পঞ্চম’ বলিয়া বিখ্যাত।

সীতার হৃৎখের গীত—সীতার হরণরূপ হৃৎখকাঙ্ক্ষিনী কোকিলের  
মুখে ‘গীত’ স্বরূপ হইবে।

মধু-সখা—বসন্ত-সখা।

শুনিবে প্রভু তুমি হে গাইলে—কারণ, রাম এখন বিরহী।  
বিরহের কানে কোকিলের রব বড়ই বাজে।

কেহ না শুনিল—হৃৎখিনী সীতার মনে হইছে, যেন বাহু  
স্বগৎ তাঁহার কাতরোক্তিতে অব্যক্ত প্রকাশ করিল। রামায়ণেও  
হরণ-কালে সীতা এইরূপে জনস্থানের বৃক্ষ-লতা, জীব-জন্তু, সকলকেই  
তাঁহার হরণ-বার্তা রামকে কাহতে অনুরোধ করিয়াছেন।

কনক-রথ—স্বাভেব স্বর্ণ-রথ (পুষ্পক)। এক টীকাকার  
“কনক-রথ” উৎকর্ষ-সূচক বৃষ্টিয়া সীতার মুখে উহা ‘অস্বাভাবিক’  
বলিয়াছেন। ফলে, সীতা এখানে কনক-রথ উৎকর্ষার্থে  
প্রয়োগ করেন নাই—সোণার রথকে সোনার রথ বলায়  
যথাযথ বর্ণনাই হইয়াছে—প্রশংসার্থে বলা হয় নাই।

এড়াইয়া দ্রুতে ইত্যাদি—শীঘ্র-গতিতে পর্বত-শৃঙ্গ, বন, নদ,  
নদী ইত্যাদি নানাদেশ ছাড়াইয়া।

অভ্রভেদী গিরি-চূড়া, বন, নদ, নদী,  
নানাদেশ । স্বনয়নে দেখেছ, সরমা,  
পুষ্পকের গতি তুমি ; কি কাজ বর্ণিয়া ?-

“কত ক্ষণে সিংহনাদ শুনিবু সম্মুখে,  
ভয়ঙ্কর ! খরখরি’ আতঙ্কে কাঁপিল  
বাজা-রাজি, স্বর্ণ-রথ চলিল অস্থিরে !  
দেখিবু, মিলিয়া আঁখি, ভৈরব-মুরতি

অভ্রভেদা - মেঘভেদা অর্থাৎ অতি উচ্চ ।

পুষ্পকের গতি—‘পুষ্পক’-রথ পূর্বে কুবেরের ছিল ।  
পরে র বণ কুবেরকে জয় করিয়া জয়চিহ্ন-স্বরূপ কুবেরের  
‘পুষ্পক’-রথ হরণ করিয়াছিলেন । তদবধি “পুষ্পক” রাবণের ।  
উহা বিশ্বকর্মার অপূর্ব সৃষ্টি দেখিতেও যেমন সুন্দর, বেগেও  
তেমনি অপ্রতিহত-গাত ছিল ।

সিংহনাদ—সিংহনাদের শ্রাব ভয়ঙ্কর গর্জন-ধ্বনি ।

বাজা-রাজি—( রথের ) অশ্বসকল ।

চলিল অস্থিরে—আগে রথ স্থিরভাবে যাইতেছিল ; কিন্তু  
এখন রথের ঘোড়া-সকল ভীত হওয়ার, রথ অস্থিরভাবে অর্থাৎ  
বিচলিতভাবে চলিতে লাগিল ।

দেখিবু মিলিয়া আঁখি—এতক্ষণ সীতা চক্ষু বুজিয়াই ছিলেন ;  
কিন্তু এই সিংহনাদ শ্রবণে ও রথের এইরূপ অস্থিরগতি বুঝিয়া  
চক্ষু খুলিয়া দেখিলেন ।

গিরি-পৃষ্ঠে বীর, যেন প্রলয়ের কালে  
 কালমেঘ ! 'চিনি তোরে,' কহিলা গম্ভীরে  
 বীর-বর.—'চোর তুই, লঙ্কার রাবণ ।  
 কোন্ কুল-বধু আজি হরিলি, দুর্মতি ?  
 কার্ ঘর আধারিলি, নিবাইয়া এবে  
 প্রম-দীপ ? এই তোর্ নিত্য কৰ্ম, জানি ।

গিরি-পৃষ্ঠে বীর পর্বতোপরি এক বীর রহিয়াছেন ।

চোর তুই—মূল রামায়ণে রাবণের প্রতি জটায়ুব উক্তিভে  
 আছে—“তঙ্করাচাংরতোমার্গো নৈববীরনিষেবিতঃ ।”

কালমেঘ—তাহাতে বীরের মেঘবর্ণন ও বিরাটস্থ সূচি  
 হইয়াছে । মেঘও গিরি-সংলগ্ন থাকে ।

কার্ ঘর আধারিলি—কোন্ ? গৃহ আধার করিলি ?

নিবাইয়া এবে প্রেম-দীপ—দীপ নিবাইলে যেমন ঘর আধার  
 হয়, তেমনি তুই এই স্ত্রী-হরণ করিয়া কাহার গৃহের প্রেম-দীপ  
 নিবাইল ? স্ত্রীই গৃহের প্রেমদীপ-স্বরূপ—প্রেমালোকে গৃহ  
 আলোকিত করিয়া রাখে । মেঘনাদ বধ কাব্যে পরে আছে—

“\* \* \* \* \* আছিল

অঙ্ককার ঘরে দীপ মৈথিলী ; তাহারে

( হে বিধি ! কি দোষে দাস দোষী তব পদে ? )

নিবাইল ছরদৃষ্ট !”—( বষ্ঠ সর্গ ) ।

নিতা কৰ্ম—দৈনিক কার্য ।

অস্ত্রী-দল-অপবাদ ঘুচাইব আজি,  
বধি' তোরে তীক্ষ্ণ শরে ! আয় মূঢ়মতি !  
ধিক্ তোরে, রক্ষো রাজ ! নিল'জ্জ পামর  
আছে কি, রে, তোর্ সম এ ব্রহ্ম-মণ্ডলে ?

“এতেক কহিয়া, সখি, গর্জিলা শূরেন্দ্র !  
অচেতন হ'য়ে আমি পড়ি'নু স্তম্ভনে !

“পাইয়া চেতন পুনঃ দেখি'নু রয়েছি

অস্ত্রী-দল-অপবাদ—অস্ত্রদলের কলঙ্ক অর্থাৎ রাবণ-নাম । যে  
ধ্বংস বীর হইয়া অবলা রমণীকে হরণ করে, সে বীরনামের  
যোগ্য নহে—বীরনামের কলঙ্ক মাত্র ।

আয়—( বুদ্ধে আহ্বান ) ।

এ ব্রহ্ম-মণ্ডলে—এ জগতে ।

অচেতন হয়ে আমি—তুই বীরে বিষম বুদ্ধ বাধিবার উপক্রম  
হইলে, সীতা মহাভাতা হইয়া চেতন হইলেন ।

স্তম্ভনে—রথে । “যান্নৈঃ ক্রিণ বুদ্ধার্থে শত্রুঃ স্তম্ভনো  
রথঃ ।”—( অমর ) ।

চেতন—চেতনা, চৈতন্য ।

রয়েছি ভূতলে—অচেতন সীতাকে রাবণ ভূতলে রাখিয়া,  
জটায়ুর সহিত বুদ্ধ করিয়াছিলেন । কান্তবাসা রামায়ণে  
আছে,—

“অতিব্যস্ত দশানন কলে ক্রোধানলে ।

রথ হৈতে সীতারে রাখিল ভূমিতলে ।

ভূমে রাখি সীতারে সে উঠিল আকাশে ।”—কৃত্তিবাস

ভূ গলে । গগন-মার্গে রথে রক্ষোরথী  
 যুঝিছে সে বীর-সঙ্গে হুহুকার-নাদে ।  
 অবলা-রসনা, ধনি, পারে কি বর্ণিতে  
 সে রণে ? সভয়ে আমি মুদিবু নয়নে !  
 সাধিবু দেবতা-কুলে, কাঁদিয়া-কাঁদিয়া,  
 সে বীরের পক্ষ হ'য়ে নাশিতে রাখসে,  
 অরি মোর ; উদ্ধারিতে বিষম সঙ্কটে  
 দাসারে ! উঠিবু ভাবি' পশিব বিপিনে,

সে বীর সঙ্গে—সেই গিরিপৃষ্ঠাপারি কালমেধাক্রান্ত বারের  
 সঙ্গে । সীতা এট বীরকে চিনিতেন না বলিয়া “সে বীর” ।  
 এই বীরই দশরথ-সখা জটায়ু-নামা প্রসিদ্ধ পক্ষী ।

অবলা-রসনা ইত্যাদি—দুর্বলা রমণীব জিহ্বা অর্থাৎ দুর্বলা  
 রমণী কি সেই ভীষণ যুদ্ধ বর্ণনা করিতে পারে ? ‘রসনা’  
 বাক্যস্তম্ভ ; বর্ণনা করা রসনার কাজ ।

সভয়ে—( সেই ভীষণ যুদ্ধ দেখিয়া ) ভীত হইয়া ।

অরি মোর—‘অরি’ বিশেষ্য পদ ; এখানে ‘রাখসে’র সহিত  
 সমপদ । এক টীকাকার উহাকে রাখসের “বিশেষণ” বলিলেন কিরূপে ?

বিষম সঙ্কটে—ঘোর বিপদে অর্থাৎ উপস্থিত সেই ঘোর  
 বিপদ হইতে ।

উঠিবু ভাবি পশিব বিপিনে ইত্যাদি—কৃত্তিবাসী রামায়ণে আছে—

“সম্বরেন বহু সীতা পলায়ন আশে ।

পলাইতে যান সীতা নাহি পান পথ ।

চতুর্দিকে মহাবন বেষ্টিত পর্বত ।”

পলাইব দূব দেশে ; হায় মো, পড়িনু,  
 আছাড় খাইয়া, যেন ঘোর ভুকম্পনে !  
 আরাধিনু বসুধারে,—‘এ বিজন দেশে,  
 মা আমার, হয়ে দ্বিধা, তব বক্ষঃ-স্থলে  
 লহ অভাগীরে, সাধি ! কেমনে সহিছ

আছাড় খাইয়া—( চলিত ভাষা ) ।

যেন ঘোর ভুকম্পনে—ভয়ানক ভূমিকম্প হইতে থাকিলে  
 যেমন চলিতে পারা যায় না, চলিতে গেলে পড়িয়া যাইতে  
 হয়, তেমনি ।

বসুধারে—পৃথিবীকে । কৃত্তিবাসী রামায়ণে সীতা রামের  
 যজ্ঞ-সভা-সংক্ষেপে পাতাল-প্রবেশের পূর্বে বসুধাকে এইরূপ  
 আরাধনা করিয়াছিলেন—

“মা হইয়া, পৃথিবী ?—’র কর কাজ ।

এ বিশ্বের লাজ হইলে তোমার সে লাজ ॥”

মা আমার—( করুণ সম্বোধন ) । শুধু ‘মা’ বলার অপেক্ষা  
 ‘মা আমার’ বলার অধিকতর কাণ্ডরতা প্রকাশ পাইয়াছে ।

বসুধা—সীতার জননী ।

হয়ে দ্বিধা—দ্বিধা বিভক্ত হইয়া ।

তব বক্ষঃস্থলে—বক্ষঃস্থলই সন্তানকে লইবার স্থান ।

সাধি—সীতা বসুধাকে বলিতেছেন—হে মাতঃ ! তুমি  
 সাধবী হইয়া তোমার কণ্ঠার এই হরণ কেমন করিয়া সহ  
 করিতেছ ?—“সাধি” সম্বোধনের ইহাই সার্থকতা ।

দুঃখিনী মেয়ের জালা ? এস শীঘ্র করি' ।  
ফিরিয়া আসিবে ছুটে ; হায়, মা, যেমতি  
তঙ্কর আইসে ফিরি', ঘোর নিশাকালে,  
পুঁতি' যথা রত্ন-রাশি রাখে সে গোপনে—  
পর-ধন ! আসি মোরে তরাও, জননি !'

“বাজ্রিল তুমুল যুদ্ধ গগনে, সুন্দরি ;  
কাঁপিলা বসুধা ; দেশ পুরিল আরবে !  
জালা—( হরণ-জনিত ) কষ্ট, মনঃকষ্ট, মনোবেদনা ।  
এস শীঘ্র করি—( আমাকে বক্ষঃস্থলে লইতে ) ।  
ছুটে—( রাবণ ) ।

যেমতি তঙ্কর আইসে ফিরি ইত্যাদি—চোর যেমন ধরা  
পড়িবার ভয়ে দ্রুত ধন-রত্নাদি কোন স্থানে পুঁতিয়া রাখিয়া,  
পরে রাত্রিতে আবার সেই সব রত্নাদি লইবার জন্য তথায়  
ফিরিয়া আসে, তেমনি চোর-ব' এই বীরের ( অটায়ুর )  
ভয়ে আমাকে এখানে রাখিয়া তাঁহার সহিত যুদ্ধ করিতেছে ;  
কিন্তু এখনই আবার আমায় লইতে ফিরিয়া আসিবে ।

সাতাও 'রত্নরাশি' ও 'পরধন' ;—টহাই এই উপমার নিগূঢ়  
সৌন্দর্য্য ।

তরাও—ত্রাণ কর অর্থাৎ আশ্রয় দিয়া আমাকে রাবণের  
হাত হইতে পরিত্রাণ কর ।

দেশ—চতুর্দিকস্থ বনভূমি ।

আরবে—দূরব্যাপী শব্দে । 'আ' ব্যাপ্তি-ব্যঞ্জক । 'আরব' ও  
'আরাব' উভয়ই শব্দবাচক ;—“আরবারাব” ( অমর ) । কবি

অচেতন হৈলু পুনঃ । শুন, লো ললনে,  
 মনঃ দিয়া শুন, সহী, অপূর্ব কাহিনী !—  
 দেখিলু স্বপনে আমি বসুন্ধরা সতী  
 মা আমার ! দাসী-পাশে আসি দয়াময়ী  
 কহিলা, লইয়া কোলে, সুমধুর বাণী ;—

এখানে 'আরাব' প্রয়োগ না করিয়া 'আরব' প্রয়োগ করিয়াছেন  
 এই জন্ত যে, উ-কারান্ত "পূর্বিল" শব্দের পরেই দুইটি আকার-  
 যুক্ত "আরাব" শব্দ থাকিলে পড়িতে ছন্দের সুর নষ্ট হইত।

এক টীকাকার পরিশিষ্টে অমরকোষের বচন উদ্ধৃত করিয়াও  
 টীকা করিবার সময়ে 'আরব'কে 'আরাব' ভাবিলেন কেন ?  
 শব্দার্থে 'আরব'ও শুদ্ধ। ❄ ?- ।

মনঃ দিয়া শুন—বড়ই অপূর্ব স্বপ্ন-কাহিনী কহিবেন বলিয়া,  
 সীতা সরমাকে মনোযোগের সহিত শুনিতে বলিতেছেন। এই  
 স্বপ্নে সীতার উদ্ধার পর্য্যন্ত ভবিষ্যৎ ঘটনা-সকল ছিল বলিয়া  
 এবং তাহার মধ্যে এ পর্য্যন্ত সকল ঘটনাই ঘটিয়াছে বলিয়া,  
 সীতার কাছে এ স্বপ্ন অমূল্য। তাই, তিনি এই স্বপ্ন-কাহিনী  
 শুনাইতে সরমার বিশেষ মনোযোগ আকর্ষণ করিতেছেন।

স্বপ্নে—রামায়ণে ত্রিজটা রাক্ষসীর এইরূপ ভাবী-ঘটনামূলক  
 এক স্বপ্নের সংক্ষিপ্ত উল্লেখ আছে।

বসুন্ধরা সতী—( মূর্ত্তিমতী )।



‘বিধির ইচ্ছায়, বাছা, হরিছে, গো, তোরে  
 রক্ষারাজ ; তোর হেতু সবংশে মজ্জিবে  
 অধম ! এ ভার আমি সহিতে না পারি,  
 ধরিনু, গো, গর্ভে তোরে লক্ষা বিনাশিতে।  
 যে কুক্ষণে তোর্ তনু ছুঁইল দুর্শ্রুতি  
 রাবণ, জানিনু আমি, সুপ্রসন্ন বিধি  
 এতদিনে মোর প্রতি ; আশীষিনু তোরে !  
 জননীর জ্বালা দূর করিলি, মৈথিলি !—

বিধির ইচ্ছায়—জগৎ-নিয়ন্তার ইচ্ছার বশবর্তী হইয়া অর্থাৎ  
 সীতা-হরণ করিয়া রাবণের সবংশে নিধন, বিধাতার এই বিধি-  
 বশে।

বাছা—( ‘বৎস’ শব্দ )। স্নেহ-বাচক সম্বোধন।

তোর্ হেতু—( সীতা-হরণ হেতু )।

মজ্জিবে—মজ্জিত হইবে, ডুবিবে অর্থাৎ মরিবে।

এ ভার—রাবণের উপদ্রব-ভার।

সহিতে না পারি—সহ্য করিতে, বহন করিতে না পারিয়া।

জানিনু আমি—(তখনই)।

সুপ্রসন্ন—সদয়। আমার ভার লাঘব করিবার জন্য উত্তোগী।

আশীষিনু তোরে—(তুষ্ট হইয়া)তোমাকে আশীর্বাদ করিলাম।

সীতার উপলক্ষে বসুধার ভার-লাঘব হইবে, এই জন্য সীতাকে  
 আশীর্বাদ।

জ্বালা—অসহ্য পাপভার বহনের কষ্ট।

ভবিতব্য দ্বার আমি খুলি ; দেখ্ চেয়ে ।’—

“দেখিনু সম্মুখে, সখি, অভভেদী গিরি ;  
পঞ্চ জন বীর তথা, নিমগ্ন সকলে

ভবিতব্য-দ্বার আমি খুলি ; দেখ্ চেয়ে—ভবিতব্যের দ্বার আমি খুলিতেছি অর্থাৎ সমস্ত ভাবী ঘটনা ( যাহা ঘটবে ), আমি চিত্রপটের দ্বারা তোমার সম্মুখে ধরিতেছি,—চাহিয়া দেখ । এখানে ভবিতব্য ঘটনাগুলি জীবন্ত ( Bioscopic ) দৃশ্যের মত করিয়া দেখান হইয়াছে । ঘটনার পরে ঘটনা, যেন জীবন্ত ভাবে, ঘটয়া যাউতেছে ; বস্তুটা নির্দেশ করিয়া দেখাইতেছেন এবং সীতা ( স্বপ্নে ) যেন চক্ষুই দেখিতেছেন ।

ইতালীয় কবি ভার্জিলের *Aeneid*-নামক কাব্যে *Aeneas*-এর পিতা *Anchises* এইরূপ ভবিতব্য-দ্বার খুলিয়া পুত্রকে দেখাইয়াছিলেন । বোধ হয়, তর্ক কবির এই কল্পনার মূল ।

দেখিনু সম্মুখে—( স্বপ্নে )

অভভেদী গিরি—( ঋষ্যমুক্ পর্বত ) । উচ্চ বলিয়া ‘অভভেদী’ অর্থাৎ পর্বত-শির যেন মেঘ ভেদ করিয়া উপরে উঠিয়াছে ।

পঞ্চজন বীর তথা—সেই ঋষ্যমুক্ পর্বতে নল, নীল, হনুমান ও আশুবানের সঙ্গে সূত্রীব বসিয়াছিলেন । কৃত্তিবাসী রামায়ণে দেখ—

“ঋষ্যমুক্ নামে গিরি অতি উচ্চতর ।

চারি পাত্র সহিত সূত্রীব তরুণ ।

নল নীল হনুমান পবননন্দন ।

আশুবান সূত্রীব বসেছে দুই জন ॥”

হুঃখের সলিলে যেন ! হেন কালে আসি'  
 উতরিলা রঘুপতি লক্ষ্মণের সাথে ।  
 বিরস-বদন নাথে হেরি,' লো স্বজনি,  
 উতলা হইলু কত, কত যে কাঁদিলু,  
 কি আর কণ্ঠি ত্যার ? বীর পঞ্চ জনে  
 পূজিল রাঘব-রাজে, পূজিল অনুজে ।

সুগ্রীব জ্যেষ্ঠভ্রাতা ( বালী ) কর্তৃক রাজ্য হইতে বিতাড়িত  
 হইয়া, ঐ চারিজন পারিষদের সঙ্গে ঋষামুক্ পর্বতে বাস  
 করিতেছিলেন ।

নিমগ্ন হুঃখের সলিলে যেন; সীতার সহিত যুদ্ধে পরাজয়ে  
 এবং তৎকর্তৃক রাজ্য-ও-দ্রা-হরণে—সুগ্রীব ও তদীয় অনুচরগণ  
 সকলেই দুঃখিত ।

হেনকালে আসি উতরিলা ইত্যাদি—( সীতা স্বপ্নে  
 দেখিতেছেন ) ।

বিরস-বদন নাথে—সীতা-বিরহে রাম 'বিরস-বদন' অর্থাৎ  
 মলিনমুখ ।

উতলা—চিস্তিতা ।

তার—সে কথার ।

বীর পঞ্চ জনে—( কর্তৃকারক ) । পঞ্চ জন বীর ।

একত্রে পশিলা সবে সুন্দর নগরে ।

“মারি’ সে দেশের রাজা তুমুল সংগ্রামে  
রঘুবীর, বসাইলা রাজ-সিংহাসনে  
শ্রেষ্ঠ যে পুরুষ-বর পঞ্চজন-মাবে ।  
ধাইল চৌদিকে দূত ; আঠলা ধাঠয়া  
লক্ষ লক্ষ বীর-সিংহ যোর কোলাহলে ।  
কাঁপিল বসুধা, সশি, বীর-পদ-ভরে !  
সভয়ে মুদিবু অঁথি ! কাঁহলা হাসিয়া

একত্রে পশিলা সবে—সকলে এক সঙ্গে ; রাম লক্ষণের  
সহিত সঙ্গল-বলে স্ত্রীীব । কৃষ্ণিবাসী রামায়ণে আছে,—

“স্ত্রীীবেরে যেন রাম আখাস বচন ।

সাতজন কিঙ্কিয়ায় করেন গমন ॥”

আধুনিক অনেক সংস্করণেই আছে—‘একত্রে’ ! কিন্তু ১ম  
ও ২য় সংস্করণে আছে—‘একত্রে’ । ইহাই শুদ্ধ ।

সুন্দর নগরে—( কিঙ্কিয়া নগরে ) । বিশ্বকর্মা কর্তৃক নির্মিত  
এই নগর বড় রম্য ছিল ।

সে দেশের রাজা—( কৰ্ম্মকারক ) । কিঙ্কিয়াপতি বালীকে ।

শ্রেষ্ঠ যে পুরুষবর পঞ্চজন মাবে—(স্ত্রীীব) । ‘তাহাকে’ উহ ।

ধাইল চৌদিকে দূত—সীতা-অনুবোধ উত্তর, দক্ষিণ, পূর্ব ও  
পশ্চিম—চারিদিকে বানর-দূত সকল প্রেরিত হইল ।

লক্ষ লক্ষ বীরসিংহ ইত্যাদি—( সীতা-উদ্ধার করিবার জন্য  
সম্মিলিত বাহ্যিক উত্তোগ-ব্যয়ক ) ।

মা আমার,—‘কারে ভয় করিস্, জানকি ?  
সাজিছে সুগ্রীব রাজা উদ্ধারিতে তোরে,  
মিত্রবর । বধিল যে শূরে তোর স্বামী,  
বালি নাম ধরে রাজা বিখ্যাত জগতে ।  
কিষ্কিন্দ্যা-নগর ওই । ইন্দ্র-তুল্য বলী-  
বৃন্দ, চেয়ে দেখ্, সাজে ।—দেখিনু চাহিয়া,  
চলিছে বীরেন্দ্র-দল, জল-শ্রোতঃ যথা  
বরিষায়, হুহুকারি’ । ঘোর মড়মড়ে  
ভাঙিল নিবিড় বন ; শুকাইল নদী ;

মিত্রবর—রানের পরম ‘কু সুগ্রীব ।

তোর স্বামী—( রাম ) । রাজা—সেই রাজা ।

কিষ্কিন্দ্যা নগর ওই—( চিত্রপটের গ্রাম দেখাইয়া ) ।

চেয়ে দেখ্ সাজে—সীতা-উদ্ধারে উত্তোগে ইন্দ্র-তুল্য বীরগণ  
সাজিতেছে ; জননী বহুধা সীতাকে উদ্ভয় মেলিয়া, চাহিয়া দেখিতে  
বলিতেছেন । ইতিপূর্বে সীতা ‘সভয়ে’ অঁাখি মুদিয়াছিলেন ।

জলশ্রোতঃ যথা বরিষায়, হুহুকারি—বর্ষাকালে জলশ্রোত  
যেমন হুহুকার করিয়া চলে, বীরেন্দ্রদলও তদ্রূপ হুহুকার-নাদে  
চলিতেছে । জলশ্রোতঃ—( রাশিভ-বাক্য ) ।

ভাঙিল নিবিড় বন—( বানর-সৈন্য কর্তৃক ) ঘন-পাদপ-বিশিষ্ট  
বনের গাছপালা ভগ্ন হইল ।

শুকাইল নদী—বানর-সৈন্য এত অসংখ্য যে, তাহাদের  
জলপানে নদীসকল শুকাইয়া গেল ; অথবা তাহাদের পদতরে

ভয়াকুল বন-জীব পলাইল দূরে ;  
 পূরিল জগত, সখি, গস্তীর নির্ঘোষে !  
 “উতরিলা সৈন্য-দল সাগরের তীরে ।  
 দেখিলু, সরমা সখি, ভাসিল সলিলে  
 শিলা ! শৃঙ্গধরে ধরি’, ভীম পরাক্রমে

নদীসকল শুকাইয়া গেল। কৃত্তিবাসী রামায়ণে উত্তরাকাশে  
 লবকুশের বিরুদ্ধে রাম-কটকের যুদ্ধযাত্রা-বর্ণনায় আছে—

“অসংখ্য কটক পার হৈল নদী-তীরে ।

জল শুকাইল কটকের পদভরে ॥”

ভয়াকুল বনজীব পলাইল দূরে—বানরেরা বন ভাঙ্গিয়া  
 ফেলায় ও তাহাদের জলপানে নদী সকল শুষ্ক হইয়া যাওয়ায়,  
 খাদ্য ও পানীয়ের অভাব হেতু, সেই বনের অগ্ৰাণ্ড  
 জীবসকল ভীত হইয়া এই বন ছাড়িয়া দূরে স্থানান্তরে  
 পলাইতে লাগিল।

জগত—( বিস্তীর্ণতা-বাক্য ) । জগৎ অর্থাৎ সেই বিস্তীর্ণ  
 বনভূমি ।

উতরিলা—উপস্থিত হইল ।

দেখিলু—( স্বপ্নে চিত্রবৎ ) ।

ভাসিল সলিলে শিলা—নল নামে বীর রাম-কটকের সাগর-  
 পারের নিমিত্ত যখন সাগরে শিলাদি ছাড়া সেতু-বন্ধন করিয়া-  
 ছিলেন, তখন দৈব-দলে শিলাগুলি জলে না ডুবিয়া ভাসিয়া  
 ছিল। ( রামায়ণে দেখ ) ।

উপাড়ি', ফেলিল ক্রমে বীর শত-শত ।  
 বাঁধিল অপূর্ব সেতু শিল্পী-কুল মিলি' ।  
 আপনি বারীশ পাশী, প্রভুর আদেশে,  
 পরিলা শৃঙ্খল পায়ে ! অলঙ্ঘ্য সাগরে  
 লঙ্ঘি', বীর-মদে পার হইল কটক !  
 টলিল এ স্বর্ণপুরী বৈরী-পদ-চাপে ;—  
 'জয়, রঘুপতি, জয় !' ধ্বনিল সকলে !  
 কাঁদিলু হরষে, সখি ! সুবর্ণ-মন্দিরে

উপাড়ি—উৎপাটন করিয়া ।

বারীশ পাশী—জলাধিপতি বরুণদেব । 'পাশী' অর্থাৎ পাশধারী  
 বরুণ ।

পরিলা শৃঙ্খল পায়ে—বরুণে' পায়ে শৃঙ্খল পরিলেন অর্থাৎ  
 সমুদ্র সেতু-রূপ শৃঙ্খলে বন্ধ হইল ।

প্রভুর আদেশে—রামের আজ্ঞায় ।

লঙ্ঘি—লঙ্ঘন করিয়া অর্থাৎ পার হইয়া ।

কটক—সৈন্য সকল ।

এ স্বর্ণপুরী—সীতা বলিতেছেন, স্বপ্নে দেখিলাম যেন এই  
 স্বর্ণপুরী লক্ষা ( যেখানে এখন রহিয়াছি ) টলিতে লাগিল ।

সকলে—বানর-কটকস্ব সকলে ।

কাঁদিলু হরষে—( স্বপ্নে ) । আমার উদ্ধার হইবে ভাবিয়া  
 আহ্লাদে আনন্দাশ্রু বিসর্জন করিলাম ।

দেখিলু স্বর্ণাসনে রক্ষঃ-কুল-পতি ।  
 আছিল সে সভাতলে ধীর ধর্মসম  
 বীর এক ; কহিল সে,—‘পূজ রঘুবরে,  
 বৈদেহীরে দেহ ফিরি’ ; নতুবা মরিবে  
 সবংশে !’—সংসার-মদে মত্ত রাঘবারি,  
 পদাঘাত করি’ তা’রে কহিল কুবালী ।

দেখিলু স্বর্ণাসনে—( স্বপ্নে ) ।

সে সভাতলে—রাবণের সভামধ্যে ।

ধীর ধর্ম সম বীর এক—( বিভীষণ ) । ধীর অর্থাৎ জ্ঞানী ।  
 বিভীষণ ধান্মিক ছিলেন বলিয়া ‘ধর্মসম’ অর্থাৎ ধর্মদেবের মত ।  
 বিষ্ণুর বক্ষঃ হইতে ধর্মদেব আবির্ভূত হইয়াছিলেন । ব্রহ্মবৈবর্ত-  
 পুরাণে আছে ;—

“ধর্মজ্ঞানযুতোধর্মো ধর্মিষ্ঠো ধর্মদোভবে ।”

কহিল সে—( রাবণকে )

পূজ রঘুবরে—রামকে সম্মাননা দ্বারা তুষ্ট কর ।

বৈদেহীরে দেহ ফিরি—সীতাকে রামের নিকট ফিরাইয়া  
 দেও । রামায়ণেও বিভীষণ বারম্বার রাবণকে এই উপদেশ  
 দিয়াছিলেন । ‘বৈদেহী’ অর্থাৎ বিদেহ-রাজকন্যা, সীতা ।

সংসার-মদে মত্ত—বাসনা-মদে মত্ত । সংসার অর্থাৎ ঐহিক  
 বাসনা, ইন্দ্রিয়-সুখ ।

পদাঘাত করি তা’রে কহিল কুবালী—রামায়ণেও আছে, বিভীষণ  
 রাবণকে সীতা ফিরাইয়া দিতে উপদেশ দিলে, রাবণ তাঁহাকে  
 হুর্সাক্য কহিয়া ও পদাঘাত করিয়া অবমানিত করিয়াছিলেন ।



অভিমানে গেলা চলি' সে বীর-কুঞ্জর,  
যথা প্রাণনাথ মোর ।”—কহিলা সরমা,—

“হে দেবি, তোমার দুঃখে কত যে দুঃখিত  
রক্ষো রাজানুজ বলী, কি আর কহিব ?  
দুঃজনে আমরা, সতি, কত যে কেঁদেছি  
ভাবিয়া তোমার কথা, কে পারে কহিতে ?”

“জানি আমি,” উত্তরিলো মৈথিলা রূপসী ;—

“জানি আমি, বিভীষণ উপকারী মম  
পরম ! সরমা সখি, তুমিও তেমনি !

অভিমানে গেলা চলি—রাবণ কর্তৃক অবমানিত হইয়া বিভীষণ  
রামের আশ্রয় লইয়াছিলেন । কনিষ্ঠের ‘অভিমান’ সঙ্গত ।

সে বীর-কুঞ্জর—বিভীষণ । ‘কুঞ্জর’ শ্রেষ্ঠত্ব-বাচক ।

“স্বাক্ষরপদে ব্যাঘ্র-পুঙ্গবর্ষভ-কুঞ্জ  
সিংহশর্দি লনাগাঢ়াঃ পুংসি শ্রেষ্ঠাৰ্ণশোচরাঃ ॥”—( অমর )

কহিলা সরমা—বিভীষণের কথা হওয়াতে, সরমার মনোভাব  
উদ্বেগ হইয়া উঠিল । সীতার জন্ত তাঁহাদের সহানুভূতি যে কত  
গভীর, সে বিষয়ে দুঃখ না বলিয়া সরমা থাকিতে পারিলেন  
না ।

রক্ষো রাজানুজ বলী—রাবণের কনিষ্ঠ ভ্রাতা, বীর বিভীষণ ।

কি আর কহিব—অর্থাৎ কহিয়া বুঝান যায় না ।

ভাবিয়া তোমার কথা—তোমার বিষয় অর্থাৎ তোমার এই  
হরণ-রূপ দুঃখ-জনক বিষয় ভাবিয়া । কৃত্তিবাসা রামায়ণে

আছে যে বাঁচিয়া হেথা অভাগিনী সীতা,  
সে কেবল, দয়াবতি, তব দয়া-গুণে !  
বিস্তৃত কহি, শুন মোর অপূর্ব স্বপন !—

“সাজিল রাক্ষস-বৃন্দ যুব্বিবার আশে ;  
বাজিল রাক্ষস-বাঘ ; উঠিল গগনে  
নিনাদ । কাঁপিলু, সখি, দেখি' বীর-দলে,  
তেজে হতাশন-সম, বিক্রমে কেশরী ।  
কত যে হইল রণ, কহিব কেমনে ?

বিভীষণ রাম-পক্ষে বাইবার সময়ে সরমাকে উপদেশ  
করিয়াছিলেন—

“তুমি জানকীর কাছে থাকি নিরস্তর ।  
সেবন করিবে তাঁরে হইয়ে তৎপর ।  
তেহ যদি অনুমতি দেন তোমারে ।  
তবে রাম অঙ্গীকার করিবে আনারে ।  
হৃদীলা সরমা জানকীতে ভক্তিযতি ।  
যে আজ্ঞা বলিয়া তাহে দিলা অনুমতি ।”

কে পারে কহিতে—( অক্ষমতা-ব্যঞ্জক ) ।

আছে যে বাঁচিয়া হেথা—( এক মনঃকষ্টেও এবং এত উপদ্রব  
সহিয়াও ) ।

• সাজিল রাক্ষসবৃন্দ—( সীতা স্বপ্নে দেখিতেছেন ) ।

তেজে হতাশন-সম—শক্তিতে অগ্নিসম, এখানে শত্রু-ধ্বংসকারী ।

বিক্রমে কেশরী—সাহসে সিংহসম, সিংহসম আক্রমণকারী ।

বহিল শোণিত-নদী ! পর্বত-আকারে  
 দেখিলু শবের রাশি, মহাভয়ঙ্কর !  
 আইল কবন্ধ, ভূত, পিশাচ, দানব ;  
 শকুনি, গৃধিনী আদি যত মাংসাহারী  
 বিহঙ্গম ; পালে-পানে শৃগাল ; আইল  
 অসংখ্য কুকুর । লঙ্কা পুরিল ভৈরবে !

“দেখিলু কর্করু-নাথে পুনঃ সভাতলে,  
 মলিন-বদন এবে, অশ্রময়-আখি,  
 শোকাকুল ! ঘোর রণে রাঘব-বিক্রমে  
 লাঘব-গরব, সহৈ ! কহিল বিষাদে

বহিল শোণিত-নদী —( হতাহতের অসংখ্যত্ব-ব্যাঞ্জক ) ।

দেখিলু—( স্বপ্নে ) ।

শবের রাশি—( হতের অসংখ্যত্ব-ব্যাঞ্জক ) ।

কবন্ধ—স্কন্ধ-কাটা, নির্মস্তক প্রেতাবশেষ ।

লঙ্কা পুরিল ভৈরবে—এ সকল শবাহারী পণ্ড-পক্ষী-পিশাচাদির  
 ভয়ঙ্কর শব্দে লঙ্কা পূর্ণ হইল ।

দেখিলু—( স্বপ্নে ) ।

কর্করু-নাথে পুনঃ সভাতলে—সীতা ( স্বপ্নে ) ইতিপূর্বে  
 একবার রাবণকে সভাতলে দেখিয়াছিলেন—এখন আবার  
 দেখিলেন ; কিন্তু পরাজয়-নিবন্ধন, “মলিন-বদন” ইত্যাদি ।

লাঘব-গরব—হীন-গর্ভ । ( কর্করুনাথের বিশেষণ ) ।

রক্ষোবাজ,—‘হায় বিধি, এই কি, রে, ছিল  
 তোৰ মনে ? যাও সবে, জাগাও যতনে  
 শূলী-শত্ৰু-সম ভাই কুস্তকর্णे মম।  
 কে রাগিবে রক্ষঃ-কুলে সে যদি না পারে ?’  
 ধাইল রাক্ষস-দল ; বাজিল বাজনা  
 ঘোর রোলে ; নারীদল দিল হুলাহুলি।  
 বিরাট মূর্তি-ধর পশিল কটকে  
 রক্ষোবাজী। প্রভু মোর, তীক্ষ্ণতর শরে,

কহিল বিষাদে রক্ষোবাজ—( সীতা অপ্নে গুনিতেন )।

জাগাও যতনে—নিদ্রিত কুস্তকর্णे অনেক চেষ্টা করিল।  
 তবে জাগাইতে হইত, সহজে জাগান অসম্ভব ছিল।

শূলী-শত্ৰু-সম—শত্ৰুর গ্রাম কুস্তকর্णे ও শূলধারী ও বিরাটদেহী।

কে রাগিবে—কে রক্ষা দিবে, বাঁচাবে ?

সে—( কুস্তকর্णे )।

ধাইল রাক্ষসদল—( কুস্তকর্णेের সেনাপতিত্বে যুদ্ধার্থ )।

বাজিল বাজনা—( যুদ্ধাঙ্গোচ-ব্যঞ্জক )।

নারীদল দিল হুলাহুলি—( জয়কাজী-সূচক )।

বিরাট-মূর্তি-ধর—বিশাল-দেহধারী কুস্তকর্णे। ( রক্ষোবাজীর  
 বিশেষণ )।

রক্ষোবাজী—( কুস্তকর্णे )।

তীক্ষ্ণতর শরে—সুতীক্ষ্ণ বাণে। : কুস্তকর্णेের বাণাপেক্ষা  
 অধিকতর তীক্ষ্ণ বাণে।

( হেন বিচক্ষণ শিক্ষা কার্ লো জগতে ? )

কাটিলা তাহার শিরঃ ! মরিল অকালে

জাগ' সে হ্রস্ব শূর । 'জয় রাম'-ধ্বনি

শুনিলু হরষে, সহি ! কাঁদিল রাবণ !

কাঁদিল কনক-লক্ষা হাহাকার-রবে !

“চঞ্চল হইলু, সখি, শুনিয়া চৌদিকে

ক্রন্দন ! কহিলু মায়ে, ধরি' পা ছ'খানি,—

'রক্ষ-কুল-দুঃখে বুক ফাটে, মা, আমার !

বিচক্ষণ শিক্ষা—নিপুণ ( ধনুর্বিদ্যা ) শিক্ষা ।

তাহার শিরঃ—কুম্ভকর্ণের মস্তক ।

'জয় রাম' ধ্বনি—( রাম-পক্ষে, জয়-বাক্যক ) ।

হরষে—হর্ষে, আহ্লাদে । ( রামের জয়, এইজন্ত আহ্লাদ ) ।

কাঁদিল রাবণ—( কুম্ভকর্ণের শূন্য-সংবাদ শুনিয়া ) ।

কাঁদিল কনক-লক্ষা—লক্ষা এখানে সমগ্র লক্ষাবাসী রাক্ষসগণকে বুঝাইতেছে ।

চঞ্চল হইলু—অস্থির হইলাম ( স্বপ্নে ) ।

শুনিয়া—( স্বপ্নে ) । মায়ে—জননী বসুধাকে ।

বুক ফাটে—বক্ষঃ বিদীর্ণ হইয়া যাইতেছে । দুঃখাধিক্যে বক্ষের ভিতর কেমন এক প্রকার ভার ও কষ্ট বোধ হয়, তাহাতে মনে হয় যেন বক্ষঃ ফাটিয়া' যাইবে । বক্ষঃ-দুঃখে সীতার এই কাতরতায় সীতা-চরিত্রের নিগূঢ়তম সৌন্দর্য্য ফুটিয়া উঠিয়াছে ।

পরেরে কাতর দেখি সতত কাতরা

এ দাসী ; ক্ষম, মা, মোরে !'—হাসিয়া কহিল।

বসুধা,—‘লো রঘুবধু, সত্য যা’ দেখিলি ।

লগুভণ্ড করি’ লক্ষা, দণ্ডিবে রাবণে

পতি তোর্ দেখ্ পুনঃ নয়ন মিলিয়া ।’—

পরেরে—অগ্ৰকে ।

ক্ষম, মা, মোরে - হে মাতঃ, আমায় ক্ষমা কর অর্থাৎ আর এ  
দুঃখ-জনক দৃশ্য দেখাইও না ।

হাসিয়া কহিল। বসুধা—সীতার কাতবতা দেখিয়া বসুধা  
ভাবিলেন যে, স্বপ্নে ভাবা ঘটনার এই মায়া-দৃশ্য দেখিয়াই সীতা  
এত কাতরা ; না জানি, যখন সত্য-সত্য ঐ সকল ঘটনা  
ঘটিতে থাকিবে, তখন সীতা কি করিবেন !—ইহাই বসুধার  
হাসিবার কারণ, এবং এই ভাবিয়াই বসুধা বাগতেছেন,—“লো  
রঘুবধু, সত্য যা দেখিলি !” ইত্যাদি ।

সত্য যা দেখিলি—ইহা শুধু স্বপ্নদৃষ্ট অলৌক ব্যাপার নহে,  
—বাস্তবিকই ঐ সকল ঘটনা ঘটিবে অর্থাৎ ভাবী ঘটনার  
মায়া-দৃশ্য দেখিয়াই কাতরা হইলে চলিবে না ; ঐ সকল ব্যাপার  
বাস্তবিকই অচিরে সংঘটিত হইবে জানিয়া, তাহার জন্ত প্রস্তুত  
হও, মনকে দৃঢ় কর, ইহাই ভাব ।

লগুভণ্ড করি লক্ষা—লক্ষাকে ছারখার করিয়া, উচ্ছিন্ন বিচ্ছিন্ন  
করিয়া ।

দেখ্ পুনঃ নয়ন মিলিয়া—( এ সবই স্বপ্ন ) ।

মিলিয়া—মেলিয়া, খুলিয়া ।

“দেখিনু, সরমা সখি, সুরবালা-দলে,—  
 নানা আভরণ হাতে, মন্দারের মালা,  
 পটুবস্ত্র ! হাসি' তারা বেড়িল আমারে ।  
 কেহ কহে,—‘উঠ, সতি, হত এত দিনে  
 ছরন্তু রাবণ রণে !’ কেহ কহে,—‘উঠ,  
 রঘুনন্দনের ধন, উঠ, ছরা করি’,  
 অবগাহ দেহ, দেবি, সুবাসিত জলে ;

হাসি তারা বেড়িল আমারে—এখানে সীতার উদ্ধার জন্ত  
 আনন্দই সুরবালাদিগের হাসির কারণ ।

কেহ কহে—কোন সুরবালা কহিল ।

সতি—এত বিপজ্জাল এড়াইয়া এতৎ রাবণ-গৃহে এতকাল  
 বাস করিয়াও সতীত্ব অক্ষুণ্ণ রাখিয়া, এখন পতির সহিত পুনর্মিলন,  
 ইহা সতীর ভাগ্যেই ঘটে ; ইহাই এখানে “সতি” সম্বোধনের সুন্দর  
 সার্থকতা ।

উঠ—চল অর্থাৎ রামের কাছে যাইবার জন্ত প্রস্তুত হও ।

রঘুনন্দনের ধন—রামের প্রিয়া । ( ‘ধন’—প্রিয়ার্থ-বাচক ) ।

অবগাহ দেহ—দেহ অবগাহ অর্থাৎ নিমজ্জন কর, স্নান কর ।  
 রাবণ-বধান্তে রামাদেশে সীতাকে স্নান করাইয়া, অঙ্গ-রাগ করাইয়া  
 ও আভরণ পরাইয়া রাম-সমীপে আনয়নের কথা বাস্তবিক ও  
 কৃত্তিবাস—দুয়েই আছে ।

সুবাসিত জলে—( স্বামী-সকাশে যাইবার উপযোগী বিলাস-  
 ব্যঞ্জক ) ।

পর নানা-আভরণ । দেবেন্দ্রাণী শচী  
দিবেন সীতায় দান আজি সীতানাথে !’

“কহিনু, সরমা সখি, করপুটে আমি ;—  
‘কি কাজ, হে সুরবালা, এ বেশ-ভূষণে  
দাসীর ? যাইব আমি যথা কাম্য মম,  
এ দশায়, দেহ আজ্ঞা ; কাঙ্গালিনী সীতা ;—  
কাঙ্গালিনী-বেশে তা’রে দেখুন্‌ নুমণি !’

পর নানা আভরণ—কারণ, অশোকবনে সীতা একেবারেই  
নিরাভরণা ছিলেন । (ইতিপূর্বে কথারম্ভে সরমার উক্তি দেখ ) ।

দেবেন্দ্রাণী শচী দিবেন সীতায় দান ইত্যাদি—রাবণ-বধে  
বিশেষতঃ ইন্দ্রজিতের বধে ইন্দ্র বড়ই খুসী । আর খুসী, ইন্দ্রের  
শচী । তাই শচী-দেবী ত আগ্রহে ও আহ্লাদে সীতাকে লইয়া  
রামের হাতে পুনরায় সমর্পণ করিবেন ।

দান—রাম ত সীতাকে হারাইয়াই ছিলেন ; সুতরাং এখন  
রামের হাতে সীতাকে দেওয়া একপ্রকার ‘দানস্বরূপ ।

সীতানাথে—যাহার সীতা তাঁহাকে অর্থাৎ রামকে ।

কহিনু—( স্বপ্নে ) ।

করপুটে—করজোড়ে । কি কাজ—কি প্রয়োজন ।

এ বেশ ভূষণে—এ বেশ-ভূষা করিবার । দাসীর—( সীতার ) ।

এ দশায়—এই আভরণ-হীন অবস্থায় । কাঙ্গালিনী—  
চিরছঃধিনী ।



“উত্তরিলি সুরবালা ;—‘শুন, লো মৈথিলি ।—  
সমল খনির গর্ভে মণি ; কিন্তু তারে  
পরিষ্কারি’ রাজ-হস্তে দান করে দাতা ।

“কাঁদিয়া, হাসিয়া, সই, সাজিনু সত্বরে ।  
হেরিনু অদূরে নাথে, হায় লো, যেমতি

মৈথিলি—( সীতাকে সম্বোধন ) । মিথিলাসম্মতে ।

সমল—( মণির বিশেষণ ) । খনির মধ্যে মণি সমলই হইয়া  
থাকে ।

কিন্তু তারে পরিষ্কারি ইত্যাদি—যে ব্যক্তি রাজাকে মণি  
উপহার দেয়, সে খনির সমল মণিকে পরিষ্কার, বিমল করিয়াই  
দেয় । সমল মণি কখন উপহার দিবার যোগ্য নহে । তজ্জপ,  
তুমি খনির গর্ভে সমল মণির গ্ৰাণ এত দিন এই  
অশোক-বনে মলিন অবস্থায় নিঃশ্রবণ হইয়াছিলে, কিন্তু  
এখন আমরা তোমায় রাজ-হস্তে উপহার দিতেছি ; সুতরাং  
তোমায় দিব্য বস্ত্রে ও অলঙ্কারে সাজাইয়া লইয়া যাইব ।

কাঁদিয়া, হাসিয়া—( স্বপ্নে ) । সুদীর্ঘ বিরহের পরে আজ  
স্বামী-সম্মিলন সমুপস্থিত । এই সময়ে মনের আবেগ অনিবার্য  
এবং ঐ আবেগই কাঁদিবার কারণ । আর, হাসিবার কারণ  
এই যে, মনের এই আবেগ সবেও আবার দেহের সাজসজ্জা  
করিতে হইতেছে !

হেরিনু অদূরে নাথে—( স্বপ্নে ) ।

হায় লো—( বিষাদ-ব্যঞ্জক ) । হরণের পরে সীতা এই স্বপ্নে  
রামকে দেখিয়াছিলেন মাত্র । বস্তুতঃ, এখন পর্য্যন্ত রামের

কনক-উদয়াচলে দেব অংশুমালী !  
 পাগলিনী-প্রায় আমি খাইনু ধরিতে  
 পদযুগ, সুবদনে !—জাগিনু অমনি !—

সহিত দেখা হয় নাই, এই জন্ত বিবাদ । আর এক অর্থেও  
 হইতে পারে—যথা “আহা” । “কনক-উদয়াচলে দেব অংশু-  
 মালী’র সৌন্দর্য্য-ব্যাঙ্গক । কিন্তু বোধ হয়, পূর্বোক্ত অর্থই  
 অধিকতর সঙ্গত ।

কনক-উদয়াচলে দেব অংশুমালী—ইহাতে সীতার দুঃখ-  
 নিশার প্রভাত সূচিত হইয়াছে । নিশান্তে পথিক যেমন সুবর্ণ-  
 রঞ্জিত উদয়াচলে সূর্য্যদেবকে দেখিয়া সুখী হয়, দুঃখনিশাক্রিষ্ট  
 সীতাও তেমনি বনকুল-রবি রামকে দেখিয়া সেইরূপ সুখী  
 হইলেন ।

পাগলিনী-প্রার—উন্নতর মত, যেন জ্ঞানশূন্য হইয়া  
 অপরিচিত-বহুজন-সমক্ষে লজ্জাজনোচিত লজ্জা না করাতে  
 জ্ঞানশূন্যতা প্রকাশ পাইতেছে । বহুকষ্টের পরে সাক্ষাতে আবেগের  
 আতিশয়ো জ্ঞানহার্য হইতে হয় ।

খাইনু—( ব্যগ্রতা-ব্যাঙ্গক ) ।

পদযুগ—( রামচন্দ্রের ) ।

জাগিনু অমনি—রামচন্দ্রের পদযুগ-দর্শনই সীতার পক্ষে এ  
 স্বপ্ন-কাহিনীর চরম সীমা । কবি এই চরম সীমায় আনিয়া  
 সীতার স্বপ্নের শেষ করিয়াছেন । স্বপ্নে সীতা রামকে দেখিয়া  
 তাঁহার পদযুগ ধরিতে ধাবমানা হইলেন অমনি স্বপ্ন-ভঙ্গ হইল ।  
 এ স্থলে একটা কথা বলা আবশ্যিক । কথিত আছে, স্বপ্নে দৌড়াইতে

সহসা, স্বজনি, যথা নিবিলে দেউটী,  
ঘোর অন্ধকার ঘর ; ঘটিল সে দশা  
আমার ;—আঁধার বিশ্ব দেখিনু চৌদিকে !  
হে বিধি, কেন না আমি মরিনু তখনি ?

গেলেই স্বপ্ন ভাঙ্গিয়া যায় । এখানে সীতা ( স্বপ্নে দীর্ঘ-বিরহান্তে )  
রামচন্দ্রকে দেখিয়া 'বাস্তু হইয়া পদযুগ ধরিতে যেমন "ধাইলেন,"  
অমনি স্বপ্ন ভাঙ্গিয়া গেল । তঁহা অতি সুন্দর স্তম্ভাবোক্তি ।

সহসা, স্বজনি, যথা নিবিলে দেউটি ইত্যাদি—দীপালোকিত  
ঘরের দীপ অকস্মাৎ নিবিয়া গেলে, ঘরের অন্ধকার যেমন  
দ্বিগুণিত বোধ হয়, স্বপ্নে উদ্ধারান্তে রামচন্দ্রের পদযুগ-দর্শন  
লাভ করিয়া, অব্যবহিত পরেই স্বপ্ন-ক্ষেত্রে আঁধার সেই অপহারী  
রাবণকে দেখিয়া সীতার মনের দুঃপাককার তেমনই যেন  
দ্বিগুণিত হইয়া উঠিল । স্বপ্নে উদ্ধার-বটনা সীতার হৃদয়-  
কুটীরে দীপালোক-স্বরূপ ছিল । স্বপ্নভঙ্গে সে দীপ যেন  
নিবিয়া গেল ; তখন হৃদয়কুটীর আঁধার ঘোরতর তমসাক্ত হইল ।

ঘোর অন্ধকার—নিবিড় আঁধার ।

আঁধার বিশ্ব দেখিনু চৌদিকে—( নৈরাশ্র সূচক ) । সীতার  
চক্ষে জগৎ যেন ঘোর অন্ধকারময় বোধ হইতে লাগিল,  
কোথাও আশার একটু ক্ষীণ আলোক-রেখাও নাই ।

কেননা আমি মরিনু তখনি—বিবাদ যখন গাঢ়তম, নৈরাশ্র  
যখন চরম, তখনই ত মরণ বাঞ্ছনীয় । তবে কেন আমি  
তখনই মরিলাম না, ইহাই দুঃখ ।

কি সাথে এ পোড়া প্রাণ রহিল এ দেহে ?”

নীরবিলা বিধুমুখী, নীরবে যেমতি

বীণা, ছিঁড়ে তার যদি ! কাঁদিয়া সরমা

( রক্ষঃ-কুল-রাজলক্ষ্মী রক্ষোবধুরূপে )

কি সাথে ?—কি ইচ্ছায়, কি কামনায় ? হৃদয় যখন  
নৈরাশ্রে একেবারে পূর্ণ, তখন আর কোন কামনা থাকা  
সম্ভব নহে, ঠাইই ভাব ।

এ পোড়া প্রাণ—নিজের প্রাণকে উদ্দেশ্য করিয়া সীতা  
বলিতেছেন । ‘পোড়া’ ভাগাহীনতা-ব্যঞ্জক ।

নীরবিলা—নীরব হইলেন ।

বিধুমুখী—( সীতা ) ।

নীরবে—( ক্রিয়াপদ ) নীরব হয় ।

যেমতি বীণা ইত্যাদি—বাস্তবমান বীণার তার ছিঁড়িয়া গেলে  
বীণা-ধ্বনি যেমন হঠাৎ একেবারে বন্ধ হইয়া যায় । স্বপ্নে সীতার  
উদ্ধার-কাহিনী মধুরতার বীণাধ্বনিবৎ । তাহা চরম সীমার  
উঠিয়াছিল রামের সহিত সন্মিলনে । ঠিক এই সময়েই স্বপ্ন-ভঙ্গ  
হওয়ার, সীতা দেখিলেন, সম্মুখে যে রাবণ সেট রাবণ,—কোথায়  
বা রাম, আর কোথায় বা তাঁহার সহিত সন্মিলন ! ‘ছিঁড়ে তার  
যদি’ বলায়, এই ঘোরতর দশা-বিপর্যায় সুন্দর সূচিত হইয়াছে ।

কাঁদিয়া সরমা—( সমবেদনা-ব্যঞ্জক ) ।

রক্ষঃকুল-রাজলক্ষ্মী—রক্ষোবধুরূপে-রক্ষঃকুল-রাজশ্রী যেন রক্ষো-  
বধু সরমা-রূপে বিরাজমানা । সদ্গুণসম্পন্ন রাজশ্রী যেন সরমায়

। ‘রাজলক্ষ্মী’ সদ্গুণ-ব্যঞ্জক ।

কহিলা ;—“পাইবে নাথে, জনক-নন্দিনি !  
সত্য এ স্বপন তব, কহিনু তোমাতে !  
ভাসিছে সলিলে শিলা ; পড়েছে সংগ্রামে  
দেব-দৈত্য-নর-ত্রাস কুন্তকর্ণ বলী ;

পাইবে নাথে—বাল্মীকি-রাহারণে সীতার প্রতি সরমার  
আখ্যায়িক আছে—

“শোকন্তে বিগতঃ সর্বং কল্যাণংহামুপস্থিতম্ ।  
ধ্রুবং হাং ভজতে লক্ষ্মীঃ শিরন্তে ভবতি শৃণু ।

\* \* \* \*

রাবণং সমরে হৃদা ভর্তাধাধিপমিব্যতি ।”

কহিনু তোমাতে—( নিশ্চয়ার্থ-জ্ঞাপক ) ।

ভাসিছে সলিলে শিলা—সীতা স্বপ্নে দেখিয়াছিলেন,—

“উতরিল। সৈন্তমল সাগরের তীরে ।  
দেখিনু, সরমা সখি,ভাসিল সলিলে  
শিলা !—”

এখন সত্য-সত্যই সাগর-বাক্ষে শিলা ভাসিতেছে ; তাই  
সরমা বলিতেছেন যে, সীতার স্বপ্ন-বৃত্তান্ত সবই সত্য । যাহা-  
যাহা সীতা স্বপ্নে দেখিয়াছেন, সবই ফলিগাছে ; সুতরাং আর  
যাহা বাকী আছে, তাহাও নিশ্চয় ফলবে ।

পড়েছে সংগ্রামে দেব-দৈত্য-নর-ত্রাস কুন্তকর্ণ বলী—ইহাও  
সীতা স্বপ্নে দেখিয়াছিলেন ; ( ইতিপূর্বে দেখ ) । ইহাও  
ফলিগাছে—যুদ্ধে কুন্তকর্ণ নিহত হইয়াছে ।

সেবিছেন বিভীষণ জিষ্ণু রঘুনাথে  
লক্ষ-লক্ষ বীর সহ । মরিবে পৌলস্ত্য  
যথোচিত শাস্তি পাই' ; মজিবে দুর্ন্যতি

সেবিছেন বিভীষণ জিষ্ণু রঘুনাথে—সীতা স্বপ্নে ইহাও  
দেখিরাছিলেন ; ( ইতিপূর্বে দেখ ) । ইহাও ঘটনাছে—বিভীষণ  
রামপক্ষ দেবা অর্থাৎ রামপক্ষকে সাহায্য করিতেছেন ।

জিষ্ণু—জয়ী, জয়শীল ।

লক্ষ-লক্ষ বীর সহ—বিস্তর সেনাব সহিত : বাল্মীকি ও  
কৃত্তিবাসে দেখা যায় যে, চারিজন নন্দীর সহিত বিভীষণ রক্ষঃপক্ষ  
ত্যাগ করিয়া রামপক্ষ যোগ দিয়াছিলেন : করির ইহা ভাবাও  
অসম্ভব নয় যে, বিভীষণের সঙ্গে তাঁহার অনুগত বিস্তর সৈন্যও  
ছিল ।

আর, এক অর্থ করিতে পাওয়া যায় যে, লক্ষ-লক্ষ ( কিকিক্যার )  
বীর যেমন রঘুনাথের সেবা করিতেছেন, বিভীষণও তাঁহাদের  
সঙ্গে তাঁহাদের মত রঘুনাথকে সেবা করিতেছেন—অর্থাৎ  
সহায়তা করিতেছেন ।

মরিবে পৌলস্ত্য ইত্যাদি—( সীতার স্বপ্নে, বসুধার উক্তি  
দেখ ) । সরমা বলিতেছেন যে, যখন সকলই ঘটনাছে, তখন  
রাবণ-বধও ঘটবে ।

পৌলস্ত্য—পুলস্ত্য সন্তান ( রাবণ ) ।

যথোচিত শাস্তি পাই—পরশ্মী-হরণ যেমন মহাপাপ, তেমনি  
তার উপযুক্ত শাস্তি অর্থাৎ পুত্র-পৌত্র-ভ্রাতাদি আত্মীয়স্বজনের  
নিধন-দর্শন-রূপ শাস্তি পাইয়া ।

সবংশে ! এখন কহ, কি ঘটিল পরে ;—

অসীম লালসা মোর শুনিতে কাহিনী ।”

আরস্ত্রিলা পুনঃ সতী সুমধুর স্বরে ;—

“মিলি আঁখি, শশিমুখি, দেখিনু সম্মুখে

রাবণে ; ভূতলে, হায়, সে বীর-কেশরী,

মজিবে—ভুবিবে, অর্থাৎ মরিবে ।

এখন কহ, কি ঘটিল পরে—যখন জটায়ুর সহিত রাবণের যুদ্ধ হইতেছিল, তখন সীতা ভূতলে মুচ্ছিতা হইয়াছিলেন । সেই মোহ-অবস্থায় স্বপ্নে ভাবী-ঘটনার দৃশ্যপট দেখিতেছিলেন । তৎপরে সীতার স্বপ্ন ভাঙ্গে । এই পর্য্যন্ত বলিয়া সীতা নীরব হইয়াছেন । এখন সরমা সীতাকে বলিতেছেন—স্বপ্ন-ভঙ্গের পরে ক হইল, বল ।

অসীম লালসা মোর শুনিতে কাহিনী—সরমা বলিতেছেন,  
—তোমার হরণ-কথা শুনিতে আমার অসীম ইচ্ছা ; যতই শুনিতেছি, ততই আরও শুনিতে ইচ্ছা হইতেছে ।

মিলি আঁখি—( স্বপ্নভঙ্গান্তে জাগিয়া ) চক্ষু মেলিয়া, খুলিয়া ।

ভূতলে—( আঘাতিত হইয়া ) ভূতলে পতিত ।

হায়—( জটায়ুর জগ্ন সীতার শোক-ব্যঞ্জক ) ।

সে বীর-কেশরী—জটায়ু । সীতা তাঁহার নাম না জানায়  
‘সে বীর কেশরী’ বলিয়াছেন ।

তুঙ্গ শৈল-শৃঙ্গ যেন চূর্ণ বজ্রাঘাতে !

“কহিল রাঘব-রিপু ;— ‘ইন্দীবর-অঁধি  
উন্মালি,’ দেখ, লো, চেয়ে, ইন্দু-নিভাননে,  
রাবণের পরাক্রম ! জগত-বিখ্যাত

তুঙ্গ শৈল শৃঙ্গ—( জটায়ু-দেহের বিরাটক-ব্যঞ্জক ) । জটায়ু  
সম্বন্ধে বাল্মীকি রামায়ণে আছে—

“মার্গেব্রজন্ দদশাথ শৈল শৃঙ্গমিবহিতম্ ।

বৃদ্ধং জটায়ুং রামঃ কিমেতদিত্তি বিস্মিতঃ ॥”

স্থানান্তরে জটায়ু-সম্বন্ধে আছে—

“পৰ্বতকূটাতঃ মহাভাগং দ্বিলোকমম্ ।

দদশ পতিতং ভূমৌ কতপ্রাজ্ঞং জটায়ুসম্ ॥”

শ্রীরাম-রসায়নে আছে—

“হিঙ্গপক হৈয়া তর্কসেই বিহঙ্গম ।

পড়িলা ভূতলে বজ্রহত গিরিসম ॥”

রাঘব-রিপু—( রাবণ ) । রাঘবের রিপু অথবা রাঘব যাহার  
রিপু ।

ইন্দীবর-অঁধি উন্মালি—নৌগোৎপল-সদৃশ চক্ষু উন্মালন করিয়া  
অর্থাৎ খুলিয়া ।

রাবণের পরাক্রম—( আত্মশ্লাঘা-ব্যঞ্জক ) । রাবণের বিক্রম  
দেখিয়া ভয়ে সীতা বশীভূতা হইবেন, এই উদ্দেশ্যে রাবণ সীতার  
কাছে নিজের বিক্রমের শ্লাঘা করিতেছেন ।



জটায়ু হীনায় আজি মোর ভুজ্জ-বলে !  
নিজ দোষে মরে মূঢ় গরুড়-নন্দন !  
কে কহিল মোর সাথে যুঝিতে বর্কবরে ?

অগত-বিখ্যাত জটায়ু—জটায়ু বীরছে অগত-বিখ্যাত । ইনি ইন্দ্রকে জয় করিয়াছিলেন । সূর্য্যকেও আক্রমণ করিয়াছিলেন । ‘জটায়ু’ অর্থে দীর্ঘায়ু । “জটা” রাশি-ব্যঞ্জক ।

হীনায়ু—মুমূর্ষু । এক টীকাকার ‘হীনায়ু’ অর্থে “আয়ুহীন” অর্থাৎ “মরিল” বলিয়াছেন । এই টীকাকারই ইতিপূর্বে “হীনপ্রাণা হরিণী” অর্থে মৃত্যু হরিণী বুঝিয়াছেন । সেখানেও যেমন ‘হীনপ্রাণা’ অর্থে মৃত্যু নহে, এখানেও তেমনি ‘হীনায়ু’ অর্থে মৃত্যু নহে,—মুমূর্ষু । ইহার পরেই আছে “কহিল শূর অতি মূঢ় স্বরে” । মৃত্যু আবার কথা কহিল কেমন করিয়া ? কলে, জটায়ু আঘাতিত হইয়া মৃত্যুপ্রায় হইয়াছিলেন ; কিন্তু তখনও মরেন নাই । রাবণ তাকে হরণ করিয়া লইয়া গেলে, পরে মুমূর্ষু জটায়ুর সহিত রামেরও সাক্ষাৎ হইয়াছিল ; ইহা রামায়ণেও আছে ।

গরুড় নন্দন—জটায়ু । কৃত্তিবাসী রামায়ণে আছে—

“জটায়ু আমার নাম গরুড়-নন্দন ।”

মতান্তরে, গৃধরাজ জটায়ু গরুড়-ভ্রাতা অক্রণের পুত্র, শ্রোত্রী-গর্ভজাত । ইনি দশরথের বন্ধু ছিলেন ; সুতরাং রামের পিতৃসখা ।

বর্কবরে—রাবণের সহিত যুদ্ধে জয়ী হওয়া সম্ভব নহে, বরং মৃত্যুই নিশ্চয়, ইহা না জানাই ( রাবণের মতে ) জটায়ুর বর্কবরতা অর্থাৎ মূর্খতা, জ্ঞানহীনতা ।

“ধর্ম-কর্ম সাধিবারে মরিনু সংগ্রামে,  
 রাবণ ;—কহিলা শূর অতি মূঢ়স্বরে,—  
 ‘সম্মুখ-সমরে পড়ি’ যাই দেবালয়ে ।  
 কি দশা ঘটবে তোর, দেখরে ভাবিয়া ।  
 শৃগাল হইয়া, লোভি, লোভিলি সিংহীরে ।

ধর্ম কর্ম সাধিবারে—পরদ্রা-অপহারী রাবণকে বধ করিয়া  
 রঘু-কুল-বধু সীতার উদ্ধার সাধনার্থে । ‘ধর্ম-কর্ম’ অর্থাৎ  
 ধর্মজনক কর্ম বা ধর্মানুমোদিত কর্ম ।

অতি মূঢ়স্ববে—মুমূর্ষু হেতু স্বরের অত্যন্ত মূঢ়তা ।

সম্মুখ-সমরে পড়ি—( বীরত্ব-ব্যঞ্জক ) ।

যাই দেবালয়ে—বীরধর্ম পালনের পুরস্কার-স্বরূপ স্বর্গে  
 যাইতেছি । কৃষ্ণিবাসী রামায়ণে আছে—

“মৃত্যুকালে বন্দি পক্ষী শ্রীরাম-লক্ষণ ।

দিবারথে চাঞ্চিঃস্বর্গ করিল গমন ॥”

কি দশা—কি দুর্দশা ।

শৃগাল হইয়া, লোভি, লোভিলি সিংহীরে—কৃষ্ণিবাসী রামায়ণে  
 রাবণের প্রতি সীতার উক্তি আছে—

“শৃগাল হইয়া তোর সিংহে বায় সাধ ।

সবংশে মরিবি তুই রামের সঙ্গে বাদ ॥”

অন্যত্র আছে—

“শ্রীরাম কেশরী তুই শৃগাল যেমন ।”

‘লোভি’—( রাবণকে সছোদন ) । লোভকারী, লুব্ধ অর্থাৎ  
 কামুক, লম্পট ।

কে তোরে রক্ষিবে, রক্ষঃ ? পড়িলি সঙ্কটে,  
লঙ্কানাথ, করি' চুরি এ নারী-রতনে !'

“এতেক কহিয়া বীর নারব হইলা ।

তুলিল আমায় পুনঃ রথে লঙ্কাপতি ।  
কুতাঞ্জলি-পুটে কাঁদি' কহিনু, স্বজনি,  
বীরবরে ;—‘সীতা নাম, জনক-দুহিতা,  
রঘুনাথু দাসা, দেব ! শূণ্য ঘরে পেয়ে  
আমায়, হারিছে পাপী ; কহিও এ কথা

লোভিলি সিংহীরে—সিংহীকে অর্থাৎ সিংহীর প্রতি লোভ  
করিলি ।

কে তোরে রক্ষিবে-- কে রক্ষা করিবে ? অর্থাৎ তোকে রামের  
হাত হইতে কে বাঁচাইবে ? রামের হাতে তোর মৃত্যু অনিবাধ্য,  
ইহাই ভাব ।

সঙ্কটে—বিপদে ।

করি চুরি এ নারী-রতনে—সীতারূপ এই স্ত্রীরত্নকে হরণ  
করিয়া । ‘এ’ বিশেষত্ব-ব্যঞ্জক অর্থাৎ রাবণ অগ্ৰাণ্ড নারীরত্ন চুরি  
করিয়া কখন সঙ্কটে পড়েন নাই ; কিন্তু ‘এ’ নারীরত্ন চুরি  
করিয়া সঙ্কটে পড়িলেন, ইহাই ভাব । পড়িবার সময়ে ‘এর’  
উপর জোর দিয়া পড়িতে হইবে ।

বীর—( জটায়ু ) ।

তুলিল আমায় পুনঃ—( তুলিল হইতে ) ।

বীরবরে—জটায়ুকে । দাসী—এ দাসী ।

দেখা যদি হয়, প্রভু, রাঘবের সাথে ।’

“উঠিল গগনে রথ গন্তীর নির্ঘোষে ।

শুনিমু ভৈরব রব ; দেখিমু সম্মুখে

সাগর নীলোন্মিময় ! বহিছে কল্লোলে

অতল, অকূল জল, অবিরাম-গতি !

ঝাঁপ দিয়া জলে, সখি, চাহিমু ডুবিতে ;

নিবারিল ছুঁষ্ট মোরে ! ডাকিমু বারীশে,

জলচরে, মনে-মনে ;— কেহ না শুনিল,

প্রভু—( জটায়ুকে সম্বোধন ) ।

শুনিমু ভৈরব রব—( সাগরের ) ।

সাগর নীলোন্মিময়—নীল-তরঙ্গাকুলিত সমুদ্র । তরঙ্গায়িত  
নীল সমুদ্র । “ময়” এখানে বিস্তার-বাঞ্ছক অর্থাৎ বতদূর দৃষ্টি  
যায়, কেবল নীল তরঙ্গপুঞ্জ দেখা যাইতেছে ।

কল্লোলে—কল্লোল করিয়া, অব্যক্ত শব্দ করিয়া ।

অতল, অকূল জল—‘অতল’ গভীরতা-বাঞ্ছক ; ‘অকূল’  
বিস্তীর্ণতা-বাঞ্ছক । সমুদ্র যেমন অতল, তেমনি অকূল ।

অবিরাম গতি—যে প্রবাহ-গতির বিরাম নাই, যাহা অবিশ্রান্ত-  
রূপে প্রবাহিত । ছুঁষ্ট—( রাষণ ) ।

ডাকিমু—( আমার উদ্ধারার্থ ) ।

বারীশে—সমুদ্রকে ।

অবহেলি' অভাগীরে ! অনস্বর-পথে  
চলিল কনক-রথ মনোরথ-গতি ।

“অবিলম্বে লঙ্কাপুরী শোভিল সম্মুখে ।  
সাগরের ভালে, সখি, এ কনক-পুরী  
রঞ্জনের রেখা । কিন্তু কারাগার যদি  
সুবর্ণ-গঠিত, তবু বন্দীর নয়নে  
কমনীয় কভু কি, লো, শোভে তার আভা ?  
সুবর্ণ-পিঞ্জর বলি' হয় কি, লো, সুখী

অবহেলি—এত ডাকা সম্বোধন তাহারা সীতার সাহায্য  
করিল না, তখন সীতার মনে হইল, যেন তাহারা তাঁহাকে  
সত্য-সত্যই অবজ্ঞা করিতেছে । বিপদে মনের ভাব এইরূপই  
হয় ।

অনস্বর-পথে—আবরণ-হীন পথে অর্থাৎ আকাশ-পথে ।

মনোরথগতি—( ক্রিয়া-বিশেষণ ) । মন-রূপ রথের গতিতে  
অর্থাৎ অতি শীঘ্রগতিতে । মনোরথের গতি চিরপ্রসিদ্ধ—

“তীর, তারা, উল্কা, বায়ু, শীঘ্রগামী যেন,

মনের অগ্রে:ত বল যেতে পারে কেবা ?” ( ভারতচন্দ্র )

এ কনক-পুরী—এই সুবর্ণমণ্ডিত লঙ্কাপুরী ।

রঞ্জনের রেখা—রক্তচন্দনের ফোঁটা ।

কিন্তু কারাগার যদি ইত্যাদি—এমন-যে সুবর্ণমণ্ডিত সুন্দর  
লঙ্কাপুরী, কিন্তু আমার পক্ষে তাহা ভাল লাগিতে পারে না ;  
কারণ, আমি বন্দীভাবে তথায় আবদ্ধ হইতে চলিয়াছি ।

কমনীয়—বাহুনীয়, অভিলষনীয় ।

বলি—বলিয়া ।

সে পিঞ্জরে বদ্ধ পাখী ? দুঃখিনী সতত,  
 যে পিঞ্জরে রাখ তুমি কুঞ্জ-বিহারিণী !  
 কুঞ্জে জনম মম, সরমা-সুন্দরি ।  
 কে কবে শুনেছে, সখি, কহ, হেন কথা ?—  
 রাজার নন্দিনী আমি, রাজ-কুল-বধু,  
 তবু বদ্ধ কারাগারে ।”—কাঁদিলে রূপসী,  
 সরমার গলা ধরি’ ; কাঁদিলে সরমা ।  
 কত ক্ষণে চক্ষুঃ-জল মুছি’ সুলোচনা  
 সরমা কহিলে ;—“দেবি, কে পারে খণ্ডিতে  
 বিধির নিবন্ধ ? কিন্তু সত্য যা’ কহিলে

দুঃখিনী সতত—( স্বাধীনতা-হীনতার ) ।

কুঞ্জ-বিহারিণী—( স্বাধীনতা-ব্যঞ্জক ) । পক্ষীকে ।

হেন কথা—রাজকন্যা ও রাজবধু হইয়াও কারাগারে বদ্ধ,  
 এই আশ্চর্য্য কথা । ‘হেন’ আশ্চর্য্য-ব্যঞ্জক ।

কতক্ষণে—কতক্ষণ পরে ।

খণ্ডিতে—খণ্ডন করিতে ।

বিধির নিবন্ধ—বিধির বিধান, বিধাতার ব্যবস্থা ।

কিন্তু—( আশাস্চক্যার্থে ) । সরমা বলিতেছেন—বিধির  
 বিধান কে খণ্ডন করিতে পারে ? অর্থাৎ তাহা ঘটবেই । ‘কিন্তু’  
 ( ভয় নাই )—বসুধা সত্যই বলিয়াছেন যে, বিধির ইচ্ছার রাষণ  
 সবংশে মরিবার অস্ত্রই তোমাকে হরণ করিয়া আনিয়াছে ।

বসুধা । বিধির ইচ্ছা, তেঁই লঙ্কাপতি  
 আনিয়াছে হরি' তোমা । সবংশে মরিবে  
 ছুষ্টমতি । বীর আর কে আছে এ পুরে—  
 বীরযোনি ? কোথা, সতি, ত্রিভুবন-জয়ী  
 যোধ যত ? দেখ চেয়ে, সাগরের কূলে  
 শবাহারী জন্তু-পুঞ্জ ভুঞ্জিছে উল্লাসে  
 শব-রাশি ! কান দিয়া শুন, ঘরে-ঘরে  
 কাঁদিছে বিধবা বধু ! আশু পোহাইবে

রাবণ মরিলেই ( এবং তাহারও আর বেশী বিলম্ব নাই )  
 তোমার উদ্ধার নিশ্চিত । সাতার স্বপ্নকালে বসুধা বলিয়াছিলেন—

“বিধির ইচ্ছায়, বাছা, হরিছে মো তোরে  
 রক্ষোরাজ ; তোর হেতু সবংশে মরিবে  
 অধম ।-

হরি—হরিয়া অর্থাৎ হরণ করিয়া ।

বীরযোনি—যে পুরী অর্থাৎ লঙ্কাপুরী কেবল বীরগণেরই  
 জন্মস্থান । লঙ্কায় যে জন্মিয়াছে, সেই বীর ! এ-হেন বীরপ্রসবিনী  
 লঙ্কা আজ বীরশূন্য, ইহাই ভাব ।

কোথা—অর্থাৎ আর নাই, সকলেই মৃত ।

শব-রাশি—অর্থাৎ অগণ্য মৃতদেহ ।

ঘরে ঘরে—( বহুত-ব্যঞ্জক ) । প্রতি গৃহে ।

বিধবা বধু—সাহাদেব বীরস্বামী রূপে হত হইয়াছে ।

এ ছঃখ-শর্করী তব ! ফলিবে, কহিছু,  
স্বপ্ন ! বিছাধরী-দল মন্দারের দামে  
ও বরাক্স রঙ্গে আসি' আশু সাজাইবে !

মেঘনাদ-বধ কাব্যে প্রথম সর্গে কমলার মুখে লঙ্কার দুর্দশা-  
বর্ণনায় আছে—

“বিদরে হৃদয় মম শুনি দিবানিশি  
প্রমদা-কুল-রোদন ! প্রতি গৃহে কাঁদে  
পুত্রহীনা মাতা, দূতি, পতিহীনা সতী !”

বাল্মীকি-রামায়ণে লঙ্কাকাণ্ডে আছে—

“মম পুত্রোমম ভ্রাতা মম ভর্তা রণে হতঃ ।  
ইত্যেয শ্রয়তে শকো রাক্ষসীনাং কুলেকুলে ॥”

ছঃখ-শর্করী—ছঃখ-রূপ নিশা । ছঃখ এক প্রকার মানসিক  
অন্ধকার ! স্মৃতরাং নিশার সহিত ছঃখের উপমা চিরপ্রসিক্ত ।

ফলিবে, কহিছু, স্বপ্ন—স্বপ্নে যাহা দেখিয়াছ, সে সব সত্য-  
সত্য ঘটবে । সীতা স্বপ্নে দেখিয়াছিলেন—

“দেখিছু, সরমা সখি, সুরবালা-দলে,  
নানা আভরণ হাতে, মন্দারের মালা,  
পটবস্ত্র ।”———ইত্যাদি ।

মন্দারের দামে—মন্দারের মালায় ।

রঙ্গে—আনন্দে । সীতার উদ্ধার হেতু আনন্দ ।

আশু—অবিলম্বে ।



ভেটিবে রাখবে তুমি, বসুধা-কামিনী  
 সরস্ব বসন্তে যথা ভেটেন মধুরে !  
 ভুলো না দাসীরে, সাধি ! যত দিন বাঁচি,  
 এ মনোমন্দিরে রাখি, আনন্দে পূজিব  
 ও প্রতিমা, নিত্য যথা, আইলে রজনী,  
 ভেটিবে—সাক্ষাৎ করিবে। ( হিন্দী-শব্দ )।

বসুধা-কামিনী ইত্যাদি—হিম্মান্তে বসুধারূপিণী রমণী যেমন  
 নবপল্লব-বসনা ও নানা পুষ্পালঙ্কৃত হইয়া বসন্তদেবের সহিত  
 মিলিতা হইয়া, তুমিও তেমনি ( সুরবাগা-দল কর্তৃক ) সুসজ্জিতা  
 হইয়া, এই সুদীর্ঘ বিরহান্তে রামচন্দ্রের সহিত মিলিবে। শীতকাল  
 কষ্টব্যঞ্জক ; সুতরাং বিরহের সহিত তুলনীয়। বিরহান্তে মিলন,  
 যেন হিম্মান্তে বসন্ত। প্রিয়-সাম্মিলন-কামনা হেতু ‘কামিনী’ সার্থক।

সরস্ব বসন্ত—নীরস শীতকালের বিপরীত। সীতা-পক্ষে,  
 ত্রঃখময় বিরহের অন্তে, সুখময় স্বামী-সাম্মিলন-কাল।

যতদিন বাঁচি—বাবজীবন। ‘আনন্দে পূজিব’র সহিত অর্থ।  
 এ মনোমন্দিরে—আমার এই মনোরূপ মন্দিরে। মন্দিরই  
 দেবস্থাপনার স্থান। রাখি—স্থাপন করিয়া।

ও প্রতিমা—দেবোপম তোমার ও মূর্তি।

নিত্য—আমি বাবজীবন তোমার এই দেবী-মূর্তি আমার  
 মনোরূপ মন্দিরে স্থাপন করিয়া, সর্বদা আনন্দে পূজা করিতে  
 থাকিব, ইহাই ভাব।

আইলে রজনী—রাত্রি-সমাগমে সরস্বী যেমন মহানন্দে নিজ-  
 পূজার মধ্যে জ্যোৎস্না-দেবীর জা করিয়া থাকে, তোমার

সরসী হরষে পূজে কোমুদিনী-ধনে ।  
 বহু ক্লেশ, সুকেশিনি, পাইলে এ দেশে ;  
 কিন্তু নহে দোষী দাসী ।” কহিলা সুস্বরে  
 মৈথিলী ;—“সরমা সখি, মম হিতৈষিণী  
 তোমা’ সম আর কি, লো, আছে এ জগতে ?—  
 মরুভূমে প্রবাহিণী মোর পক্ষে তুমি,

দর্শনাভাবে আমিও তেমনি তোমার ঐ জ্যোৎস্নারূপিণী স্নিগ্ধকরী  
 মূর্তি আমার হৃদয়মধ্যে রাখিয়া আনন্দে পূজা করিতে থাকিব ।  
 জ্যোৎস্নালোকে সরসীর প্রফুল্লতাই এই সুন্দর উপমার নিগূঢ় মর্ম্ম ।

এ দেশে—লঙ্কায় ।

কিন্তু নহে দোষী দাসী—( সরমা বলিতেছেন ) লঙ্কাধামে  
 তোমার যে এত কষ্ট হইল তাহাতে এ দাসীর অর্থাৎ আমার  
 কোন দোষ নাই । ‘দাসী’—( সীতার প্রতি ভক্তি-বাক্যক ) ।

মরুভূমে প্রবাহিণী—মরুস্থলে জলাশয় অতি বিরল,—বিস্তীর্ণ  
 মরুখণ্ডে কোথাও একটি জলাশয় মাত্র । সুতরাং তৃষিত  
 পথিকের পক্ষে সেই একমাত্র জলাশয় অতীব আনন্দদায়ক ।  
 তেমনি, এই লঙ্কাধামে সকলেই সীতার বিপক্ষ, উৎপীড়নকারী  
 ও ক্লেশদায়ক ; কেবল একমাত্র সরমাই সীতার পক্ষে সস্তাপ-  
 হারিণী ও শান্তিদায়িনী ;—সহানুভূতিসূচক বাক্যালাপে সাহসনা  
 দান এবং নৈরাশ্রমর হৃদয়ে আশাবারি সেচন করিয়া, কথঞ্চিৎ  
 তাঁহার হঃখাপনোদনের চেষ্টা করিয়া থাকেন ।

রক্ষাবধু ! স্নীতল ছায়া-রূপ ধরি,  
তপন-তাপিতা আমি, জুড়ালে আমারে !  
মূর্ত্তিমতী দয়া তুমি এ নির্দয় দেশে !  
এ পঙ্কিল জলে পদ্য ! ভূজঙ্গিনী-রূপী

রক্ষাবধু—( সন্ধান ) ।

স্নীতল-ছায়া-রূপ ধরি—তপনতাপিত পথিকের পক্ষে ছায়া যেমন, রাম-বিরহ-দগ্ধা সীতার পক্ষে সহানুভূতি, সাহসনা ও আশা তেমনি স্নীতল ও শান্তিদায়ক । সরমা ছায়া-রূপে সস্তাপিতা সীতাকে শান্তিদান করিয়া থাকেন ।

তপন-তাপিতা আমি—( সীতা বলিতেছেন ) রৌদ্রক্লিষ্ট পথিকের শ্রম আমিও সস্তাপদগ্ধা—রামের বিরহ, রাবণের দুর্ভাগ্য, চেড়ীদিগের উৎপীড়ন,—নানা তাপে দগ্ধ হইতেছি ।

এ নির্দয় দেশে—এ লঙ্কাপুরে সকলেই সীতার প্রতি নিদাক্ষণ দয়াহীন । কেবল একমাত্র সরমা তাঁহার প্রতি এতই দয়ালীলা যে, সীতার পক্ষে সরমা যেন দয়ার মূর্ত্তি,—অর্থাৎ দয়া যেন মূর্ত্তিমতী হইয়া সরমারূপে লঙ্কাপুরে বিরাজ করিতেছেন ।

এ পঙ্কিল জলে পদ্য—পঙ্কিল জলের সবই মন্দ, কেবল এক গুণ এই যে, তাহাতে পদ্য ফোটে । তেমনি, লঙ্কারূপ পঙ্কিল জলের এই এক ভাল যে, এখানে সরমা-রূপ পদ্য শোভা পাইতেছে । “পঙ্কিল জল” অর্থে এখানে, যে জলের নিচে পাক জমিয়াছে । সেইরূপ জলেই পদ্য ফোটে ।

ভূজঙ্গিনী-রূপী ইত্যাদি—কাল-ভূজঙ্গিনীর যেমন সবই ভয়ঙ্কর, কেবল মাথার মণিটা সুশ্রী, সুন্দর ও উজ্জল ; তেমনি, এই

এ কাল-কনক-লঙ্কা-শিরে শিরোমণি !  
 আর কি কহিব, সখি ?—কাজালিনী সীতা,  
 তুমি, লো, মহার্হ রত্ন ! দরিদ্র, পাইলে  
 রতন, কভু কি তা'রে অযতনে, ধনি ?”  
 নমিয়া সতীর পদে, কহিলা সরমা ;—  
 “বিদায় দাসীয়ে এবে দেহ, দয়াময়ি !

কনক-লঙ্কার (সীতার পক্ষে, কাল-ভূজঙ্গিনী) সবই ভয়ঙ্কর,  
 কেবল সরমা রূপে-গুণে সেই ভূজঙ্গিনী-শিরে মণি-স্বরূপিণী। ‘রূপী’  
 এখানে ‘রূপিণী’ অর্থে ব্যবহৃত। ‘ভূজঙ্গিনী’ই লঙ্কার উপমান  
 —সুতরাং লিঙ্গবৈষম্য হয় নাই। ‘ভূজঙ্গিনী’র পরে ‘রূপিণী’  
 থাকিলে ছন্দ ঋতিকটু হইত।

কাজালিনী সীতা—সীতার সস্তাপ-ক্লিষ্ট নৈরাশু-পীড়িত হৃদয়  
 মানসিক দারিদ্র্য-ব্যঞ্জক। মানসিক-দুঃখক্লিষ্টা সীতা।

তুমি লো মহার্হ রত্ন—দরিদ্রের পক্ষে বহুমূল্য রত্ন যেমন,  
 সীতার পক্ষে সরমাও তেমনি। সীতার পক্ষে সরমা সস্তাপে  
 সাস্তনা, নৈরাশুে আশা, ঠিক যেমন দারিদ্র্যে ধন। সরমা-রূপ  
 রত্ন পাইয়া মানসিক-দুঃখক্লিষ্টা সীতার মনোদুঃখের লাঘব  
 হইয়াছে, ইহাই ভাব।

অযতনে—(ক্রিয়াপদ)। অযত্ন করে।

দয়াময়ি—(সীতাকে সম্বোধন)। আমি প্রশংসার বোগ্য  
 না হইলেও যে আপনি আমার যথেষ্ট প্রশংসাবাদ করিলেন,

না চাহে পরাণ মম ছাড়িতে তোমারে,  
রঘু-কুল-কমলিনি ! কিন্তু প্রাণপতি  
আমার, রাঘব-দাস ; তোমার চরণে  
আসি' কথা কই আমি, এ কথা শুনিলে  
রুধিবে লঙ্কার নাথ, পড়িব সঙ্কটে !”

কহিলা মৈথিলী ;—“সখি, যাও ত্বর করি’

সে কেবল আপনার দয়া, অনুগ্রহ,—“দয়াময়ি” সম্বোধনে  
ঐরূপ ভাব প্রকাশ করিতেছে । পরাণ—প্রাণ ।

রঘুকুল-কমলিনি—( শোভা-বাগ্নক ) । রঘুকুল-রূপ সরোবরে  
পদ্ম-স্বরূপা । নবম সর্গে সরমারই মুখে সীতা-সংক্ষেপে আছে—  
“রাঘব-মানস-পদ্ম ।”

প্রাণ-পতি আনার—( বিস্তীর্ণ ) !

রাঘবদাস—রামানুগহীত, রামের শরণাপন্ন ।

তোমার চরণে—( ভক্তি-বাগ্নক ) । আসি—আসিয়া ।

কথা কই—( তোমার সঙ্গে ) বাক্যালাপ করি ।

রুধিবে লঙ্কার নাথ—রাবণ রাগ করিবে ।

পড়িব সঙ্কটে—( রাবণের ধোপ-জনিত ) বিপদে পড়িব ।

বাল্মীকি-রানারূপে সরমা, রাবণ কর্তৃক সীতার রক্ষণাবেক্ষণ  
কার্যে নিয়োজিতা হইয়াছেন । কিন্তু এ কাব্যে কবি তাহা  
না করিয়া, গুপ্তভাবে সরমা ও সীতার সম্মিলন দেখাইয়াছেন ।  
শ্রীরাঘবসারণেও দেখা যায়, সরমা সীতার কাছে গুপ্তভাবে

নিজালয়ে ; শুনি আমি দূর পদ-ধ্বনি ;  
ফিরি' বুঝি চেড়ীদল আসিছে এ বনে ।”

আতঙ্কে কুরঙ্গী যথা, গেল। দ্রুতগামী  
সরমা ; রহিলা দেবী সে বিজন বনে,

আসিতেন । সীতাকে হনুমান-কর্তৃক লঙ্কাদাহের সংবাদ দিয়া  
সরমা বিদায় লইতেছেন—

“এইক্ষণ আমি যথা না থাকিব আর ।  
দেখিলে চেড়ীরা তোহে করিবে প্রহার ॥”

শুনি—শুনিতেছি । দূর পদধ্বনি—দূরাগত পদশব্দ ।

ফিরি—( লঙ্কার উৎসব-দর্শনান্তে ) ফিরিয়া ।

আতঙ্কে কুরঙ্গী যথা ইত্যাদি—বৃগী যেমন আতঙ্কিতা হইলে  
দ্রুতবেগে পলায়ন করে, সরমাও তেমনি চেড়ীদিগের  
আগমনাশঙ্কায় দ্রুতবেগে অশোকবন ত্যাগ করিয়া নিজ গৃহাভিমুখে  
চলিয়া গেলেন ।

দেবী—সীতাদেবী । সে বিজন বনে—সেই নির্জন  
অশোকবনে ।

একটি কুমুম মাত্র অরণ্যে যেমতি !  
ইতি শ্রীমেঘনাদবধকাব্যে অশোকবনং নাম  
চতুর্থঃ সর্গঃ ।

একটি কুমুম মাত্র অরণ্যে যেমতি—সরমা চলিয়া গেলে, সীতা সেই অশোকবনে একাকিনী রহিলেন—যেন অরণ্যে একটীমাত্র ফুল। এখানে কুমুমের সহিত উপনায় সীতার ‘অপূর্ব’ রূপের ধ্বনি থাকিলেও, সেই বিজনবনে সীতার একাকিত্বই এখানে এই উপমার প্রধান লক্ষ্য ও ভাব। ‘মাত্র’ শব্দে ঐ ভাবকে দৃঢ় করিতেছে। পড়িবার সময়ে “একটি”র উপর ছোর দিয়া পড়িতে হইবে।

অশোকবনঃ—অশোকবনের চিত্রই এই সর্গে বর্ণিত বলিয়া, কবি এই সর্গের নাম দিগাছেন—অশোকবন।

মেঘনাদের সমরাভিষেকের স্মৃতিতে, যখন বনক-লক্ষা আনন্দ-সলিলে ভাসিতে লাগিল, সেই সময়ে লক্ষার সেই আধার অশোকবনের দৃশ্য—যেখানে শোকাকুলা সীতা নীরবে কাঁদিতে-ছিলেন, এমন সময়ে যেখানে রক্ষঃকুল-রাজ-লক্ষ্মীস্বরূপা সরমা আসিয়া কথোপকথনচ্ছলে সেই কারারুদ্ধা সতীর দুঃখভারের কথঞ্চিৎ লাঘব করিলেন,—সেই ঘোর অশোক-বনের ঘোরতর করুণ চিত্রই এই সর্গে বর্ণিত। লক্ষার অশোকবনের সহিত দুঃখিনী সীতার দুর্ভাগ্য এমনই জড়িত যে, কেবলমাত্র ‘অশোক-বন’ নামেই সীতার করুণ চিত্র যেন সঙ্গুথে প্রতিভাত হয়। তাই, কবি এই সর্গকে অশোকবন-নামে অভিহিত করিয়াছেন।

## নবম সর্গ

—:~:—

\* \* \* \*

যথায় অশোক-বনে বসেন বৈদেহী,—  
অতল-জলধি-তলে, হায়, রে, যেমতি  
বিরহে কমলা সতী, আইলা সরমা—  
রক্ষঃকুল-রাজ-লক্ষ্মী রক্ষোবধু-বেশে ।  
বন্দি' চরণারবিন্দ বসিলা ললনা  
পদতলে । মধু-স্বরে সুধিলা মৈথিলী ;—  
“কহ মোরে, বিধুমুখি, কেন হাহাকারে

বৈদেহী—বিদেহ-রাজ-কন্যা অর্থাৎ সীতা ।

অতল-জলধি-তলে—গভীর-সমুদ্রমধ্যে । আধার অশোকবনের  
উপমান । ইতিপূর্বে চতুর্থ সর্গে অশোক-বনে সীতা সঙ্কে  
আছে—

“কিনা বিহাধরা রমা অমুরাশি-তলে ।”

বিরহে—( বিকুর ) বিচ্ছেদে । সীতা-পক্ষে, রাম-বিরহে ।

কমলা সতী—লক্ষ্মী দেবী । কমলার সহিত উপমায় সীতার  
দেবিত্বের প্রতি সুন্দর ইঙ্গিত করা হইয়াছে । ললনা—( সরমা ) ।

সুধিলা—( প্রাদেশিক ব্যবহার ) ভিজ্ঞাসা করিলেন ।

হাহাকারে—( ক্রিয়া পদ ) । হাহাকার শব্দ করিতেছে ।



এ ছুদিন পুরবাসী ? শুনিবু সভয়ে  
 রণ-নাদ সারাদিন কালি রণ-ভূমে ;  
 কাঁপিল সঘনে বন, ভূ-কম্পানে যেন,  
 দূর বীর-পদ-ভরে ! দেখিবু আকাশে  
 অগ্নি-শিখা-সম শর ; দিবা-অবসানে,  
 জয়-নাদে রক্ষঃ-সৈন্য পশিল নগরে ;

এ ছুদিন—কাল ও অজ্ঞ। মেঘনাদের বধ অবধি লঙ্কার  
 হাহাকার-ধ্বনি হইতেছে, কিন্তু সীতা এ ঘটনা জানেন না,—  
 শুধু হাহাকার-ধ্বনিই শুনিতেছেন।

রণ-নাদ সারাদিন কালি—কাল সারাদিন সীতা রণ-নাদ  
 শুনিয়াছেন। ইহা রাবণ কর্তৃক যুদ্ধের ‘রণ-নাদ’, যে যুদ্ধে লক্ষণ  
 শক্তিশেলে আহত হইয়াছেন।

সারাদিন—সমস্ত দিন। কালি—গতকাল।

বন—এই অশোক-বন। এতদূরে বনের কম্পন যুবুধান  
 বীরদিগের পদভরের গুরুত্ব-বাক্যক।

দূর—( ‘বীরপদভরে’র বিশেষণ )। দূর যুদ্ধক্ষেত্রস্থ।

অগ্নি-শিখা-সম—( শরের দীপ্তি-বাক্যক )।

জয়-নাদে রক্ষঃসৈন্য—লক্ষণকে আহত করিয়া উল্লাস বাক্যক  
 জয়-নাদে রক্ষঃ-সেনা লঙ্কামধ্যে পুঃপ্রবেশ করিয়াছিল। সমস্ত  
 সর্গের শেষে দেখ ;—

“বাজিল রাক্ষস-বাচ্চ, নাদিল গন্তীরে

রাক্ষস ; পশিলা পুরে রক্ষঃ-অনীকিনী”—

বাজিল রাক্ষস-বাণ্ড গন্তীর নিকণে ।  
 কে জিনিল ? কে হারিল ?—কহ ত্বরা করি,  
 সরমে ! আকুল মনঃ, হায় লো, না মানে  
 প্রবোধ ! না জানি, হেথা জিজ্ঞাসি কাহারে ?  
 না পাঠি উত্তর, যদি সুধি চেড়ীদলে ।  
 বিকটা ত্রিজটা, সখি, লোহিত-লোচনা,  
 করে খরশান অসি, চামুণ্ডা-রুপিণী,  
 আইল কাটিতে মোরে গত নিশাকালে,

কে জিনিল ? ইত্যাদি—কে জিতিল, কে হারিল, সীতা  
 ইহার কিছুই জানেন না বলিয়া সরমাকে জিজ্ঞাসা করিতেছেন ।

ত্বরা করি—( উৎকর্ষা-ব্যাঞ্জক ) ।

সরমে—( সরমাকে সম্বোধন ) ।

আকুল মনঃ—উদ্বিগ্ন চিত্ত ।

প্রবোধ—রাম-লক্ষণের কুশলরূপ সাস্থনা ।

সুধি—সুধাই অর্থাৎ জিজ্ঞাসা করি ।

বিকটা ত্রিজটা—ভয়ঙ্করা ত্রিজটা নাম্না রাক্ষসী ।

মূল রামায়ণে মেঘনাদবধের পরে রাবণই স্বয়ং সীতাকে  
 কাটিতে গিয়াছিলেন । কিন্তু তাহা বীরোচিত কৰ্ম্ম নহে বলিয়াই,  
 বোধ হয়, এস্থলে কবি এই ভয়ঙ্কর উত্তমটা ত্রিজটার উপরে আরোপ  
 করিয়াছেন ।

লোহিত-লোচন—( রোষ-ব্যাঞ্জক ) ।      খরশান—ভীক্ষধার ।

ক্রোধে অন্ধা ! আর চেড়ী রোধিল তাহারে ;  
বাঁচিল এ পোড়া প্রাণ তেঁই, সুকেশিনি !  
এখনও কাঁপে হিয়া স্মরিলে ছুঁটারে !”

কহিল সরমা-সতী সুমধুর-ভাষে ;—

“তব ভাগ্যে, ভাগ্যবতি, হতজীব রণে  
ইন্দ্রজিৎ ! তেঁই লক্ষা বিলাপে একরূপে  
দিবানিশি ! এত দিনে গতবল, দেবি,

ক্রোধে অন্ধা—ক্রোধাঙ্কা হইয়া অর্থাৎ রাগে একেবারে জ্ঞান-  
হার্য হইয়া । আর চেড়ী—অন্য চেড়ী !

রোধিল—( আমার কাটিতে ) নিবারণ করিল ।

পোড়া প্রাণ—( অবজ্ঞা-ব্যঞ্জক ) । রামের বিরহে সীতা  
নিজের প্রাণকে অবজ্ঞাভাবে বলিতেছেন—দগ্ধকাষ্ঠবৎ, অর্থাৎ  
যেন এ প্রাণের কোন মূল্যই নাই ।

কাঁপে হিয়া—( ভয় ব্যঞ্জক ) । ছুঁটারে—ত্রিভুটাকে ।

সুমধুর ভাষে—সুসিষ্ট কথায় ।

তব ভাগ্যে—( সীতার সৌভাগ্য ব্যঞ্জক ) ।

হতজীব—নষ্টজীবন অর্থাৎ মৃত । ( ইন্দ্রজিতের বিশেষণ ) ।

তেঁই লক্ষা বিলাপে—সীতা প্রশ্ন করিয়াছিলেন, “কেন  
হাহাকারে এ ছুঁদিন পুরবাসী ?” সরমা তাহারই উত্তর দিলেন ।

‘লক্ষা’ অর্থে সমগ্র-লক্ষাবাসী । বিলাপে—বিলাপ করে ।

দিবানিশি—( বিলাপের অবিরামত্ব ব্যঞ্জক ) ।

এতদিনে গতবল—মেঘনাদের মৃত্যুতে রাবণ ‘গতবল’ অর্থাৎ  
বলহীন হইলেন । ইহাতে মেঘনাদই যে রাবণের প্রকৃত বল

কৰ্ব্বুর-ঈশ্বর বলী ! কাঁদে মন্দোদরী ;  
 রক্ষঃ-কুল-নারী-কুল আকুল বিষাদে ;  
 নিরানন্দ রক্ষোরথী ! তব পুণ্যফলে,  
 পদ্মাক্ষি, দেবর তব লক্ষ্মণ সুরথী  
 দেবের অসাধ্য কৰ্ম সাধিলা সংগ্রামে,—  
 বধিলা বাসবজিতে—অজেয় জগতে !”

স্বরূপ ছিলেন, তাহাই স্মৃতিত হইয়াছে । মেঘনাদবধ কাব্যে মেঘ-  
 নাদের মৃত্যুর পরে রাবণের যুদ্ধোত্তোগ কালে কেশব-প্রিয়াকে ইন্দ্র  
 বলিয়াছেন—

“মা ডরি রাবণে, মাতঃ, রাবণি বিহনে .”—সপ্তম সর্গ ।

তব পুণ্যফলে—বিষয় বিপদ হইতে উদ্ধার হওয়া পূর্বকৃত-  
 পুণ্য-ব্যাঞ্জক ।

দেবের অসাধ্য কৰ্ম—অর্থাৎ মেঘনাদের বধ-সাধন, যাহা  
 দেবগণও করিতে পারেন নাই ; বরং দেবেন্দ্র নিজেই মেঘনাদের  
 হস্তে বিলক্ষণ লাঞ্চিত হইয়াছিলেন ।

সাধিলা—সাধন করিলেন, সম্পন্ন করিলেন ।

বধিলা বাসবজিতে—যিনি দেবরাজ ইন্দ্রকেও জয় করিয়া-  
 ছিলেন, সেই ( অজেয় ) ইন্দ্রজিৎকে বধ করিলেন ।

অজেয় জগতে—( অসাধারণত্ব- ব্যঞ্জক ) । মেঘনাদ ব্রহ্মার  
 বরে ‘অজেয়’ ছিলেন : ( রামায়ণে দেখ ) ।

উত্তরিল। প্রিয়স্বদা ;—“সুবচনী তুমি  
মম পক্ষে, রক্ষাবধু, সদা, লো, এ পুরে !  
ধন্য বীর-ইন্দ্র-কুলে সৌমিত্রি-কেশরী !  
শুভক্ষণে হেন পুত্রে সুমিত্রা শাস্ত্রী  
ধরিল। সুগর্ভে, সই ! এত দিনে, বুঝি,

প্রিয়স্বদা—প্রিয়ভাষিণী। এখানে সীতা।

সুবচনী তুমি মম পক্ষে—সীতার পক্ষে সরমা “সুবচনী-”  
দেবী-স্বরূপা অর্থাৎ কারাকঙ্ক দুঃখী দ্বিজপুত্রের উদ্ধারার্থ  
“সুবচনী”-দেবী যেমন তাহাকে মধুব স্বপ্ন-বাণী কহিয়াছিলেন,  
( সুবচনী-এতকথা দেখ ), সরমাও তেমনি সময়ে-সময়ে সীতার  
উদ্ধার-সূচক শুভ আশা-বাণী সীতাকে কহিয়া থাকেন বলিয়া,  
সীতার পক্ষে সরমা ‘সুবচনী’। এখানে ‘সুবচনী’ শব্দের  
সাধারণ অর্থ লইলেও হয়,—অর্থাৎ সুভাষিণী, শুভ-ভাষিণী।  
কিন্তু পূর্বেকৃত অর্থই ভাল। তিলোত্তমা-সম্ভব কাব্যে আছে—

“আইলেন সুবচনী—মধুরভাষিণী।”

পুরাণে ইহার নামান্তর—“শুভসূচনী।”

সদা ( অব্যতিক্রম-ব্যঞ্জক )। সরমা সর্বদাই সুসংবাদ দিতে  
সীতার কাছে আসিতেন।

বীর-ইন্দ্র-কুলে—বীরেন্দ্র-সমূহের মধ্যে। ( সন্ধি করিলে  
ছন্দোত্তম হইত )।

সুগর্ভে—সুপুত্র-ধারণ-হেতু ‘সুগর্ভ’।

কারাগার-দ্বার মম খুলিলা বিধাতা  
 কৃপায় ! একাকী এবে রাবণ দুর্মতি  
 মহারথী লঙ্কা-ধামে ! দেখিব কি ঘটে,—  
 দেখিব আর কি দুঃখ আছে এ কপালে !  
 কিন্তু শুন কান দিয়া ! ক্রমশঃ বাড়িছে  
 হাহাকার-ধ্বনি, সখি !”—কহিলা সরমা  
 শুবচনী ;—“কৰ্ব্ব রেন্দ্র রাঘবেন্দ্র-সহ  
 করি’ সন্ধি, সিন্ধুতীরে লইছে তনয়ে  
 প্রেত-ক্রিয়া-হেতু, সতি ! সপ্ত দিবানিশি  
 না ধরিবে অস্ত্র কেহ এ রাক্ষস-দেশে  
 বৈরি-ভাবে—এ প্রতিজ্ঞা করিলা নৃমণি  
 রাবণের অনুরোধে ;—দয়্যাসিন্ধু, দেবি,  
 কারাগার-দ্বার মম খুলিলা—( উদ্ধার-সূচক ) ।

একাকী—একমাত্র জীবিত ( বীর ) ।

সরমা শুবচনী—মিষ্টভাষিণী সরমা । এখানে ‘শুবচনী’ সাধারণ  
 অর্থে ব্যবহৃত ।

করি সন্ধি—( যুদ্ধ-বিরাম-ব্যঞ্জক ) । ‘সন্ধি’ অর্থে এখানে  
 রাম-পক্ষের সম্মতি-ক্রমে কিছুদিনের জন্ত যুদ্ধের বিরাম বঝাইতেছে ।

প্রেত-ক্রিয়া-হেতু—অস্বাভাবিক্রিয়া সম্পাদন করিবার জন্ত ।

না ধরিবে অস্ত্র কেহ—( রাম-পক্ষের ) ।

নৃমণি—( রাম ) ।

দয়্যাসিন্ধু—রাবণের অনুরোধে সাতদিনের জন্ত যুদ্ধ হইতে

রাঘবেন্দ্র ! দৈত্য-বাল্য প্রমীলা সুন্দরী—  
 ( বিদরে হৃদয়, সাধিব, স্মরিলে সে কথা ! )  
 প্রমীলা সুন্দরী ত্যজি' দেহ দাহ-স্থলে,  
 পতির উদ্দেশে সতী, পতিপরায়ণা,  
 যবে স্বর্গ-পুরে আজি ! হর-কোপানলে,  
 হে দেবি, কন্দর্প যবে মরিল পুড়িয়া,  
 মরিল কি রতি-সতী প্রাণনাথে লয়ে ?”

বিরত থাকিতে স্বীকার করা রানের পক্ষে প্রভূত 'দয়া' ব্যঞ্জক ।  
 'সিন্ধু' অসীমত্ব-ব্যঞ্জক অর্থাৎ রাম দয়ার সাগর, অসীম দয়ার  
 আধার ।

ত্যজি দেহ দাহস্থলে—( সহমরণে ) ।

পতির উদ্দেশে—পতির সহিত মিলনা অর্থাৎ মৃতপতি  
 যেখানে গিয়াছেন, সেইখানে গিয়া তাঁহার সহিত পুনর্মিলিত  
 হইবার জ্ঞা ।

হর-কোপানলে—যোগভঙ্গ-হেতু 'কোপ' । তারকাস্তব-বধের  
 জ্ঞা সেনানী-সৃষ্টি করিবার উদ্দেশে মদন ইন্দ্রকর্তৃক মহাদেবের  
 যোগ-ভঙ্গ করিতে আদিষ্ট হইয়াছিলেন । এই যোগ-ভঙ্গ  
 জ্ঞাই তিনি মহাদেবের কোপ-দৃষ্টিতে পড়েন এবং তাঁহার  
 কপালাগ্নিতে দগ্ধ হইলেন ।

কন্দর্প—মদন । মরিল পুড়িয়া—ভস্মাবশেষ হইলেন ।

মরিল কি রতি-সতী—রতি মৃত মদনের অনুগমন করেন  
 নাই ।

কাঁদিলে রাক্ষস-বধু তিতি' অশ্রু-নীরে,  
 শোকাকুলা । ভবতলে মূর্ত্তিমতী দয়া  
 সীতা-রূপে, পরদুঃখে কাতর সতত,  
 কহিলা—সজল-আঁখি, সস্তাষি' সখীরে ;—  
 “কুক্ষণে জনম মম, সরমা রাক্ষসি !

সাধ্বী রতি ভ্রম্মাবশেষ মদনের অনুগমন করিবার নিমিত্ত  
 প্রস্তুত হইলে, দৈববাণী কর্তৃক পুনঃ-প্রিয়সঙ্গের আশ্বাসে  
 আশ্বাসিত হইয়া, সহমরণ-সঙ্কল্প পরিত্যাগ করিয়াছিলেন ।  
 এখানে তাৎপর্য্য এই যে, মেঘনাদ-প্রমীলার দাম্পত্য-প্রণয়,  
 মদন-রতির চিরপ্রসিদ্ধ গাঢ় দাম্পত্য-প্রণয়পেক্ষাও গাঢ়তর ।  
 এমন যে সতী রতি, তিনিও মদনের অনুগমন করেন নাই ; কিন্তু  
 প্রমীলা মেঘনাদের অনুগমন করিবে, ইহাই ভাব ।

রাক্ষস-বধু—( সরমা ) ।

মূর্ত্তিমতী দয়া সীতারূপে—দয়া যেন সীতার আকার ধারণ  
 করিয়া ‘মূর্ত্তিমতী’ অর্থাৎ সীতা যেন শরীরিণী দয়া ।

কাতর—( ‘কাতরা’ হইলে ভাল হইত ) ।

সজল-আঁখি—( ‘সস্তাষি’ ক্রিয়ার বিশেষণ ) সাক্ষনয়নে ।

কুক্ষণে জনম—( পরবর্ত্তী ঘটনাসকল জন্ম-মূহূর্ত্তর ওতাশুভত্বের  
 উপর নির্ভর করে বলিয়া ) ।

রাক্ষসি—( রক্ষোবধুকে সম্বোধন ) । রাক্ষস-স্ত্রী । ‘রাক্ষসী’  
 এখানে নিন্দা-বাচক অর্থে নহে ;—জাতি-বাচক মাত্র ।



সুখের প্রদীপ, সখি, নিবাই, লো, সদা,  
 প্রবেশি যে গৃহে, হায়, অমঙ্গলা-রূপী  
 আমি ! পোড়া ভাগ্যে এই লিখিলা বিধাতা !  
 নরোত্তম পতি মম, দেখ, বনবাসী !  
 বনবাসী, সুলক্ষণে, দেবর সুমতি

সুখের প্রদীপ—প্রফুল্লতাজনকহ-হেতু 'প্রদীপ' সুখের উপমান  
 হইয়াছে ।

নিবাই—নির্বাণ করি অর্থাৎ দুঃখান্নকারের সৃষ্টি করি ।

ইলিয়াড্-কাব্যে চতুর্বিংশতি সর্গে হেলেনের উক্তিও এইরূপ—

“The wretched source of all this misery.”

সদা—( অব্যতিক্রম-ব্যঞ্জক ) । চিরকাল ।

প্রবেশি যে গৃহে -- যে গৃহে যাই, সেই গৃহেই গার্হস্থ্য-সুখ  
 নষ্ট করিয়া দুঃখের সৃষ্টি করি ।

ইংলণ্ডীয় কবি টেনিসনের “A Drama of Fair Women”  
 নামক কবিতায় এক স্ত্রীরী খেদ করিয়াছেন—

“Where'er I came, I brought calamity”

অমঙ্গলা-রূপী—মূর্ত্তিমতী অমঙ্গলা । কালিদাসের রঘুবংশে  
 বনবাসান্তে সীতা শক্রদিগের পাদবন্দনা-কালে বলিয়াছেন—

“ক্লেশাবহা শুভং রুলক্ষণাহম্” ।

দেখ—( উদাহরণ-ব্যঞ্জক ) ।

নরোত্তম—( রাজোচিত গুণাদিতে বিভূষিত ) পুরুষোত্তম ।

বনবাসী—( রাজসুখ, গৃহসুখ, স্বজন-বান্ধব-সঙ্গসুখ, এ সকলে  
 বঞ্চিত হইয়া ) বনচারী, বনে ভ্রমণকারী ।

লক্ষ্মণ ! ত্যজিয়া প্রাণ পুত্রশোকে, সখি,  
 শূন্য ! অযোধ্যাপুরী আঁধার, লো, এবে !  
 শূন্য রাজ-সিংহাসন ! মরিলা জটায়ু,  
 বিকট বিপক্ষ-পক্ষে ভীম-ভূজ-বলে,  
 রক্ষিতে দাসীর মান ! হাদে দেখ হেথা,

পুত্রশোকে—রামের বনবাস-জনিত দুঃখ ।

অযোধ্যাপুরী—রঘুবংশের রাজধানী-হেতু চিরানন্দময়, এমন  
 যে অযোধ্যাপুরী ।—

আঁধার—( রামের বনবাসে ) নিরানন্দ ।

শূন্য রাজসিংহাসন—দশরথ নাই, রাম নাই,—জটাবল্লভসধারী  
 ভরত নন্দোগ্রামে রামের পাছকার উপরে ছত্রধারণ করিয়া রাজকর্ম  
 করিতেছেন মাত্র । সুতরাং অযোধ্যার রাজ-সিংহাসন প্রকৃত-  
 পক্ষেই 'শূন্য' ।

বিকট—( জটায়ুর বিশেষণ ) । ভয়ঙ্কর । জটায়ু ভীমভূজবলে  
 বিপক্ষের পক্ষে বিকট ।

রক্ষিতে—( 'মরিলা'র সহিত অন্তর ) । সীতা-হরণে রাবণকে  
 নিবৃত্ত করিবার জন্তই জটায়ু রাবণের সহিত যুদ্ধে প্রাণপাত  
 করিয়াছিল ।

দাসীর মান—সীতা বলিতেছেন, এ দাসীর মান অর্থাৎ কুল-  
 বধুর যোগ্য সম্মান । রাবণকে সীতা-হরণে নিবৃত্ত করিয়া সীতার  
 মান রক্ষা করাটাই জটায়ুর উদ্দেশ্য ছিল ।

হাদে দেখ—( গ্রাম্য প্রয়োগ ) । বোধ হয় "হের দেখ"

মরিল বাসবজিৎ অভাগীর দোষে,  
 আর রক্ষোরথী যত, কে পারে গণিতে ?  
 মরিবে দানব-বালা, অতুলা এ ভবে  
 সৌন্দর্যো ! বসস্তারস্তে, হায় লো, শুকাল  
 হেন ফুল !” “দোষ তব,”—সুধিলা সরমা  
 মুছিয়া নয়ন জল—“কহ কি, রূপসি ?

কথার অপভ্রংশ । আবার দেখ । ‘হাদে’ শব্দে একটু আশ্চর্য্য-  
 ভাবও বঝায় ।

হেথা—এখানে, এই লক্ষাপুরে ।

অভাগীর দোষে—হতভাগিনীর ভাগাদোষে অর্থাৎ আমারই  
 জন্ত ।

দানব-বালা—দানব-কন্তা প্রমীলা । ইনি কালনেমী দৈত্যের  
 কন্তা ।

অতুলা—অতুলনীর ।

বসস্তারস্তে—( বিকাশোন্মুখতা-ব্যঞ্জক ) । যে সময়ে ফুল  
 বিকাশোন্মুখী হয় । পক্ষান্তরে, যৌবনের প্রারম্ভে,—যখন সৌন্দর্য্য  
 বিকাশোন্মুখী হইয়া থাকে ।

শুকাল—( উত্তর পক্ষান্তে, নষ্ট-সৌন্দর্য্য-ব্যঞ্জক ) ।

হেন ফুল—( সৌন্দর্য্য-ব্যঞ্জক ) । পক্ষান্তরে, প্রমীলারূপী  
 এমন সৌন্দর্য্যরাশি ।

দোষ তব—সীতা নাকি বলিয়াছেন—“মরিল বাসবজিৎ  
 অভাগীর দোষে,” তাই সরমা তাহার উত্তর দিতেছেন ।

কে ছিঁড়ি' আনিল হেথা এ স্বর্ণ-ব্রতী;  
বঞ্চিয়া রসাল-রাজে ? কে আনিল তুলি'  
রাঘব-মানস-পদ্য এ রাক্ষস-দেশে ?

ছিঁড়ি আনিল—( বলপ্রয়োগ ও চৌর্যব্যঞ্জক ) ।

এ স্বর্ণ-ব্রতী—( সীতাকে নির্দেশ করিয়া ) । এই স্বর্ণ-  
লতাকে । সীতা রূপের উজ্জলতায় 'স্বর্ণ' এবং হৃদয়ের কোমলতার  
'ব্রতী' । কৃত্তিবাসী-রামায়ণে সীতা-হরণের পরে রামের  
বিলাপে আছে—

“কনকলতার প্রায় জনক-ছুহিতা !

বনে ছিন্ন, কে করিল তারে উৎপাটিতা ॥”

রসাল-রাজে—ব্রতীর আশ্রয়স্বরূপ রসাল-বৃক্ষকে । 'রাজ'  
শব্দ রসাল-পক্ষে মহত্ব-ব্যঞ্জক ; এবং রাম-পক্ষে, পতি-শ্রেষ্ঠত্ব-  
ব্যঞ্জক ।

কে আনিল তুলি—( বলপূর্ষক ) । 'তুলি' অর্থাৎ ছিঁড়িয়া ।

রাঘব-মানস-পদ্য—রামহৃদয়-রূপ সরোবরেই অথবা রাম-রূপ  
মানস-সরোবরেই যে পদ্য প্রফুল্ল থাকে অর্থাৎ সীতা । তিলোত্তমা-  
সম্ভব-কাব্যে শচী-সম্বন্ধে আছে—

“দেবেন্দ্র-হৃদয়-সরোবর-কমলিনী” ।

'মানস' অর্থে মানস-সরোবরও হয়—“মানসে, মা, যথা ফলে  
মধুময় তামরস” ।

এ রাক্ষস-দেশে—রাঘব-মানস-পদ্যের পক্ষে অনুপযুক্ত স্থান,  
এই লক্ষ্য অর্থাৎ এস্থলে রাঘব-মানস-পদ্য প্রফুল্ল থাকিতে

নিজ-কর্ম-দোষে মজে লক্ষা-অধিপতি !  
 আর কি কহিবে দাদৌ ?” কাঁদিলে সরমা  
 শোকে ! রক্ষঃ-কুল-শোকে সে অশোক-বনে  
 কাঁদিলে রাঘব-বাঞ্ছা—দুঃখী পর-দুঃখে !

পারে না। সীতা-পদ রাঘব-মানসেই প্রফুল্ল থাকে, এ  
 রক্ষস-পুরে তাহা ম্লান।

নিজকর্মদোষে—( সীতার কপাল-দোষে নহে, ইহাই ভাব )।

আর কি কহিবে—এ সবই শুধু রাঘবের দোষে; তা ভিন্ন  
 আর কিছুই নয়।

রক্ষঃকুল-শোকে—রক্ষোবংশের ধ্বংসজনিত দুঃখে।

সে অশোকবনে—যে অশোকবনে সীতা রক্ষোরাজ কর্তৃক  
 কারাবদ্ধা, সেই অশোকবনে অর্থাৎ সেই রক্ষঃকারাগারে বসিয়াই  
 সীতা রক্ষোদুঃখে পীড়িতা হইয়া কঁাদিত লাগিলেন। ( ‘সে’-র  
 উপরে জোর দিয়া পড়িতে হইবে )।

দুঃখী পরদুঃখে—শত্রুর দুঃখে ( পর অর্থে শত্রু ) মহানু-  
 ভূতিবতী।

সীতার এই রক্ষোদুঃখ-কাতরতা দেখাইয়া কবি সীতা-চরিত্র-  
 চিত্রণে চরম কৃতিত্ব দেখাইয়াছেন।



Approved as a Prize Book & a Library Book.

রায় বাহাদুর শ্রীদীননাথ সান্যাল বি-এ, এম্-বি,

কড়ক সঙ্কলিত

## রামায়ণ (সচিত্র)

Revised 2nd Edition

এক টাকা

সরল গদ্যে সমগ্র বাঙ্গালীর সার সঙ্কলন।

মহর্ষি বাঙ্গালীর মহাকাব্যখানি ভারতীয় আখ্য মভ্যতার কালজয়ী অন্ততম কীর্তি-সুষ্ঠ স্বরূপ। ভারতে আখ্য-মভ্যতা যখন উন্নতির উচ্চতম শিখরে উঠিয়াছিল, রামায়ণ সেই সময়ের কাব্যাত্মিক। গুরুরাং সেই যুগের বাণী, আদর্শ ও ধারা এবং তাত্‌কালিক সমাজের ধ্যান, ধারণা, চিন্তা ও কল্পপ্রণালী জানিতে ও বুঝিতে হইলে, ঐ রামায়ণের সহিত পরিচিত হওয়া আবশ্যিক। কিন্তু এই কাব্য-বাহুল্যের দিনে আত্মপরিষ্কারের অবসর অনেকেরই নাই অথচ গৌরব-মাণ্ডিত আখ্য মভ্যতার এমন এক সমুচ্ছল নিদর্শন ও চিত্র, এমন একখানি জগন্নাথ বিদ্যাকারের সহিত শিক্ষিত বাঙ্গালী মাত্রেই ঘনিষ্ঠ পরিচয় থাকা একান্ত বাঞ্ছনীয়।

**বঙ্গবাসী**—“.....রচনার গুণে ইহা যে বালক, বৃদ্ধ ও বনিতা সকলেরই সুখপাঠ্য হইয়াছে তাহা ব... বাহুল্য.....”

**A. B. Patrika**—“.....a very valuable addition to the Bengali literature. The language & style is extremely elegant & simple. The author has taken great care & pain to develop the Epic beauty & grandeur in plain & simple prose.....”

**আত্মশক্তি**—“শুদ্ধ মার্জিত ভাষায় লিখিত। প্রত্যেক হিন্দু গৃহস্থের বাড়িতে এই পুস্তকখানি আদৃত হইবে আশা করা যায়।”

**প্রবাসী**—আলোচ্য পুস্তকখানি ভাষায় ও রচনাগুণে ছেলে মেয়েদের উপযোগী হইয়াছে। এই সুন্দর সংস্করণটি আদৃত হইবে সন্দেহ নাই।”

কবি শ্রীমলিনীনাথ দাশগুপ্ত এম্-এ, বি-এল্

প্রণীত

## কাব্য-কাহিনী

৫০

সুন্দর-সুন্দর বর্ণাকর্ষক চিত্রে সুশোভিত

বাঁহার লেখনী ইউরোপ আমেরিকা এমন কি সমাগরা  
-রিত্রীকে এক সময়ে উদ্বেলিত উত্তেজিত ও মোহিত করিয়া  
হুলিয়াছিল এবং বাঁহার প্রতিভা আজিও “কুমেরু অবধি  
কুমেরু হইতে” বিকশিত সেই অমর কবি

### সেক্সপীয়ারের

কয়েকখানি নাটক সরল ও সাধু ভাষায় গল্পাকারে লিখিত  
হইয়াছে। প্রাচ্য ও প্রতীচ্যের অপূর্ব সমাবেশ।

এককথায় কাব্যকাহিনী বাংলার Lamb's Tales বলিলেও  
হয়। প্রথম হইতে শেষ পর্য্যন্ত অতি সুন্দরিত, সুমধুর, সাধু  
ও সরল ভাষায় গল্পগুলি বর্ণিত।

### প্রত্যেক গল্প চিত্তাকর্ষক

আবল বুদ্ধ বনিতা সকলেরই পাঠোপযোগী।

### Prize Book বা উপহারের

একটা অপূর্ব কাহিনীর বলিলেও অত্যাঙ্কি হয় না।

বাঁহারা মূল সেক্সপীয়ারের রসাস্বাদনে বঞ্চিত, তাঁহাদের  
নিকট ইহা চির-আদরের সামগ্রী।



স্বায় বাহাদুর শ্রীদীননাথ সান্যাল বি-এ, এম্-বি,  
কর্তৃক অনূদিত ও সমালোচিত

## কুমারসম্ভব

৫০

Revised Second Edition.

ইহাতে সরল অথচ সাধু গণ্ডে শ্লোকের ভাবানুবাদ ও বিস্তৃত ব্যাখ্যা করা  
হইয়াছে। ইহার বিশ্লেষণমুখী-সমালোচনা বঙ্গ সাহিত্য-ভাণ্ডারে অমূল্য  
বলিয়া সমালোচিত হইয়াছে

**Telegraph**—“.....The book is a beautiful transla-  
tion. His command over the language & thoughts is  
unrivalled. The most learned, erudite & educative  
portion of the book is the introduction. He begins  
with the gradual evolution of human nature & the  
influence of the poet & moralist upon it. Such an able,  
learned, clear, simple & refreshing analysis as well as  
sympthetic introduction has never adorned a Bengali  
book...”

**সামায়েশ্বিনী**—“.....কাব্য-দেহের রস-ধাতু বিজ্ঞানে ও  
বিশ্লেষণে এমন বিচক্ষণ কয়জন আছেন, জাতি , তিনি কুমার বুলিয়াছেন  
ও বুঝাইয়াছেন! ইহার ভূমিকা অপূৰ্ব বস্তু। ইহা সাহিত্য ভাণ্ডারে  
অমূল্য লিপি-রূপে চির-পূজিত হইবে।”

**প্রবাসী**—... . “লেখক ভূমিকায় দেখাইয়াছেন যে প্রেম ও  
সৌন্দর্য এই দুইটি অনুভূতিই মানব-হৃদয়ের পরম উপাদেয় উপাদান-বস্তু :  
সামাজিক ধর্ম প্রেমে প্রতিষ্ঠিত। প্রেমের মূল মতী-ধর্ম।...লেখক সমস্ত  
ঘটনাবলীকে বিশ্লেষণ করিয়াছেন, শ্লোক অনুবাদ করিয়াছেন, টীকায় প্রত্যেক  
শব্দের তাৎপর্য বিচার করিয়াছেন। ইহাতে লেখকের ভাবুকতার সূক্ষ্ম  
পর্যবেক্ষণ পটুতার অনেক পরিচয় আছে। এই পুস্তকে কুমারের নূতন  
আলোক-পাত দেখিতে পাওয়া যায়।

রায় শ্রীদাননাথ সান্যাল বাহাদুর বি-এ, এম্-বি,

কর্তৃক ব্যাখ্যাত সমালোচিত ও সম্পাদিত

অমরকবি মাইকেল মধুসূদনের

## ভিলোত্তমা-সম্ভব ১।।০

এই পয়ার-প্রাবৃত দেশে অকস্মৎ এক নূতন প্রকার অমৃতচন্দ্রে বাঙ্গালা কাব্য বাহির হওয়াতে তৎকালিক বিদ্বজ্জন-সমাজে কিরূপ একটা তুমুল কল্লোল-কোলাহল উখিত হইয়াছিল এবং কিরূপে সেই কোলাহলের মধ্যে থাকিয়া এই কাব্য-খানি বাঙ্গালা সাহিত্যে নব-যুগের প্রবর্তন করিয়াছে তাহার বিশদ বিবরণ কবিবরের জীবনী সহ গ্রন্থারম্ভে

বিস্তীর্ণ ভূমিকায় ও সমালোচনায় দেখান হইয়াছে

**A. B. Patrika**—“In the introductory part of the book, the editor has dealt with the history of Bengali Poetry ; how the old style had been gradually supplanted by the new, what part Madhu Sudan played & what struggle the immortal poet made during the transition period of Bengali literature. So vivid is the description that the reader feels the pulsation which the poet himself felt. He has very ably put the mind of the poet before the readers. The edition is a valuable acquisition to the Bengali literature.”

**ভারতবর্ষ**—“শ্রীযুক্ত সান্যাল মহাশয় মাইকেলের মেঘনাদ-বধের যে বিস্তৃত ব্যাখ্যা ও সমালোচনা ইতঃপূর্বে প্রকাশ করিয়াছিলেন, তাহা পড়িয়াই তাঁহার প্রগাঢ় পাণ্ডিত্য ও তীক্ষ্ণ সমালোচনার শক্তির পরিচয় সকলে পাইয়াছিলেন। বর্তমান পুস্তকের ব্যাখ্যা ও সমালোচনাতেও তাঁহার পাণ্ডিত্যের পরিচয় সুপ্রকাশিত।”

রায় শ্রীযুক্ত দীননাথ সান্যাল বাহাদুর বি-এ, এম্-বি,

কর্তৃক ব্যাখ্যাত, সমালোচিত ও সম্পাদিত

## ব্রজাঙ্গনা ও বীরঙ্গনা

১১০

মাইকেল মধুসূদনের এই 'ব্রজাঙ্গনা বীরঙ্গনা' ভাষা ও ভাব-সৌন্দর্যে অল্পময়। যিনি বঙ্গ-সাহিত্যে অমিত্রাক্ষরের প্রবর্তন ও পরিপুষ্টি সাধন করিয়াছেন, তাহারই লেখনী হইতে সুমধুর মিত্রাক্ষরের এই 'ব্রজাঙ্গনা' কাব্যখানি রচিত হইয়াছে দেখিয়া বাস্তবিকই চমকিত ও মুগ্ধ হইতে হয়। আবার অমিত্রাক্ষরকর্ত্তে এই 'বীরঙ্গনাই' তাহার শেষ কাব্য। সুতরাং কাব্যের ভাষা ও ছন্দ যতদূর উৎকৃষ্ট হইতে হয়, তাহাই হইয়াছে। এই কাব্যে, ভাষা কিরূপ সুললিত ও সরল এবং ছন্দ সর্বত্র কেমন মধুর ও সঙ্গীত স্বাদ-বিশিষ্ট, গ্রন্থারম্ভে নিস্তীর্ণ সমালোচনায় তাহাই দেখান হইয়াছে সুন্দর অ্যাণ্টিক কাগজে পরিষ্কার অক্ষরে ছাপা।

**তত্ত্বনোথ্রিনী**—“প্রথমেই সুগবন্ধে একটা নাতিদীর্ঘ সমালোচনায় রসজ্ঞ সমালোচকের লেখনী সম্পাতে সমগ্র কাব্যখানির একটি নিবিড় রসানুভূতি মূর্ত্ত হইয়া উঠিয়াছে। বঙ্গ সাহিত্য-ক্ষেত্রে ইহা তাহারই একান্ত নিজস্ব দান।”

**A. B. Patrika**—“.....The annotator has shown special skill & power in analysing the mind of our emotional Poet. He has lucidly explained the keynote of the great poems. The hidden beauty of the two poems has been nicely explained in his admirable introduction.”

**ভানুভব**—“পাড়িলেই বুঝিতে পারা যায় তিনি কেমন অভিনিবেশ সহকারে প্রত্যেক শব্দটার আলোচনা করিয়াছেন। সমালোচনা করিয়া বাঙ্গালা সাহিত্যের শোভা বৃদ্ধি করিয়াছেন।”

রায় শ্রীযুক্ত দীননাথ সান্যাল বাহাদুর বি-এ, এম্-বি

কর্তৃক সংগ্রহীত ও অনূদিত

## শ্লোক-রত্নাবলী ১।।০

**আনন্দ-বাজার**—“..... এই বৃহৎ গ্রন্থে সান্যাল মহাশয় সংস্কৃতের বিপুল ভাণ্ডার হইতে বহু শ্লোক সংগ্রহ করিয়া পাঠকবর্গকে উপহার দিয়াছেন। শ্লোকগুলি সহজ, সুন্দর ধর্মমূলক এবং উপদেশাত্মক। নির্বাচিত শ্লোকের সরল বাঙ্গলা অর্থ দেওয়া হইয়াছে। যাহারা সংস্কৃত শ্লোক পড়িতে চাহেন, তাঁহাদের কাছে পুস্তকখানি আদরনীয় হইবে।”

**Amrita Bazar Patrika**—“.....Slokas with their translation in simple chaste Bengali. The compilation ranges from Post Vedic to almost recent times. The selection has been happy and the reading public will not find much difficulty in enjoying their beauty. A book like this was a long-felt want.”

**বসুমতী**—“.....সান্যাল মহাশয় অমূল্য সংস্কৃত সাহিত্য হইতে শ্লোক-রত্নমালা আহরণ করিয়া এই গ্রন্থে সজ্জিত করিয়াছেন। তাঁহার এই অবচিত কুসুম-নিচয়ে বাঙ্গালী রসজ্ঞ পাঠক প্রীতি ও জ্ঞান লাভ করিবেন একথা আমরা মুক্তকণ্ঠে বলিতে পারি।”

**Advance**—“.....Collection of Slokas from various sources, devotional, philosophic & literary and expounded in the venerable translator's inimitable way in chaste and dignified Bengali. The slokas have been selected with discrimination & care & woven together into a chaplet of flowers. The compilation will stand all knights of the pen and the tongue in excellent stead. The book will make a special appeal to those who have drunk deep at the fountain of Sanskrit learning. An attempt has been made to string together all slokas expressive of real poetic feeling & fervour & giving a new & inspiring interpretation of life.”

Approved as a Prize Book & a Library Book.

কবি শ্রীনলিনানাথ দাশগুপ্ত এম্-এ, বি-এল,  
প্রণীত

# ভিখারিণী

এক টাকা

পদ-লালিতো                      ভাব গাঙ্গীর্যে

চন্দ-বৈচিত্র্যে                      শ্রুতি মাধুর্যে

অতুলনীয়

ভাষা প্রাঞ্জল                      ভাব অন্তরঙ্গশী

ইহা পাঠ করিলে

হৃদয়ে তেজ,                      কর্মে উৎসাহ

জীবনে আনন্দ,                      মনে শান্তি,

জীবে দয়া, ঈশ্বরে ভক্তি

সঞ্চার হয়।

কবির কবিত্ব                      প্রেমিকের প্রেম

ভক্তের ভক্তি,                      সাধকের সাধনা,

সমস্তই একাধারে বিদ্যমান।

**মানসী**—“বিখ্যাত ও সাধারণ চুংখদৈত্তের কথা রসাত্মক বাক্যে  
প্রকাশ পাইয়াছে। ভাবে নূতনত্ব আছে। ভীর অকুভূতি ও উন্নত  
কাব্যরসের পরিচয় পাওয়া যায়। কবির উক্তি প্রাণময়। কবির বীণা  
বিশ্বের বেদনার দ্বারা আহত হইলেও তাঁহার স্বরে আশার বাণী স্পষ্ট হইয়া  
উঠিয়াছে।”

**A. B. Patrika**—“Each one of the poems is pregnant  
with celestial fire”.

**বঙ্গবন্ধু**—“প্রথম কবিতাতেই প্রাণের স্পর্শ পাইলাম। সর্বত্রই  
একটা সুন্দর ও প্রশান্ত শান্তিরসে হৃদয় আর্দ্র হয়।”

**Bengalee**—“Several lines are gems of purest ray  
serene. The thoughts, the style, the conceptions &  
sentiments make the book interesting to all lovers of  
literature.”

**বঙ্গবাসী**—...“অনেক স্থলে মল্লিনাথের টীকায় কুমারের যে  
কবিত্ব সৌন্দর্য প্রফুট হয়, নাই এই ব্যাখ্যায় তাহা হইয়াছে। ভূমিকায় কাব্য-  
কীর্তি ও শাস্ত্র-কীর্তির যে অপূর্ব বিশ্লেষণ হইয়াছে তাহা বঙ্গসাহিত্যের  
বিরাট বিশেষত্ব। ভূমিকায় প্রত্যেক পত্রে স্থনিপুন চিত্র-শিল্পীর রুচির  
সাহিত্য-কাব্য-কীর্তিরই পরিচয় পাই।”

রায় বাহাদুর শ্রীদাননাথ সান্যাল বি-এ, এম্-বি,

কৃত

**সীতা ও সরমা**

১।০

4th Edition.

সীতা ও সরমা চিত্রে মৃৎকরের যে কি অনাধারা সূক্ষ্ম কালাকলা  
লক্ষিত হয় বিস্তারিত সমালোচনায় তাহা দেখান হইয়াছে। ভাবে ভাষায় ও  
বিশ্লেষণে এমন মর্মগ্রাহী সমালোচনা বঙ্গভাষায় নিতান্তই বিরল।

**কোল্লনাথ-বধ**

বিস্তারিত ভূমিকা ও ব্যাখ্যা সমেত

এরূপ সংস্করণ বাঙ্গলা ভাষায় প্রথম।

সম্পূর্ণ কাব্য ভূমিকা ও ব্যাখ্যা সমেত—২।০

ঐ খণ্ডে খণ্ডে ভূমিকা ও ব্যাখ্যা সমেত (পরীক্ষার্থীর জন্য) ১।০

**Messrs J. K. Sarma & Co.**

33, Gurursoad Chaudhury Lane, Calcutta.

**Sanskrit Press Depository**

27-1 Cornwallis Street, Calcutta.











